

CAROLI FERD. HOMMELII
IVRISPRVDENTIA
NUMISMATIBVS
ILLVSTRATA

NEC NON

SIGILLIS GEMMIS

ALIISQVE

PICTVRIS VETVSTIS

VARIE EXORNATA



LIBRI DVO

LIPSIÆ

APVD IOANNEM WENDLERVM

MDCCLXIII.

MEMORANDUM FOR THE RECORD

WESTERN DISTRICT

NAVY DEPARTMENT

RECEIVED

DECEMBER 12 1913

WASHINGTON

RECEIVED DECEMBER 12 1913



DECEMBER 12 1913

RECEIVED

DECEMBER 12 1913

WASHINGTON

SERENISSIMAE
PRINCIPI REGIAE
DOMINAE
LONGE CLEMENTISSIMAE
MARIAE ANTONIAE
WALPVRGI

SVAE REGALIS CELSITVDINIS
POLONIARVM PRINCIPIS REGII
ATQVE
SAXONIAE HEREDIS
CONIVGI

PIAE DOCTAE INCLVTAE
MV SARVM ALMAE
TVTRICI
SACRVM.

WILSON

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1911

101110

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1911

101110


SERENISSIMA

ET

REGIA PRINCEPS

DOMINA

LONGE CLEMENTISSIMA

 *Has venerandas antiquitatis*
reliquias REGIAE
TVAE CELSITVDINI

*supplex consecrare audeo, non
propterea, quod foemina Saxoni-
carum princeps et Imperatoris
filia, nec quoniam Regis nurus et
ipsa aliquando (sic enim auguria
volunt) regina futura es, sed
quoniam in TE litterarum,
quas didicisti, tutelam doctamque
ERMELINDAM devotissi-
me colimus et sancte veneramur.
O felicem patriam salvasque lit-
teras, si TV, CELSISSIMA
ET REGIA PRINCEPS,
si TV scholarum veneranda ma-
ter, simul cum Serenissimo Coniuge*
FRID-

FRIDERICO CHRISTIANO,
cui ego aedem, (nam Apolline is
mihi sanctior) atque altaria in
pectore jam dudum consecravi,
quam diutissime salva sis. Deus
VOS servet patriae clarissima
sidera et litteris salutaria! Ne-
que enim princeps in orbe me-
lior quisquam FRIDERICO
CHRISTIANO, neque foe-
mina inter omnes, quae vivunt,
doctior ERMELINDA.
Rogo autem, DOMINA, ut
TV inprimis studia mea et
memet ipsum potenter tuearis,
a 4 custo-

*custodias, protegas et ab omni
calumnia sincerum integrumque
conserve!*

**SERENISSIMA
PRINCEPS REGIA
DOMINA**

LONGE CLEMENTISSIMA

REGIAE CELSITUDINI TVAE

devotissimus

CAROLVS FERD. HOMMEL.



PRAEFATIO.

Operis iam aliquoties promissi et duodecim annorum pertinaci studio collecti principium tandem in publicum prodire iubeo, invidorum quidem opinione et lividulorum quorundam, qui satis acerbe: me pollicitationes meras mussitare et vanis promissis publicum fallere exprobrarunt, serius, sed mea voluntate citius. Vereor autem, non hos solum sed faventes etiam amicos, aliosque elegantes harum rerum iudices, statim in libelli huius fronte reprehensuros esse, quod non, sicuti promiseram: *Nummorum ex iurisprudentia illustratorum* potius, a 5 quam,



quam ut feci: *Iurisprudentiae Numis-*
matibus illustratae titulum inscripserim,
cum manifestum sit, quae monumenta
congeffimus, ea maiorem ex iurecon-
sultorum libris, quam hos ex illis, lu-
cem accipere. Reprehendent etiam
rerum propositarum ordinem, quem
nullum me fateor servasse, sed rem, ut
quaelibet prima in manus venit, in
chartam coniecisse. Ne tamen forte
quis existimaverit, fieri non posse, ut ma-
teria in libello hinc inde vario modo
dispersa suis atque idoneis titulis or-
dinatim distinguatur, nos initio statim
quoddam quasi repertorium adicien-
dum putauimus, ut huius ope et mini-
sterio is, cui non omnia euoluere atque
perlegere placeat, sibi soli utilia in nu-
merato accipiat. Ecce igitur:



LEGES IN NUMMIS
MEMORATAE.

Aebutia per Liciniam aucta. Monum. XXXIX.

Antonini civium ampliatrix. Monum. CXIV.

Cassia. Monum. XXXVIII.

Coelia tabellaria. Monum. CVII.

Deidia de poenis militum. Monum. LII.

Iulia de maritandis ordinibus. Monum. XXVII.
XXVIII.

Lex de olea incerta. Monum. XXIV.

Licinia sumptuaria. Monum. XXXIX.

Licinia plebiscitum. Monum. XXXIX.

Licinia Iunia de legibus promulgandis. Monum.
XXXIX.

Ludovici XIV. Codex legum. Monum. IV.

Ludovici XIV. edictum contra duellantes.
Monum. LXXIII.

Memmia. Monum. XXI.

Papia de peregrinis. Monum. CVIII.

Papia incerti argumenti. Monum. CVIII.

Papia Poppaea. Monum. LV. LVI. LVII. LVIII.

Papiria de suffragiis. Monum. CVIII.

Publicia de lusu. Monum. XXIII.

Regiae leges Numae. Monum. LIV.

271

Remmia



Remmia de calumniatoribus. Monum. XXI.

Sumtuaria. Monum. XXVIX.

Tabellariae. Monum. XXXVIII. XXXIX. CVIII.
CXV. CXVI. et CXVII.

Zaleuci de adulteris. Monum. III.

*Leges ex Pandectis, Codice et Novellis illustratae
in fine operis peculiaris index monstrat.*

IVS CANONICVM.

Graduum computatio. Monum. XXXVII.

Legitatio per oblationem monasterio factam.

Monum. LXXXVII.

Pallium archiepiscopale. Monum. V. XXXII.

XXXIII. XXXIV. XXXV. XXXVI.

Pedum episcopale an augurum lituus sit? Monum.

XVI. XVII. XVIII.

Nuptiae prima specie incestae. Monum. IX.

Rotae Romanae supremum iudicium. Monum.

LVIII. LIX. LX.

An falsa Latinitas vitiet rescriptum Papae?

Monum. XL. XLI. XLII.

IVS CRIMINALE.

Vide Poenas et Crimina.



IVS FEODALE.

Comitatus an beneficia vexillaria? Monum. LXXX.

LXXXI. LXXXII. et LXXXIII. LXXXIV.

Feodum Ligium. Monum. CVII.

Hominium regi Galliae praestitum Seculo XIV.

Monum. LXVII. et LXVIII.

Investitura cum vexillis. Monum. LXXIV.

LXXVIII. LXXIX. LXXX. LXXXI. LXXXII.

LXXXIII. LXXXIV.

Investitura ducis Lotharingiae. Monum. CVII.

— — *Friderici.* Monum. LXXIX.

— — *Alberti.* Monum. LXXVIII.

Imperium an beneficium pontificis? Monum.

XLIII.

Servitia a vasallis praestita. Monum. XXI. XXII.

IVS GERMANICVM.

Colossi iurisdictionis in Germania indices. Monum.

XCVII.

Computatio graduum Germanica. Monum.

XXXVII.

Consacramentales. Monum. LIII.

Quellum Iudiciale. Monum. XXV. et XLVI.

Ordalia. Monum. XXV. et XLVI.

Rel



Rei vindictio. Monum. LXXIV.

Traditio per chirothecam. Monum. CVI.

— — *per ostium.* Monum. CXIII.

— — *per surculum.* Monum. XCVIII.

IVS NATVRAE.

Suum cuique. Monum. CXI.

IVS PVBLICVM.

Aquila biceps apud Graecos. Monum. L.

Archiofficialium ministeria. Monum. XXI. XXII.

Cameralis iudicii fundatio. Monum. VIII.

Comitatus an sint beneficia imperii vexillaria?

Monum. LXXX. LXXXI. LXXXIII. et
LXXXIV.

Imperii Germanici et regni Longobardici nexus.

Monum. XLV.

Imperium an beneficium pontificis? Monum.

XLIII.

Insignia imperii filia. Monum. XLV.

Investitura electoris Brandenburgensis. Monum.

LXXIX.

Investitura marchionis Brandenburgensis. Monum.

LXXVIII.

Posta-



Postarum antiquitas. Monum. CV.

Reginae publice pariunt. Monum. XLIV.

Regna adsignata. Monum. XCI. XCII. XCIII.

XCIV. XCV. et XCVI.

Titulus Semper Augusti quando coeperit?
Monum. LXI.

Vestigalia populi Romani. Monum. LI. CIII.
CIV. CV.

DII TUTELARES IVRIS- PRUDENTIAE.

Aequitas. Monum. LXXXVIII. et LXXXIX.

Iustitia. Monum. I.

MAGISTRATUS.

Censores. Monum. XCIX. C. CI. et CII.

Comites. Monum. LXXIV. LXXX. LXXXI.
LXXXII. LXXXIII. LXXXIV.

POENAE ET CRIMINA.

Abigee. Monum. XXXI.

Adulterii poena. Monum. III.

Aleatorum inconmoda. Monum. XXIV.

Calumniatores. Monum. X. et XI.

Decalvatio. Monum. XV.

Edictum



Edictum contra duellantes. Monum. LXXIII.

Iniuriae pictae. Monum. XLIII.

Militares poenae. Monum. LII.

Poenae quae corium et capillos afficit. Monum. XV.

Stuprum violentum. Monum. XV.

TRIBUTA ET VECTIGALIA.

Fisci Iudaici calumnia sublata. Monum. CIII.

Quadragesimae remissae. Monum. CIV.

Reliquorum debita abolita. Monum. LI.

Vectigalia remissa. Monum. LI. CIII. CIV. et CV.

Vehiculatio Italiae. Monum. CV.

IVDEX ET IVDICIA.

Cameralis iudicii fundatio. Monum. VIII.

Cirulis sella. Monum. VI. VII.

Duellum iudiciale. Monum. XXV. XLVI.

Litigatores sedente iudice stantes. Monum. XIX.

Iudicia publica tabelis peracta. Monum. XXXVIII.

XXXIX.

Ordalia seu duellum hominis et bestiae. Monum.

XXV. et XLVI.

Preces principi oblatæ. Monum. CXII.

Rolandi iurisdictionis indices. Monum. XCVII.

Rota



Rota, cur supremum pontificis iudicium dicatur?

Monum. LVIII. LIX. LX.

Tribunal praetoris Romani. Monum. VI. VII.

Sententia absolutoria et condemnatoria. Monum.

XXXVIII. XXXIX.

LEGISLATORES CELEBRES.

Zaleucus. Monum. III.

Numa. Monum. LIV.

HERALDICA.

Aquila imperii biceps Graecorum. Monum. L.

Alia insignia imperii. Monum. XLV.

Galearum ornamenta frondosa. Monum. CIX. CX.

Insignia Romanorum loquentia. Monum. XXIII.

LXII. LXXIII. LXIV. LXV. LXVI. et

LXVII.

RITVS ET SYMBOLA IVRIS.

Comitia, tabulae diribitores, ovilia, pontes.

Monum. XXXVIII. XXXIX. CXV. CXVI.

Duellum indiciale. Monum. XXV. XLVI.

Investiturarum. vide ius Feodale.

Ius jurandum. Monum. LIII.

Legitimatio per pallium. Monum. LXXXVII.



Legitimatio per oblationem curiae coelesti. Monum.
LXXXVII.

Manumissio per vindictam. Monum. XX.

Traditio per chirothecam. Monum. CVI.

— — *per ostium.* Monum. CXIII.

— — *per ramum.* Monum. XCVIII.

Vindicatio equi. Monum. LXXIV.

IVRIS CONSVLTI.

Aelius Catus. Monum. LXXV.

Aelius Tubero. Monum. LXXVI.

Alfenus Varus. Monum. LXXI.

Capito. Monum. LXXVII.

Cato. Monum. XIII. XIV.

Grotius. Monum. XXVI.

Nerva pater et filius. Monum. CXVIII. CXIX.

Scaevola. Monum. CXX.

Scipio Nafica. Monum. XII.

Sempronius Sophus. Monum. LXXII.

Servius Sulpicius. Monum. LXIX. LXX.

Vlpianus. Monum. XXX.

VARIA.

Aenigma iuris. Monum. IX.

Exagium solidorum in Theodosii Novella. Monum.
LXXXVII.

Primum



Primum totius iuris praeceptum. Monum. CX.

Trium liberorum bonos. Monum. LV. LVI. LVII.

De inspiciendo ventre et custodiendo partu.

Monum. XLIV.

Callida, sed malitiosa pacti interpretatio. Monum.

XLVII. XLVIII. XLIX.

Ad titulum Codicis de precibus imperatori offeren-

dis. Monum. CXII.

De rescriptis principum. Monum. XL. XLI. XLII.

De novis tabulis. Monum. LI.

Fassus sum igitur ingenue, quae vitia inesse putem, imo, si quae alia fuerint, rogo non solum, verum etiam spero, aequos harum rerum arbitros homini rem difficilem primum agredienti condonatueros esse. Licet enim nonnulli de pulchritudine et praestantia huiusmodi operis ore hiante multa varie declamauerint, nemo tamen illud suscipere, quid? de eo ne quidem serio cogitare, si unum HEINECCIUM eximas, qui in praefatione

tione ad GVNDLINGII Exercitationes Academicas docere voluit, quomodo is labor instituendus sit. Sed agitatum ab ipso consilium intra propositi fines perstitisse novimus, atque etiam, ut plane quod sentio dicam, ex intermisso opere non magnum orbi litterato detrimentum.

Nam, ut ille sibi proposuerat, im-
mensum futurum erat, sine fructu,
opus. Minutissima nempe quaelibet
et singula legum verba nummis exor-
nare cupiebat hoc modo, ut cum ad
rerum divisionem, qua aliae res publi-
cae, aliae sacrae, aliae sanctae, aliae
religiosae dicuntur, venisset, ita com-
mentaretur: *Si quis, quales apud Ro-
manos fuerint res sacrae, coram dispicere
velit, ei numismata veterum innumera osten-
dunt templa, aras, deorum dearumque si-
mulacra, instrumenta, quorum in sacris usus
erat, ipsa sacra et sacrificia, muros et por-
tas, rogos praeterea et ustrinas, quarum*
jucun-

jucundum spectaculum est in nummis. Si quis deinde rerum communium, publicarum et ad universitates pertinentium imagines et symbola contemplandi cupiditate quadam tenetur, eius sitim facile explebunt tot insignes atque elegantissimi nummi, in quibus maria, littora maris, flumina, portus, curiae, basilicae, theatra, similiaque opera elegantissime depinguntur. Quam ad rem vero talia colligas, aut cui haec omnia bono? Non copia tam immensa et, ut ita dicam, nimis abundante luxuria, sed selectu opus est. Ergo nos alia quodammodo via ingredientes, haec aliaque argumenta nummorum communia atque nimis vulgaria, ex quibus nihil extricare possis, quod iurisprudentiam propius attingat, negligenda ac praemittenda putauimus, iis tantum monumentis contenti, quae caeteris praestantiora sunt, et, siue ad ornandam siue ad iuvandam artem nostram, utilitates quasdam maiores, dulcedinesque

praebeant. Sane si, ut ille consilium
coeperat, exequi voluissimus, non erat
in VAILLANTIS, GOLZII, OCCONIS,
PATINI aliorumque thesauris nummus
Omnino ullus, quem hac ratione non
liceat legi cuidam aptare, nec lex in
toto corpore iuris, ulla, quae nummis
plurimis exornari nequeat. Sumtuosa
haec sine Gratiis. Igitur illud sapientis
dictum: *Nequid nimis* negligere veriti,
notabiliores tantummodo picturas, quae
in gemmis, sigillis, nummis, aliisque
monumentis obueniunt, tristi atque se-
verae, quae ita exhilarari possit, iuris
doctrinae adspargere maluimus manu
potius, quam toto sacco. Ex quo ta-
men facile praevideo hoc mihi euentu-
rum, ut infensi meis studiis, adspecto
tam exiguo libello, exclamaturi sint:
Bone Deus, tam pauca ille? nempe nos
hoc etiam poteramus! At veniam
quaeso. Non erat tam facilis ille la-
bor, quam inexperti forte existima-
verint.

verint. Etenim, iniurato nisi creditis, Apollinem iurisperitum obtestor, me plures *Flavios Germanicos* *) scripturum esse citius, quam paucas ex tali genere plagulas. Innumera quippe volumina in pulverulentis variorum bibliothecis, ut ex iis quaedam nobis profutura decerperem, evolvi atque saepius, (ut ne quid mentiar, minimum dicam) mille numismata curiosius undique quaesita non solum inspexi, sed litteras in iis singulas, puncta, notas atque figuras probe consideravi, priusquam unus appareret ad artem, quam profite-mur, utilis et satis opportunus. Quanta praeterea cum artificibus, sculptore atque pictore, contentio, ut exacte omnia et summa fide perficerent! Hem, quoties

*) Liber forensis satis magnus, ab auctore iisdem in nudinis, quibus hic liber prodit, emissus, sub titulo *Teutscher Flavius*.



quoties reieci ac denuo conduxī, quod illi non recte curassent! Taceo alia, quae nemo perspiciet unquam, incommoda, neque credet mihi evenisse, nisi qui rem plane eandem suscepit. Cum itaque huic labori propter reliquas officii occupationes, quae noctes et dies continuae urgent, vix vires sufficiant, priores tantum libros, ne plane nihil eius, quod promiseram, videar exsolvisse, e carcere et mea manu dimitto, tertius, si Deus volet, forte et quartus (neque enim iam exhausta penus, sed amplissima similium superest nummorum aliorumve monumentorum copia) suam suo tempore libertatem consequentur. Scribebam Lipsiae Mense Martio MDCCCLXIII.

CAROLI FERD. HOMMELII
IVRISPRVDENTIA
NVMISMATIBVS
ILLVSTRATA

NEC NON


SIGILLIS GEMMIS

ALIISQVE

PICTVRIS VETVSTIS

VARIE EXORNATA

LIBER PRIMVS.





LIBRI I. ET II.
C O N S P E C T V S.

I ustitiae templum eiusque sacerdotes	Pag. 1
Poena adulterii et iudicium Zaleuci	5
Legum Gallicarum Codex	8
Ad titulum Decretalium de auctoritate et usu Pallii	12
Tribunal Praetoris Romani	17
Cameralis Iudicii a Maximiliano Primo instituti memoria, in nummo, qui vulgo Cameralis dicitur	25
Aenigma Iuris pulcherrimum	31
Lex non Remmia, sed Menmia de Calumniatoribus	37
Scipionis Nasicae, et Catonis Censorii vultus aeter- nales	45
Poena, quae corium et capillos afficit	49
An Pedum episcopale augurum lituus sit?	54
Litigatores, sedente iudice, stantes	67
Manumissio coram praetore per vindictam	61
Ministeria palatina ab officialibus in equo praestita	64
Lex Publicia de lusu et sponsonibus. Aliae leges talariae	67
Duellum iudiciale viri et mulieris	75
Fuga Hugonis Grotii	83
Lex Iulia de maritandis ordinibus	83
Vlpiani adhuc superstes imago	90
	De



De Abigeis	<i>Pag.</i> 94
Iterum de Archiepiscopali pallio	96
Graduum computatio Germanica	99
Leges tabellariae Licinia et Cassia, atque obiter quædam de Lege Licinia sumtuaria	103
Ad Capit. undecimum Extra, de rescript.	108
Picturæ ignominiosæ, quæ imperium Germani- cum Pontificis beneficium esse, mentiebantur	112
Ad L. 1. §. 10. ff. de inspiciendo ventre et custo- diendo partu	118
Regnum Italiae sub Ottone Magno iunctum Im- perio Germanico	121
Duellum judiciale bestiae et hominis	124
Callida, sed malitiosa, pacti interpretatio.	130
Aquila Graecorum biceps	135
De Reliquis abolitis; item de Novis Tabulis	139
Lex Didia de poenis militum	142
Consecramentalium jurandi ritus	147
Numa Pompilius populo Romano leges suadet	152
Trium liberorum honor	154
Summum Pontificis iudicium cur Rota dicatur?	161
De titulq̃ imperatoris: semper Augustus	165
Insignia Romanorum loquentia	168
Hominium regi Galliae praestitum Seculo XIV.	172
Servius Sulpicius, Alfenus Varus et Sempronius Sophus	167
Singularium certaminum furor lege coercitus	180
Vindicatio equi, secundum veteres Germaniae mores	185
Sextus Aelius, Quintus Tubero, et Atteius Capito	188
	<i>Investi-</i>



Investitura primi Marchionis Brandenburgensis Alberti	192
Investitura primi Electoris Brandenburgensis Frederici I	196
Æoda comitum an vexillaria?	202
Exagium solidorum in Novella Theodosii	210
Legitimatio per Pallium et per Oblationem curiae coelesti, sive monasterio factam	214
Aequitas a Iustitia distincta	219
Roma reges pronuntiat	224
Colossi iurisdictionis in Germania iudices. Gladius insigne comitum	236
Traditio fundi symbolica per furculum	236
De Officio Cenforum	239
Vestigalia remissa et de Cursu publico	244
Traditio symbolica per chirothecam	250
Feodum Ligium	254
Lex Papia incerti argumenti aut potius Papiria de suffragiis	257
De ornamentis galcarum frondosis	262
Suum cuique	265
Ad titulum codicis de precibus Imperatori offerendis	267
Traditio aedium per ostium	269
In orbe Romano qui sunt, ex constitutione Imperatoris Antonini cives Romani effecti sunt	271
Leges Coelia et Cassia tabellariae, Tribunal, Libertas	275
Publius Mucius Scaevola, Cocceius Nerva pater et filius	279



E R R A T A

OPERARVM NOTABILIORA.

- Pag. 26. lin. 20. pro MCCCCLXXXV. lege
MCCCCLXXXVI.
- Pag. 27. lin. 18. lege iterum MCCCCLXXXVI.
- Pag. 32. lin. 12. pro ambo, lege *ambae*.
- Pap. 38. lin. 12. deleatur LAMBIVS.
- Pag. 57. lin. 2. pro Litigatores lege *Litigatores*.
- Pag. 151. lin. penult. pro Hadgemal lege *Handgemal*.
- Pag. 169. lin. 10. post : in Monumento adde: LXII.
- — lin. 12. pro LXII. lege LXIII.
- Pag. 176. lin. 3. lege *Alfenus*.
- Pag. 181. in nota, tolle verbum *lib*.
- Pag. 210. lin. 2. lege LXXXVII.
- Pag. 193. lin. 10. Saxoncia lege *Saxonica*.
- Pag. 243. lin. 14. plerique pro *plerique*.
- Pag. 244. lin. 3. lege *Vestigalia*.
- Pag. 269. lin. 3. lege *Guelpherbyitano*.
- Pag. 271. lin. 11. pro Antonio lege *Antonino*.



Dieses Blat wird abgeschnitten.



MONVMENTVM I. ET II.

Iustitiae Templum ejusque Sacerdotes.

Adea principium! Nempe IUSTITIAM
cernimus Iovis femine progeneratam, quae,
UT ORPHEVS ait apud DEMOSTHE-
NEM, *) folio patris accumbens facta et cogi-
tata mortalium assidue contemplatur. Anti-
quissimis statim temporibus templum Romae
habuit, **) sed primus marmoreum fecisse vi-
detur OCTAVIUS AVGVSTVS, plaudente
OVIDIO: ***)

*Principe nec nostro Deus est moderatior ullus,
Iustitia vires temperat ille suas.
Nuper eam Caesar, factio de marmore templo,
Iam pridem posuit mentis in acde sita.*

Hoc

*) Demosthenes in Aristogitonem.

**) Dionys. Halic. Antiq. Rom. lib. 2. p. 134. edit. Sylb;
Lips.

***) Ovid. de Ponto lib. 3. ep. 6. vers. 25.



Hoc, nescio quo casu, collapsum repara-
vit TIBERIVS, vt nummus docet, cui in-
scriptum est: *Tiberius CAESAR DIVI AV-*
Gusti Filius AVGustus Pontifex Maximus TRI-
bunitia POTestate XXIV. et infra RĒ. hoc est:
restituit. Miror marmoreum templum diutur-
nius non fuisse, vt TITI Caesaris refectione
opus haberet, quemadmodum nummus apud
PATINVM cum eadem Iustitiae imagine in-
dicare videtur, his litteris insignis: IMP. T.
CÆS. DIVI VESP. F. AVG. RESTI-
TVIT. Neque tamen illum repeto, licet ele-
gantissimum, ne praeter necessitatem figuris
liber inturgescat, sed ad eum reuertor,
qui oculis subjacet. Caput cinctum vitta.
Virgo THEMIS enim, quo etiam nomine
coelestia inter signa hodie fulget,

Neglecta terras fugit et mores feroces
Hominum, cruenta caede pollutas manus
Astraea, VIRGO, siderum magnum decus.)*

De re eadem quis OVIDII **) versus ignorat?

Victa jacet pietas, et VIRGO caede madentes
Vltima coelestum terras Astraea reliquit.

Qui

*) Seneca in Octavia A&. 2,

**) Ouid. Metam. lib. I. v. 149.


ad pag. 2

I.



II.







Qui sequitur nummus ANTONINI PII est, cum simili nota: REstituit. Ex lance, quam dextra porrigit, patellariam fuisse, nec injectam stipem neglexisse, cognosces. *) Caeterum sceptro suffulcitur, aut, si mauis, longa, qua rectum ab obliquo discernimus, regula. Anne forte deam ipsam ejusque templum ante oculos habuit diuinus ejus antistes et maximus sacrorum cultor VLPIANVS, **) cum *Iustitiae Sacerdotes* diceret eos, qui rerum diuinarum et humanarum mysteriis initiati, quotidie iusti atque iniusti notas interpretando et iudicando expendunt, vitamque agunt doctrinae suae et legibus conuenientem.

Sed audi, diua virgo! audi querelas nostras, siderum magnum decus! Cur auro turpissimos, cur honore et opibus comples, qui leges et iura subuertunt? Mirari ego saepius, quare non sis IUSTITIA iustior, imo an vlla esses? sollicitari. At venia peccato! utcumque ea se res habeat, non desinam tuis supplicare altaribus
et

*) Lactant. Inst. lib. 2. cap. 2. §. 14. et cap. 4. §. 19. Cicero lib. 3. de nat. deorum. cap. 34.

**) L. 1. §. 1. ff. de iust. et jur.



et auguste tuum numen sancteque venerari.
Si verbo invidia absit, dicam esse aliquod et
mihi in sacra tua meritum. Ecce enim has
tibi tabulas suspendo, ecce gemmis te comtio-
rem facio et nummis. Aedificent templa
TITI et collapsa ANTONINI restituant,
nos, quae possumus, thura accendimus. Esto
igitur propitia mihi et, quas nunc fundam,
preces exaudi:

*Te sic ornanti nummis ASTRAEA vetustis,
Si placuit pietas, da, precor, alma novos!*



MONVMENTVM III.

Poena adulterii et iudicium Zaleuci.

ZALEVCVS admodum seuerus iuris rigidissimi conditor, de quo an fuerit unquam? TIMAEVS *) inepre dubitauit, ZALEVCVS, inquam, quo mirabili seueritatis et clementiae temperamento filii adulteri poenam mitigauerit, non potest melius dici verbis VALERII MAXIMI: **) *Zaleucus, inquit, urbe Locrensiū a se saluberrimis atque utilissimis legibus munita, cum filius eius adulterii crimine damnatus, secundum ius ab ipso constitutum, utroque oculo carere deberet, ac tota ciuitas, in honorem patris, poenae necessitatem adolescentulo remitteret, aliquamdiu repugnauit. Ad ultimum precibus populi euictus, sua prius, deinde filii*

*) Cicero de legib. lib. 2. cap. 6.

**) Valer. Max. lib. 6. cap. 5, Ext. 3.




filiū oculo eruto, vsum videndi utrique reliquit. Iures chalcydonii huius, quem ex EBERMAYERI incomparabili Gemmarum Thesauro exhibemus, sculptorem haec ipsa VALERII verba prae oculis habuisse. Nam et ciuitatem, quam turritum caput prœdit, non neglexit prolapsam in genua et supplicantem exprimere. Omnia in hoc lapillo satis paruo, sed, vt minutissima quaeuis adspectui sine specillis pateant, in maiores lineas ampliato, subtiliter et assabre facta; nisi quod Romanus artifex communi sculptorum pictorumque vitio (nam et nostri antiqua et peregrina saepius ad exemplum recentioris aevi depingere solent) non Graeco, sed Romano more vestes, sellam, reliqua efformauit, imo lictores cum fascibus, satis ridicule, apposuit. Stupendum vero et omni posteritati admirandum facinus ZALEVCI, quo animosiores THEMIS heroem non alium habet, nisi velis quosdam argutos imitari, qui scelestam in detrahendo gloriam et nescio quam ingenii laudem quaerentes, etiam LVCRETIAE COLLATINAE pudorem proscindere, *) SOCRATIS vero in

morte

*) Fontenel. in Dialogis mortuorum.







mortē perferenda et patiēdo vxoris turpissimae injurias constantiam *) in dubitationem adducere conati sunt. His facile fuerit dicere; nihil conueniens suae legi statuisse ZALEVCVM, sed iudiciū satis iniquum tulisse. Quae enim, malum! dementia, contra communia naturae praecepta, quae membrorum curam cuique et conseruationem imperat, parte sui, qua non est alia in animali corpore nobilior aut pretiosior, se ipsum priuare? Videatis porro, dixerint illi, quam peruerse oculum filio alterum, contra iura a se perlata, donauerit? Nonne enim et superstitē adolēscens oculo nuptas puellas adspicere adeoque crimen iterare potuit? Fallor, an haec causa est, quam ob rem lumen adulteris, non alterutrum, sed vtrumque lex eripi praecepit.

MONV-

*) Leyseri Meditationes ad Pand. Tom. X. p. 780. seq. Menzies In disp. Socrates nec officiosus maritus nec laudandus paterfamilias,



MONUMENTVM IV.

Legum Gallicarum Codex.

Triumphos atque victorias antiqua Romanorum numismata ut plurimum referunt, sed et legum in comitiis latarum memoriam, ut exemplis libellus noster variis et copiosis demonstrat, in aere publico familiarum principes conservare studuerunt, quasi eadem plane amplificare armis imperium, quam bonis legibus firmare, gloria simillimusque honor sit. Haec enim duo munera imperantis, ut, quemadmodum **IUSTINIANVS** ait, utrumque tempus et belli et pacis recte possit gubernari. Merito ergo laudamus et admiramur in funebri pompa **CAESARIS AVGVSTI**, inter victorias etiam legum titulos fulsisse, imo triumphis praelatos fuisse, ut locus **TACITI** *) testatur:


Tum consultatum de honoribus: ex quibus maxime in-

*) Tacit. Annal. lib. I. cap. 8.

IV

ad pag. 8.





insignes visi: ut porta triumphali duceretur funus, GALLVS ASINIVS; ut legum latarum tituli viſtarum ab eo gentium vocabula anteferrentur, L. ARVNTIVS cenſuere. Non nouum aut mirabile, titulos legum in tabellis aut vexillis pictos funus AVGVSTI ornasse, cum iste honos cui-libet contigiſſe videatur, qui legem pertuliſſet. Sed hoc ſingulare potius in Auguſti funere et memoratu dignum, antepoſitos et praelatos fuiſſe hos legum titulos vocabulis deuictarum gentium, cuius quidem honoris a ſenatu decreti rationem mihi videor inueniſſe in IVLIANI *Caesaribus*, vbi hic ipſe AVGVSTVS de ſe in deorum concilio praedicat: ſe exiſtimaviſſe melius, legibus ornare rempublicam, quam victoriis amplificare. *) Quam glorioſum autem fuerit, legem proprio nomine inſignem pertuliſſe, vel haec CHRYSOSTOMI **) oſtendunt: *Habebunt nepotes ac nepotum filii, quod ſciſcitantibus reſerant, quod ille ſcilicet praeclaram illam legem primus tulerit.* Si non eundem,

*) Iuliani *Caesares*. p. m. 206.

**) Chryſoſt. *Homil.* 49.



dem, quem Imperatori AVGVSTO senatus Romanus, similem tamen LVDOVICO XIV. honorem Societas Academiça Inscriptionum *) decreuit, dum inter varios nummos, bellicos regis sudores exhibentes, etiam hunc excogitavit, in quo Iustitia dea gladium cum libra ei tradit folio insidenti, subscriptis verbis: NOVO CODICE LATO MDCLXVII. et supra LITIVM SERIES RESCISAE. Pulcherimum opus et ad veterum sententiam efformatum, quibus iura armis aequae cariora, nec vtili lege victoria vlla excellentior videbatur, cum et Graeci **) SOLONEM legibus rempublicam perenniorem fecisse, quam THEMISTOCLEM insigni ad Salaminem victoria, Spartanis vero magis LYCVRGI disciplinam, quam aut PAVSANIAE aut LYSANDRI militarem virtutem profuisse, lubentissime confiterentur. Neque tamen LVDOVICVS MAGNVS primum in Galliis codicem condidit, sed antiquiora Franci constitutionum corpora habue-

*) Medailles sur les principaux evenemens du regne de Louis le Grand, avec des explications historiques par l'Academie des Medailles et des Inscriptions. pag. 94.

**) Cicero lib. 1. de offic. c. 22.

habuerunt. Non equidem BREVLII non REBVFFI, non FONTANONII, atque RVPMAILLETI collectiones priuatas, sed publicos LVDOVICI SANCTI et HENRICI Codices innuo. Quod postremum quidem attinget, HENRICVS III. rex Franciae sapientissimus, BARNABAE BRISSONIO, de quo dicere solebat: nullum in orbe principem esse, qui doctorem aleret, BRISSONIO suo in litterarum gloria comparandum, id dedit negotii, vt regias constitutiones vndique congestas in meliorem ordinem redigeret, qui Codex sub nomine Basilicorum anno 1587. prodiit.

Quernadmodum vero Henricianus BRISSONII, ita Ludouicianus Codex in nummo memoratus, PETRI SEGVERII studio scriptus est. Hoc codice potissimum iudiciorum viam, per varios anfractus implicatam, rex vere magnus breuiorem fecit et luxuriantem ciuiliū causarum diffusamque prolixitatem mire coercuit, huius sui cancellarii SEGVERII opera, quem, ob insignem litterarum peritiam, qua sibi nomen inter eruditos fecit, Musarum delicias, Themidis corculum, atque Franciae ocelum merito dixeris.



MONUMENTVM V.

*Ad titulum Decretalium
de auctoritate et vsu
Pallii.*

Magna inter iuris pontificii consultos de pallii archiepiscopalis forma, nata est disputatio. PETRVS DE MARCA illud pretiosam olim et amplam vestem totum corpus ad talos usque contegentem fuisse perhibet, quam CONSTANTINVS MAGNVS, honoris causa, primus pontifici Romano largitus sit. At sequentibus temporibus, cum hoc ornamentum pontifex porro concefferit archiepiscopis, casu quodam in eam formam transiisse, qua hodie esse solet. Nempe, ut sumtibus parceretur, misisse pontificem archiepiscopis tantummodo lacinias siue fascias, quae vestimentum ornatus causa circumdarent. Neque tamen hos adfuisse vestibus suis, sed vt missum erat adseruasse.





uasse. Hinc fieri, ut nec hodie assuatur, sed libere instar torquis a tergo et pectore propendeat. Haec ingeniosa PETRI DE MARCA somnia in fumum dedit IOHANNES GEORG, PERTSCHIVS in libro: *de Origine, usu et auctoritate pallii* atque luculentissimis argumentis, in primis ex quadam SYMMACHI epistola, nunquam integrum corporis indumentum, nunquam vestem Attalicam, sed in prima statim, eaque tam orientali quam occidentali, ecclesia ex candida lana confectum, semper sacerdotale, nunquam regium ornamentum fuisse, demonstravit; neque formam antiqui pallii ab hodierno discrepare, sed, uti nunc est, ita ab initio statim nigris rubrisque intextis crucibus distinctum fuisse, docuit, et plurimis antiquitatis monumentis aeri assabre incisus hanc sententiam suam approbavit. Miramur autem vetustiora non adduxisse. Nam, quae illic depinxit, seculi XII. aetatem non excedunt. Plus igitur ob maiorem vetustatem venerabile puto, quod ex ALEMANNI dissertatione: *De Lateranensibus Parietinis*, exhibemus. PETRVS apostolus, in cathedra sedens atque pallio exornatus, dat idem pallium LEONI pontifici, qui



qui ipse alio pallio conspicuus procumbit ad dextram, CAROLVS MAGNVS autem ad laeuam. Monumentum hoc mussium, vt vocant, siue tessulatum, tempore ipsius Leonis, vt Alemannus probat, confectum. In PETRI imagine singulare ac notabile videtur, non caput tantummodo, sed integrum corpus nimbum ambire, adscriptis verbis: SACRO Sanctus PETRVS: In latere, quo LEO pontifex genibus prouolutus, legimus: SACRATISSIMVS Dominus LEO PaPa. Parum probabile est, per vexillum quod Petrus CAROLO porrigit, imperatoris in Romam potestatem indicari, vt quidam opinantur. Non enim dominium vrbis, sed victoriam d OmiNo CARVLO REGI pollicetur, dato vexillo, imperii militaris signo. Subscriptio habet: BEATE PETRE DONA VITAM LEONI PAPE; BICTORIAM CARVLO REGI DONA. Imperatoris sine barba mentum, solo mystace labia circumfuso, quo et PETRI vultus mirum in modum deformatus est. Ipse autem CAROLVS vtrum suo, an Romano more in hoc tessulato opere appareat? iudicauerint lectores, ex HIS-
EGINHARTI verbis: *Corpore fuit CAROLVS*

LVS *) *amplo et robusto, statura eminenti, quae tamen iustam non excederet - - - Apice capitis rotundo, oculis praegrandibus ac vegetis, naso paululum mediocritatem excedente, canitie pulchra, facie laeta et hilari, unde formae auctoritas ac dignitas tam stanti quam sedenti plurima inerat: Quamquam certuix obesa et breuior venterque proiectior videretur. - - - Vestitu patrio, hoc est, Francico utebatur: ad corpus camisiam lineam et foeminalibus lineis induebatur: deinde tunicam, quae limbo serico ambiebatur, et tibialia. Tum fasciis crura et pedes calceamentis constringebat et ex pellibus lutrinis thorace confecto humeros ac pectus hyeme muniebat. Sago Veneto amictus et gladio semper accinctus; cuius capulus ac baltheus aut aureus aut argenteus erat, aliquoties et gemmato ense utebatur, quod tamen non nisi in praecipuis solennitatibus, vel si quando exterarum gentium legati venissent, faciebat. Peregrina vero indumenta, quamvis pulcherrima, respuebat, nec unquam eis indui patieba-*

*) Carolus Magnus utrum barbam aluerit, disquirat Pagen-Recher in libro singulari de barba Th. 9. p. m. 75.



patiebatur: excepto quae Romae semel ADRIANO pontifice petente et iterum LEONE successore eius supplicante, longa tunica et chlamyde amictus, et calceis Romano more formatis, induebatur. In solennitatibus veste auro tecta et calceamentis gemmatis et fibula aurea sagum adstringente: diademate quoque ex auro et gemmis ornatus incedebat, aliis autem diebus habitus eius parum a communi et plebeio abhorrebat.

MONUMENTVM VI. ET VII.

Tribunal Praetoris Romani.

Quod in appositis nummis templum putas, tribunal est, siue ille amplissimus et spectabilis locus, quem ROMVLVS, cum homines metu maxime a maleficiis absterri animaduerneret, terroris incutiendi causa et ad reuerentiam imprimendam, si DIONYSIO fides, in loco fori conspicuo primus aedificauit. *) Habuisse enim tribunalia aedium formam rotundarum et columnis sustentata fuisse VITRUVIVS **) docet his verbis: *Fiunt autem aedes rotundae, e quibus aliae monopterae sine cella columnatae constituuntur, aliae peripterae dicuntur. Quae sine cella fiunt, Tribunal. Habent*
et

*) Dionysius Halic. lib. 2. cap. 4. pag. 99. edit. Sylburg. Lipsienf.

**) Vitruvius lib. 4. cap. 7.



*et ascensum ex suae diametri tertia parte. Quod autem superius DIONYSIVM HALI-
CARNASSENSEM dixisse retulimus, fuisse sci-
licet tribunal ad metum commouendum aptum,
LIVIVS etiam comprobat*) de Macedonia
in prouinciam redacta verba faciens: Ipse ubi
dies venit, PAVLVS cum decem legatis, cir-
cumsusa omni multitudine Macedonum, in Tribu-
nali confedit. Adsuetis regio imperio, tamen
nouam formam terribilem praeibit Tribunal,
summotor aditus, praeco, accensus. Insueta
omnia oculis auribusque; quae vel socios, nedum
hostes victos, terrere possent. Hinc etiam praetori
pro tribunali sedenti maiestas tribuitur L. 9. ff.
de iurisd. L. 11. in fin. ff. de iust. et iur. L. 33. ff. de
injur. atque prohibitum, ne coeci postularent, quia
insignia praetoris videre et reuereri non possent.
L. 1. §. 5. ff. de postul. Iam praeter superius
laudatum, adhuc alium adducemus VITRUVI
locum,**) in quo de hoc augusto tribu-
nali, in basilicis Coloniae Iuliae Fanestri a se
aedificatis, haec commemorat: Basilicarum
loca*

*) Liuius lib. 45. cap. 29.

**) Vitruvius Lib. 5. cap. 1.


ad pag. 18.




VI.



VII.





loca adiuncta foris - - - Tribunal est in aede bemicycli schematis, minore curvatura formatum. Ejus autem bemicycli in fronte est intervallum pedum quadraginta sex, introrsus curvatura quindecim, uti eos, qui apud magistratus starent, negotiantes in basilica ne impedirent. Pedes quadraginta sex in fronte habuisse tribunal exiguae urbis Coloniae Juliae Fanestri, quod insuper ob loci penuriam angustius aedificasse scribit, mirabile. Vix enim in tota Lipsia domus vlla talis in fronte longitudinis, ut vel ex mensura harum aedium maiestas et magnificentia appareat. Quis igitur templum fuisse tribunal amplissimum negaverit? Alia vero in castris ratio, ubi suggestus ex cespite quadratus tribunal erat, qualis in columna TRAIANI frequens est. Castrensia tribunalia qui ab urbanis non distinguunt, haec quoque quadrata perhibent. Quod enim VITRUVIUS semicircularem fecerit in his basilicis, ut ipsa adiuncta ratio doceat, ideo factum esse dicunt, ne negotiantes in basilica litigatores impedirent. Fateor quidem esse Tribunalis formam, qualem superiori in loco VITRUVIUS describit, non



vulgarem, sed ab architecto; loci ob angustiam, in basilicis, quas a se Coloniae Iuliae Fanestri aedificatas scribit, paulo aliter quam assolebat, ordinatam, attamen aberrationem a regula non in eo: quod hemicycli in forma, sed quod minore curvatura introrsum fecerit, constituisse arbitror, cum reliqua, quam hoc Vitruvianum, magis rotunda essent. Interiorem enim curvaturam in omnibus, quae in vrbe aut coloniis essent, tribunalibus lunae crescentis formam habuisse, *cornua* docent, quae extremitatibus huius templi scriptores tribuunt. *) In his sedebant scribae. **) De ascensu vero non est vlla dubitatio. Nam CLAUDIANVS et ISIDORVS sublime tribunal vocant, jurisconsulti veteres autem *de plano cognoscere* rem aliam docent esse, quam si praetor de sella ac tribunali pronuntiaret. Notus praeterea MARTIALIS versus ***)

*Sedeas in alto tu licet tribunali,
Et e curuli iura gentibus reddas.*

nec

*) Liv. lib. 25. cap. 3. Tacit. Annal. lib. 1. c. 75. Sueton. Tiber. c. 33.

**) Valer. Max. lib. 5. cap. 7.

***) Martial. lib. 17. epigr. 59.



nec non CASSIODORI *) oratio : *Tribunal
tuum ideo tam excelsum factum esse noueris, ut loca-
tus ibi nihil humile abiectumque cogitares.* Tem-
pus vero est, ut ad considerata, quae appo-
suimus, numismata animum conuertamus.
Quid in illis urnae et litterae A. C. sibi velint?
dicam alio loco, quo non eosdem quidem, si-
miles tamen; nummos illustrabo. In priori
LIBERTATIS numen, in alterius autem auer-
sa parte, quam describendam non duximus,
VESTAE imago apparet. Hinc factum est,
ut eruditi homines tribunal, quod in his mo-
numentis est, pro rotunda VESTAE aede ha-
berent. At vero non solum longe alia est
Vestalis templi facies in nummis saepe obue-
niens, **) verum etiam, cum in priori nummo
non VESTAE, sed LIBERTATIS imago,
templum tamen et aedificium idem appareat,
plane

*) Cassiodor. lib. 6. form. 3.

**) Aliam esse templi Vestae consecrati faciem intelliges
ex Montefalconii epitomatore SCHAZIO in antiquitatibus
Graecis et Romanis tabula 46. num. 7. et 8. deinde ex
LIPSIO de Vesta p. 1086. et p. 1096. in Volum. tertio
Opp. Vesaliae editorum. Deest in his omnibus Vestae tem-
plis superne imposita statua, desunt antennae.



plane manifestum est, has aedes rotundas tribunal potius, quam VESTAE templum videri. Memoriam nempe Legis Tabellariae a CASSIO perlatae et iudiciorum libertatem conseruant, vt mirum non sit CASSII tribunal simul apparere. Neque VESTAE templum tales in vtroque cornu antennas draconum capite exornatas exserit, vt hic cernuntur. Intus posita • sella curulis est, in qua magistratus sedebant, cum ius dicerent, aut comitia haberent. Sed cum longe plura de ea re in libello singulari expositurus sim, quem *de maiestate praetoris et forma tribunalis* edere paro, nolo mihi ipse dicendi materiam praeripere. Describemus autem in hoc nostro futuro libello paruum ex charta aedificium, cuius in epistola ad virum illustrem IOHANNEM LVDOVICVM VHLIVM jam mentionem fecimus his verbis: *Quid cogitem, quid agam, quaeris, cur nihil ad Te scribam? Paucis vt dicam: fere sepultus inglorio labore et quasi mortuus mihi viuere videor, vtpote insulsis quotidie et male pictis actorum iudicialium chartis, oculos animumque fatigans. Maxima enim apud nos huius laboris copia abundat. Non prius, quam cum vesperascit, meus recedo.* Tunc de-

mun

mum aliquid lego vel scribo, aut etiam consilia de rebus novis agito, et vanis interdum propositis memet ipsum demulceo. Vereor, ne plura institutam, quam in tanta vitae breuitate et laboris forensis molestia ad finem perducturus sim. Nunc, risum quaeso cohibeas! aedifico. Non insulam aut domum (nam vnde opes sumam, quas Mars subuertit funditus:) sed paruum rei magnae simulacrum in mensa grandiori repositum exstruo, nempe Tribunal Praetoris Romani, uti eius formam in nummis mihi deprehendisse videor et VITRUVIVS praescripsit, cuius libri valde corrupti ipsisque mathematicis obscuri, hoc tamen clare demonstrant, templum illud fuisse rotundum, quod reuerentiam sui commouere, imo terrorem incutere posset. Sella in hoc paruo tribunali eburnea, praetor eam insidet praetextatus, assessores a tergo decem togati, quinque senatores totidemque equites, cancelli certis in locis et in subselliis scalatis magnus auditorum numerus. Praeter hos summotoris, praeconis, accensi, apparitorum, limocinctorum atque liciorum cum duobus fastibus, ex ligno assabre factae atque suis indutae vestibulis icunculae. Tribunal ipsum ex crassa papyro (Pappe) columnis ligneis sustinetur, externe vero



colore quodam marmor simulante et auro distinguitur. Mirum opus, si videas. Gradus habet, suae ascensum. In cornu scriptionis sedent. Stant suis locis litigatores. Hasta etiam posita est, et non procul album in nigro scriptum pariete. Nonne vero, cum theologi in templo SALOMONIS simulando ludant, mihi iuris studio, qui architectura mirifice delector, veteris tribunalis simulacrum fabricari liceat, et FELIBIENVUM, CRVBESACIVMQUE imitari, qui CICERONIS Tusculanum et PLINII Laurentanum ex vetustis, quae supersunt, descriptionibus restituere conati sunt. Fallor, aut has pupas VHLIVS suo non inuidebit Hommelio.

MONUMENTVM VIII.

Cameralis Iudicii a Maximiliano Primo instituti memoria, in nummo, qui vulgo Cameralis dicitur.

Multi, vt inferius dicemus, Germaniae Imperatores vario tempore pacem publicam stabilire, vtque haec haberi posset, perpetuum principum iudicium fundare studuerunt, inprimis FRIDERICVS BARBAROSSA, cuius constitutio II. F. 27. superest, et AGN-
THERO *) his versibus laudatur:

*Caesar, vt extremo possitis in fine loquendi
Vocibus, admonitas penetrarent altius aures,
Omnibus in nostro, quod toti praeminet orbi,
Gentibus et populis edicta potentia regno
Tradimus, vt cuncti bellorum clade remota,
Tempore iam nostro pacis seruare quietem*

Incipit

*) Guuther. Ligurinus. lib. 8.



*Incipiant homines, poenasque nocentibus ultro
Addimus, et iustam legem proponimus iram.
Hanc proceres cuncti, comes ac dux, marchio, consul,
Et cum iudicibus Capitanæ turba verendis,
Miles, paganus, civis simul atque colonus,
Et cum plebeia pariter plebe nobilis ordo
— — in medium concordæ foedere iurent.
Iudicis officio sua cuncti iura sequantur,
Contineantque manum; vaginae redditus ensis
Torpeat, et scabie rubeat, non sanguine, ferrum.*


Sed FRIDERICVS ille et successores proximi quæ inchoata reliquere, feliciter perfecit MAXIMILIANVS I. qui die septimo Augusti MCCCCXCV. principum camerale, idque stabile et perpetuum, iudicium instituens foedas diffidationes et bella priuatorum penitus consopivit. In huius rei memoriam nummus cusus, cuius antica imaginem servat Caesaris, cum epigraphæ: MAXIM. I. FRID. III. FIL. ELECT. ROM. IMP. ANN. MCCCCLXXXV. Interiore in orbe paulo minoribus litteris subditum: IVDICII CAMER. IMPER. CONDITOR. Postica coniugis exhibet MARIAE effigiem, cum insolito elogio: Caroli Burgundiae Ducis Filia Vnica. Longa inter eruditos de hoc camerali nummo fabula, immo dissidium

ad pag. 26.



VIII.





dium graue, cum nonnulli, vt IACOBVS
A MELLEŒ atque LVDOLFVS, illum pro-
bum, genuinum et ab ipſo imperatore culum
exiſtiment, caeteri vero tanquam falſum et adul-
terinum reiiciant. Adſunt enim manifeſta
fraudis ſigna, cum imperator Maximilianus
PRIMVS dicatur in eo tempore, quo nondum
ſecundus erat. Nouimus etiam *Electi impera-*
toriſ titulum frequentiore factum illis demum
temporibus, quibus imperatores, expeditione
Romana intermiſſa, diadema a pontifice impe-
trare ſuperfederunt, vt ex eo coniectura non
leuis ſubnaſcatur, artificem (qui poſt MAXI-
MILIANI II. tempora, ob eam quam dixi-
mus rationem, vixiſſe videtur) viſitatos ſuo tem-
pore imperatoriæ maiestatis titulos inepte
MAXIMILIANO I. attribuiſſe. Tandem ſi
annum adſcriptum MCCCCLXXXV. conſi-
deres, fraus plane manifeſta, cum illo came-
rale iudicium nondum ſtabile eſſet, vxorem
autem MARIAM imperator iam amiſiſſet.
Haec cum inter ſe non bene conuenire intelli-
gerem, veri cupidus illuſtrem CAROLVM IV-
LIVM SCHLAEGERVVM, quo non eſt quis-
quam inter omnes, qui viuunt, rei numisma-
ticae



ticae doctior, de ea re consului, qui ita respon-
 dit: Diese Münze schreibet sich, benebst noch
 etlichen Zwanzig ihres gleichen, deren der seelige
 KÖHLER in dem ersten Theile seiner Münzbe-
 lustigungen hin und wieder gedenket und größten
 theils aus Golde bestehen, aus einer Officin her,
 welche Eingangs vorigen Jahrhunderts von ei-
 nem betrüglichen, Juden zu Prag angeleget seyn
 soll, daher sie auch unter den Nahmen der Ju-
 denmünzen bekant sind. Weil dieser Jude die
 vorgeblicher Maassen verlöhren gegangene Kunst,
 Nummos subaeratos zu fabriciren, verstanden,
 so soll er deswegen gehangen worden seyn. Al-
 les dieses gründet sich einzig und allein auf den
 von GERHARD A MASTRICHT dem seeli-
 gen TENZEL abgestatteen Bericht, dessen Ori-
 ginal in hiesiger Hochfürstlichen Bibliothec an-
 noch vorhanden ist. Ob und wie weit er Grund
 babe, dürfte wohl so leicht nicht auszumachen
 stehen. Nur dieses kommet mir sehr wahrschein-
 lich vor, dass gedachte Münze nicht eher, als in
 den letzten Lebensjahren des Kayfers RV-
 DOLPHS II. jung worden. Ich schliesse
 solches daher, weil der überaus fleissige LVCKI-
 VS keine einzige von allen solchen Münzen an-
 führet.

führet. Sie kommen blutselten vor, und werden daher von Liebhabern sehr theuer bezahlet, wie-wohl doch obgedachter nummus cameralis in der Melanischen Auction, nur sieben Ducaten, die er an Gewichte hielt, weggieng. Haec quae breuiter ille innuit, cum copiosius explicare instituissem, commode in manus venit GODOFREDI DANIELIS HOFMANNI, quam ex professo de nummo hoc Maximiliani conscripsit, disputatio, in qua omnia, quae de eo dicta vel scripta sunt vsquam, studiose collegit, eoque mihi plura commemorandi otium longe dulcissimum fecit. —Ipsius autem HOFMANNI haec est opinio: Nummum hunc cameralem neque publica viuentis MAXIMILIANI I. auctoritate, neque anno MCCCCLXXXVI. neque statim post Maximiliani primi mortem, quid, ne CAROLI V. tempore quidem cusum, attamen adulterinum non esse, si quidem non videatur ab improbo Iudaeo clanculum, sed a bono viro et, vt suspicatur, artifice quodam in Belgia factus, qui non quotidianum commerciorum in usum, sed memoriae causa hoc opus palam ediderit, quemadmodum et hodie fieri videmus, vt periti cudendi aeris fabri priuata numi-



numismata ab ipsis excogitata atque inuenta ex auro, argento, aere in rerum euentus memorabiles fabricentur suis sumtibus; et non quasi nummos diuulgent, sed tanquam mercem istarum rerum curiosis vendant. Quid palma significet, quam in laeua imperator gerit, nondum satis extricare potui, nec ex HOFMANNO didici, nisi quod signum esse dicunt iam mortui imperatoris, siquidem coelites plerumque liliis pictores atque palmis exornare soleant.



MONUMENTVM IX.

*Aenigma Iuris pulcher-
rimum.*

Rogo lectorem, ut ante omnia speciem ap-
pictam probe intueatur, subscriptosque
versus perlegat, qui de verbo ad verbum latine
redditi sic habent:

Hi liberi nostri liberi sunt.

Parentes eorum nostri fratres sunt;

Et hoc tamen in legitimo coniugio.

Iam dic, qualis sit cognatio?

Hos versus in disputatione *de nuptiis iure di-
uino prohibitis* theologus sui temporis celebra-
rimus IOHANNES MAIOR in coenobio,
nescio quo, se cum tali pictura vidisse refert.
Neque tamen ipse aenigma soluit, nec alius
quisquam; imo fuerunt, qui inexplicabile iu-
dicarent. Non ferendum autem amplius, coe-
nobitas illos adeo perplexos nodos et eiusmodi
nexisse, quos posteritas soluere et extricare
non



non possit. Ego igitur, tametsi probe video, me, quae OEDIPi praemia fuerunt, neque IOCASTAE nuptiis neque Thebano regno potiturum esse, tamen hoc aenigma studebo explicare et Sphingibus illis qs obruere, ne praetereuntibus ruborem incutiant amplius. Primo dicendum est, matres illas in tabula depictas commutasse liberos atque alteram filium alterius tenere. Verum hoc scire parum refert. Nodus potius et omne artificium in ambiguitate verborum latet: *patres eorum nostri fratres sunt.* Sunt vestri fratres, si ambo in plurali numero loquamini, hoc scilicet modo, ut foeminae ad dextrum latus constitutae maritus sit frater sinistrae; sinistrae vero maritus sit frater illius. Schema hoc mihi fingo:




Dextra, hoc scilicet nomine mulierem appellabo, nupsit fratri *Sinistrae* quem littera *B.* signauimus. *Sinistra* vero nupsit fratri *Dextrae*. Hoc omnino fieri potest. Nam licet *Dextrae* maritus *B.* sit



Diese Kind find unsre Kind.
Ihre Väter unsre Brüder find.
Und dieses doch in rechter Eh.
Nun rathe wie die Sippschaft steh?







fit affinis personae A, et e converso Dextra sit affinis Sinistrae; tamen inter A et Sinistram nulla est affinitas; neque inter B Dextramque cognatio vlla, secundum vulgarem et omnibus notam regulam, qua consanguinei vxoris et consanguinei mariti nullo modo inter se cognati habentur. Legitimum igitur videtis matrimonium, ex quo, qui prognati sunt, liberi vere dicere possunt: patres suos esse matrum fratres, si scilicet coniunctim et in plurali numero loquantur. Germanica verba huic tabulae subscripta satis conuenienter IOHANNES MAIOR in disputatione, quam supra laudauimus, versibus hisce Leoninis inclusit:

*Hi duo sunt nati, nostra de carne creati,
Sunt nostri fratres, qui genuere patres.
Nec zhorus amborum cestus violauit amorum.
Vis tranare vadum? Dic genus atque gradum.*

Hos lusus verborum eo notabiliores puto, quod in legitimum castumque coniugium compositi sunt. Nam de incestis nuptiis, per quas nomina cognationis confunduntur, plura habemus aenigmata, atque inter illa epitaphium non recens, sed probatae antiquitatis: *ut nemo...*

C

MATER.



MATER, FILIVS. ET. FILIA
 SOCER, GENER. ET. NVRVS
 AVIA. NEPTIS. VIR. ET. VXOR
 VNO. EODEMQVE. TEMPORE. AC. FATO
 SVBLATI. SVNT.
 QVAERITVR. QVOT. SINT
 TRES. SVNT

De filia amorē patris exarsa OVIDIVS: *)

*Nec quod confundas et iura et nomina sentis?
 Tunc eris et matris pellex et adultera patris?
 Tunc soror nati, genetrixque vocabere fratris?*

Et alio loco**) de eo, qui natus erat ex concubitu MYRRHAE cum suo patre:

*Ille sorore
 Natus, auoque suo.*

Apud SENECAM vero in Phoenissa ***) de se ipso haec dicit OEDIPVS:

*Obscura nostrae verba fortunae loquar,
 Quae nemo soluat:
 Avi gener, patrisque vitalis sui,
 Frater suorum liberum, et fratrum parens,*

Vno

*) Ovid. Metam. X. v. 345.

**) Ovid. Metam. X. v. 520.

***) Seneca in Thebaid, sive Phoenissa Tragoedia v. 134.

*Vno avia partu liberos peperit viro
 Ac fibi nepotes. Monstra quis tanta explicet?
 Ego ipse, victae spolia qui Sphingis tuli,
 Haerebo, fati tardus interpret mei.*

Similis labyrinthus in marmore quodam Italico:

*Herfilius hic jaceo, mecum Merulla quiescit,
 Quae soror et genetrix, quae mihi sponsa fuit.
 Vera negas, frontemque trabens aenigmata Sphingis
 Credis? Sunt Pythio vera magis tripode.
 Me pater e nata genuit, mihi jungitur illa,
 Sic soror et conjux, sic fuit illa parens.*

Ex hoc facilius Gallicum intelliges, quod non procul a Parisiis Alicurti visitur, sepulcri monumentum:

*Ci git le Fils, ci git la Mere,
 Ci git la Fille avec le Pere,
 Ci git la Soeur, ci git le Frere,
 Ci git la Femme et le Mari,
 Et n'y a, que trois corps, icy.*

Quocum plane conuenit, quod Lubeca ostendit, Germanicum:



*Wunder över Wunder!
Hier liegen dree dorunder:
Vater, Sohn un de Moder,
Süster, Dochter un de Broder,
Mann un Wyff,
Dree Seelen un en Lief.*

Nempe Filius e Matre genuerat Filiam et hanc
in matrimonium duxerat. Tres illi homines
vnum corpus propterea dicuntur, quia per
commixtionem vna caro facti, secundum illud;
Mann und Weib, sind ein Leib.

MONUMENTVM X. ET XI.

*Lex non Remmia, sed
Memmia, de Calumniatoribus.*

Legis Remmiae, quæ calumniatorum fronti Kappa inurebat, duobus solum locis in Digestis mentio. Primo MARCIANVS *) eam commemorat his verbis: *Calumniatoribus poena Lege Remmia irrogatur*; PAPINIANVS vero in L. 13. ff. de testib. paulo prolîxius: *Quæsitum scio, an in publicis iudiis calumniae damnati testimonium iudicio publico perhibere possint? Sed neque lege Remmia prohibentur: et Iulia lex de vi, et repetundarum et peculatus, eos homines testimonium dicere non vetuerunt; veruntamen quod legibus omissum est, non omittetur religione iudicantium, ad quorum officium pertinet,*

*) L. 1. §. 2. ff. ad SCt. Turpill.




net, eius quoque testimonii fidem, quod integrae frontis homo dixerit, perpendere. Notus est BRENCMANNI de ea lege commentarius, qui tamen ex omni Romanorum historia nullum laudare potuit REMMIVM, ad quem haec lex referri possit. Neque enim consul, neque praetor, neque tribunus plebis REMMIVS, in annalibus aut fastis Romanorum, vllus. Quamobrem PIGHIVS, PEREZIVS, PANCIOVLVS, LAMBINVS, HEINSIVS, HOTOMANNVS, ZASIVS, DVARENVS, GIPHANIVS, ANTONIVS MATHAEI, LAMBINVS, VRSINVS aliique Memmiam, non Remmiam dictam eam Legem putant; quibus omnino nos, monumentorum, quae ex familiaribus, Romanorum nummis exhibemus, auctoritate freti subscribimus. Est praeterea in promptu VALERII MAXIMI *) locus, qui Memmiam legem non Remmiam habet: *M. Antonius, quaestor proficiscens in Asiam, Brundisium iam peruenerat, ubi litteris certior factus incesti se postulatum apud L. Cassium, cum id vitare*

*) Valer. Max. lib. 3. c. 7. num. 9.

27438.







taro beneficio LEGIS MEMMIAE *liceret, quae*
eorum, qui reipublicae causa abessent, recipi no-
mina vetabat, in urbem tamen recurrit. Deinde
in vetustissimis Orationis Ciceronianae pro Sexto
Roscio Amerino exemplaribus *) Lex Mem-
mia legitur, quem locum tamen recentiores
CICERONIS editores corruperunt, verae
lectioni falsam ex Pandectis TRIBONIANI
substituentes. Ipsum vero oratorem TULLIUM **) audiamus: *Ita te quaestus cupidum*
esse oportebat, ut horum existimationem et legem
Memmiam putares aliquid valere oportere - - -
Sed si ego hos bene novi, litteram illam, cui vos,
usque eo inimici estis, ut etiam eas omnes oderi-
tis, ita vehementer ad caput affigent, ut postea
neminem alium, nisi fortunas vestras accusare pos-
sitis. Ex hoc litteram fronti inustam esse anim-
aduertimus, sed qualem? An forte R illa fuit,
quae littera dicitur canina. ***) Sane non solum
CICERO in loco superius laudato, quem to-
tum adscribere nolui, calumniatores canibus
com-

*) Cicero pro Roscio cap. 19. in fine.

**) Cicero ibid. cap. 20.

***) Persius Sat. 1. v. 109.



comparat, sed innumera BRENCMANNVS *) loca congeffit, in quibus delatores canes, nec loqui, sed latrare dicuntur. Vix tamen hoc ausim affirmare, cum illam litteram non aliam, nisi Kappa fuisset, monumentum X. clarissime demonstret, et alterum quoque numero XI. insignitum satis abunde probet. Posteriores nummum ipsi vidimus. Apparebat in eo inuersa ante caput littera valde attrita, atque superne penitus oblitterata, ut plane conijciamus, eam, licet propius ad ductum atque formam *Χ* accedere videatur, familiarium numismatum collectores aut sculptores in notio-rem et frequentio-rem *Κ* male commutasse. Docent autem grammatici non tam litteram apud Romanos K fuisse, quam potius notam, qua Kalumniam significarent. VERRIUS LONGVS **) de ea his verbis: *Qui K expellunt, notam dicunt esse magis, quam litteram, qua significamus Kalumniam, Kaput, Kalendas*, cui adpromittit MARTIANVS CAPELLA: ***)

Kappa

*) Brenckman. de legis Remmiae exitu, cap. 2. in fine.

**) Verrius Longus p. 1218.

***) Mart. Capel. 3. p. 57.



Kappa, inquit, *nunc nota putatur esse, nunc littera.*

Quonam autem tempore hanc Memmiam de calumniatoribus legem latam esse dicemus? Satis veterem puto, quia recentiores non *Kalumnia*, sed *Calumnia* scripserunt. Videamus, an probabiliter natalem eius inuestigare possimus? Nempe superius adductus VALERII locus ait: proficiscentem in Asiam Antonium beneficio legis Memmiae non usum esse. Profectus vero is anno urbis conditae DCXXXIX. Itaque iam illo tempore Lex illa Memmia fuit. Nondum autem perlata videtur, cum PLAVTUS *Perfam* primum ageret, quod anno DLXV. circiter factum est. In huius comoediae Actu primo, Scena secunda, calumniatores et quadruplatores conice exagitat. Quod si Kappa iam tunc inuri moris fuisset, plane mihi persuadeo, PLAVTUM more suo hoc ludibrium, hanc commodam occasionem calumniatoribus lacertam frontem exprobrandi non praetermissurum fuisse. Secundum haec lex intra annum DLXV. et annum DCXXXIX. proposita videtur. Hoc

C 5

autem



autem tempore vixisse LIVIVS *) aliique scriptores perhibent C. MEMMIUM GAL-
LUM, quem ego auctorem legis facio. Is, etiamsi plebeia familia ortus esset, bis tamen praetor factus est, ne caetera eius munera com-
memorem. Huius notabilem legem et uni-
uerso populo salutarem, qua coërcetur

*Turba grauis paci placidaeque inimica quieti,
Quae semper miseras sollicitabat opes, *)*

ex posteris duo LVCII MEMMII GALLI pater et filius in numo mira breuitate, lucu-
lento tamen signo, bellissime exhibuerunt, atque ipsius, vt auguror, maioris CAJI nobilissimum vultum, sub SATVRNI, quem falx prodit, imagine expresse-
runt, forte quod aurea illa SATVRNI aetate, calumniatores non fuerunt, sed lupi, vt poëtae fabulantur, cum agnis placide ex eodem riuo bibere et gramine in vno requiescere consueuerunt. Quousque au-
tem Memmia lex durauerit, non satis expeditum, nisi quod BRENCMANNVS in Lege decima
et

*) Liuius lib. 41. c. 12. lib. 42. cap. 9.

**) Martial. Spectaculor. Ep. 4.

et septima Codice de poenis, vbi CONSTANTINVS faciem humanam, quae ad similitudinem pulchritudinis coelestis figurata sit, commaculare vetat, cum in manibus et suris possit poena damnationis scribi, eam non abrogatam esse, vt vulgo creditur, sed hanc Codicis legem ad eos solum, qui ad metallum fuerint damnati, pertinere docuit.

Licet autem CICERO vnus tantum litterae mentionem faciat, atque in monumentis etiam nostris vnum breuitatis causa, quae in nummorum signis maxima esse debet, K appareat, duo tamen iniusta fuisse videntur, cum in vetustis siglis *) diserte: K K. KALVMNIAE KAVSA explicetur, et IULIANVS etiam imperator, in oratione pro barba sua, **) duplicis litterae mentionem faciat. Nam Antiocheni, cum ipsum odissent, quod X. nempe Christum crucemque persequeretur, et propterea K. desiderarent, nempe Iuliani decessorem KONSTANTINVM, (graece enim ita scribitur) false hanc litteram

*) Isidorus Etym. lib. I.

**) In Iuliani Operibus p. 357.



litteram IULIANVS perstringit et, (latina adscribam non graeca verba) ita ait: *Tandem KAPPA desideratis. Vtinam Dii custodes huius urbis id vobis DVPLEX largiantur, quoniam ciuitates finitimas, quae et Diis mecum seruiunt; et sanctae sunt, CALVMNIA vexastis, quasi quae in me composita sunt, ab illis profecta essent.* Vereor autem ne diutius, quam par est, argumentò inhaeream satis noto, quam ob rem vela contrahens nihil adscribo amplius, nisi vnum PLINII *) locum, quo TRAIANVM laudat, quod non solum stigmatibus, quae id hominum genus parum curare videbatur, sed exilio calumniatores persequatur, *ut iam illi, non ut antea, ex sanguem et ferream frontem nec quicquam convulnerandam praebeant punctis, et notas suas rideant.*

MONV-

*) Plin. Panegy. cap. 35.

MONUMENT. XII. XIII. XIV.

Scipionis Nasicae, et Catonis Censorii vultus aeternales.

Quid agis HEINECCI? cur negas iuriconsultorum veterum adhuc perennare effigies? Imo, si hoc saltem dixisses, facile quidem et liberaliter errorem condonarem, quod autem nomina ne quidem iuriconsultorum superesse, neque inueniri nummos ab iis conflatos, tanta fiducia asseris, existimationem nominis minuit, atque inscitiam in re numismatica prodit. Verba HEINECCII erubescenda haec sunt: *) *Si dicendum quod res est, nullius adhuc iuris consulti veteris nummus, qui quidem indubiae*

*) Heineccius de usu et praestantia numismatum in iurisprudencia, quae est Praefatio ad Guadlingii Exercitationes Academicas, pag. 17.

indubiae fidei sit, prolatus est ab antiquariis.

Nomina sane iurisconsultorum indubitatae fidei inferius multa obuenient, tam clare et significanter expressa, ut nullis incertis coniecturis, sed oculis tantum opus sit, ad ea capienda.

In praesenti tabula non nomen tantum, verum etiam effigiem damus PVBLLI CORNELII SCIPIONIS NASICAE, qui a Senatu Optimus iudicatus est. Cum enim legatos, qui

matrem Idaeam ab ATTALO rege arcessebant, Apollinis Pythii oraculum monuisset, curarent,

ut ab optimo exciperetur, NASICA noster,

adhuc adolescens nec dum quaestorius, populi

consensu et senatus sacramento optimus iudi-

catus est, cui etiam publice domus in via sacra

data quo facilius consuli posset. *L. 2. §. 37. ff.*

de orig. jur. Nec in nummo tantum, verum

etiam in laspide huius optimi viri icon peren-

nat, quae in CHRISTII *Dactyliotheca Vniuer-*

sali, num. 229. gemma memoratur.

Iam pura mente, quisquis adest, lingua fa-

veat, atque procul profanus absit! neque enim

hominis mihi videor, sed numinis videre adoran-

dam imaginem, nempe CATONIS, Porciae

familiae principis, qui a severissima in omnes

ordines

XII.




XIII.



XIV.





ordines censura Censorii cognomen reportauit, in quo viro tam versatile ingenium ad omnia fuisse, veteres vno ore et communi consensu referunt, ut quocunque loco natus esset, fortunam sibi ipse facturus, imo ad id vnum factus videretur, quodcunque susciperet. In iure civili autem adeo excelluit, ut etiam libros iuris relinqueret, si vera POMPONIVS retulit. L. 2. §. 38. ff. de orig. jur. Venerabilis ergo et sancta nobis gemma haec, quam BEGERO *) debemus. Sequens eiusdem, ut videtur, CATIONIS icon ex VRSINO est. Nonne enim in vtraque caluitiem eandem animaduertis ac lineamenta non plane dissimilia, si virilem aetatem a rugosa et exesa senectute secernas. Neque dubitationem iniicit barbati atque detonsi menti diuersitas. Nam iam tum ex Sicilia tonsores in Italiam venerant, quod anno urbis CCCCLIV. factum esse, ex Varrone PLINIUS **) retulit. Sed non videntur statim omnes barbam posuisse, et ipse tenacior moris priscae

*) Begeri Florus p. 375.

**) Plinius Hist. Nat. lib. 7. cap. 59. Varro de re rustica 2, 11, 10. Gellius lib. 3. cap. 4.



prisci CATO forte nutriuit ad senectutem vsque. Hoc mihi, qui thesaurum imaginum possideo, quarum indicem nuper publicauī, *) nullo modò stupendum aut mirabile videtur, cum etiam inter recentiores iureconsultos nonnulli primum barbati, deinde vero tonsi in picturis appareant. Eadem res accidit in capillamentis. GEORGIUS ADAMVS STRUVIUS, vt alia exempla taceam, cum se primum depingendum daret, suis adhuc et naturalibus utebatur crinibus, postea in fictis seu capillamento apparet. Cur ergo in CATONE idem accidere, cur non in hoc quoque euenire potuerit, vt in senectute, quam virili aetate, comitior esset? Videant eruditi annon CAROLI MAGNI barba eandem fortunam habuerit, cum illa in quibusdam monumentis appareat, in aliis vero desit. **)

MONV-

*) Effigies iuris consultorum in Indicem redactae, Lips. 1760. 8.

**) Vide supra Monumentum V. et Pagenstecherum de barba th. 9.

MONUMENTVM XV.


*Poena, quae corium et
capillos afficit.*


Articulus quadragesimus sextus in libro tertio Speculi Saxonici ita loquitur: *An varenden Wiven und an siner Amien mach en Man Not don, und sin Lif verwerken, of he se ane even Danc beleget*, quae verba Polonus hoc modo latina fecit: „In meretrice autem et in „alicuius concubina committitur violentia, et, „si eam quis praeter suamvolentiam violet, in „vita condemnetur., Huic orationi non satis conueniens pictura, quam Codex Oldenburgicus appositam habet, si quidem poenam non capitalem, sed fustigationis, exprimit, nisi forte verba *Lif verwerken* de corpore potius quam de vita accipias, quod tamen alius locus Speculi *) fieri non patitur, ubi capitalis poena

*) Ius Prov. Sax. lib. 1. art. 12.



poena violentis dictatur. Parum ergo abest, quin hanc picturam ad praecedentem Spèculi articulum pertinere, adeoque alieno loco positam esse existimem. Per *Varende Weiber* ambulatorias et vagas vxores intelligit. *Amie* autem amasiam et concubinam, *Verwürken* irritare seu obstringere significat. His expositis in tabulam oculos conjiciamus. Adest foemina, quae, cum partim vittata partim capillata sit, nec virginem nec vxorem, quid ergo? concubinam refert. Huic vim inferre masculus conatur, neque illa tamen pati, sed reluctando et crinibus atreptis a se amouere. Praeter hanc meretrix vi compressa adstat, annulum violatori monstrans, ut aut ducat, aut poenam luat, virgarum nempe et decaluationis, quam paratam habet licitor virgis et forfice terribilis. Nunquam enim virgis quis caedebatur, nisi capillos prius carnifex tondendo sustulisset, aut intetudum etiam trochlea, ut videbimus, penitus extirpasset. Nempe fustium ictus refertur inter poenas *so an Haut und Haare geben*. Neque tamen trochlea, de qua dixi, a pictore huius codicis pessimo caeteris poenae instrumentis addita; trochlea, inquam, seu tractoria, ut mechanici





chanici loquuntur, machina, qua, aereo
ligneoue orbiculo per axillum se voluente, cum
funis trahitur, vis mirum in modum crescit.
Eius tamen Glossa meminit *). *Zu baut und zu
babre, das ist, dasß man einem zur staupen sla-
get und windet ihm das Hahr mit Kloben aus
dem haupte.* Rideat haec, tanquam inèpta,
quisquis velit, ego tamen haereo, cum apud
RICCIUM alium locum, ex nescio quo libro
depromptum, sed eiusdem plane sententiae forte
fortuna inuenerim, quem transcribere placet:
*Neben solchen Schlägen, hat man einem die Haar
aus dem Kopf, mit einer hutzern Kluppen oder
Knebel, aus dem Haupte (auf dasß man solche
glazige Buben kennen und sich vor ihnen hütten
mögen) gewunnen: ja auch die Haut damit ab-
gestreifet.* Rem igitur non plane falsam Glossa-
torem narrare, sed tonsuram a decaluatione di-
stinctam fuisse, crediderim. Nempe, si forfex tol-
leret capillos, haec minor poena; maior autem,
si detracta cute, nec vnquam renascente coma,
facinorosi perpetua caluitie notarentur. Posté-
rius

*) Glossa ad Art. 13. libri secundi Speculi Saxi



rius dicebatur *einem das haar abschlahen.* *) Aliud ergo tondere, aliud deglubere. Hoc posterius quidem artibus deperditis adscribamus, licet inter eas non obseruauerim apud PANZIROLVM, **) eiusque commentatorem SALMVTHIVM. Ne dubites; adducam testimonia, nempe articulum 28. libri secundi in eodem Speculo, vbi latinus interpres: *Si diuturno tempore hoc fecerit, eius crines et cutis tormentis subjiciantur; deinde Constitutionem HENRICI TERTII:***) Illi, qui huius facti dux et princeps fuerit, tollatur corium et capilli.* In antiquo foedere, quod libro secundo inseruit RHENANVS, ita scriptum: *Siquis fici, aut duorum ficlorum pretii furtum aut praedam fecerit, corium cum capillis perdat.* In Legibus Longobardicis vero:****) *Et faciat eas decaluare et fustare per vicos.* Decaluare autem a calua, quae cum caluaria et cranio fere eadem est, deriuamus. In Annalibus Fuldensibus narratur:

*) Spec. Suevic. art. 148.

**) Pancirolus de rebus memorabilibus deperditis.

***) Apud Eccardum ad L. Salic. p. 202.

****) LL. Longob. lib. 1. tit. 17. §. 5. in Gergisch. Corp. I. Germ. p. 1107.

ratur: *Castello potiti alios quidem occiderunt, alios vero in exilium miserunt, aliosque etiam, capillis et CVTE DETRACTA, cum magna confusione inde expulerunt.* VRSINVS in vita S. Leodegarii cap. XIV. *Condemnatus ab ipsa synodo caluariam accepit in capite, et expulsus segregatur a sancta congregatione.* Vt autem, cum linguam praecidi sententia iubet, non tota eripitur, sed partem anteriorem solum cultellus praecidit, ita non totam capiti cutem detractam trochlea, sed tantum exiguam caluariae partem denudatam fuisse, crediderim. In Chronico Laurishamensi p. 74. legimus: *Cutem et capillos amittere, et in Lege familiae Burchardi episcopi apud CANGIUM sub titulo Corium: Constituimus, ut ei tollantur corium et capilli.* Sed de caluitie satis, quae non tantum opinionibus hominum ignominiosa et institutis civilibus certa turpitudinis nota, sed plane naturalis deformitas est, si eleganti formarum iudici OVIDIO credimus:

*Turpe pecus mutilum, turpis sine gramine campus,
Et sine fronde frutex, et sine crine caput.*

MONVM. XVI, XVII, XVIII.

An Pedum episcopale augurum lituus sit?

Tametſi catholicae eccleſiae antiſtites ipſi non diſſiteantur, veteres chriſtianos varia ex Romanorum ſacris adoptaſſe, atque ego in Litteratura Iuris *) indubitatſis exemplis hoc demonſtrauerim, tamen iis ſubſcribere vereor, qui pedum episcopale a lituo, auguratus inſigni, repetunt, **) Apparet enim ex appoſitis documentis, lituum valde curtum et virgam brevem fuiſſe. Longius ſane pedum et omnino paſtorale inſtrumentum. Nam ex eo tempore, quo Chriſtus Petro dixerat: *paſce oves meas* ***), ſacerdotes pecudum magiſtris quam ſimillimi fieri ſtuduerunt, ut, quin etiam pallii ornamentum


ab

*) Litteratura juris lib. 1. c. 3. p. 93. ſeq

**) Gregor. Tholoſ. Syntagm. lib. 15. c. 12. n. 40. Heuſinger von Nutzen der Münzwiffenſch. cap. 7. §. 8.


***) Ioh. XXI, v. 15. 16. 17.

ad pag. 54.



XVI





ab iis mutuati sint, non dubitem, siquidem vel notissimus ille versus, in ferulam episcopalem compositus, hoc satis innuit:

Curva trahit mites, pars pungit acuta rebelles.

Videntur autem ipsi pontifices pedo quondam vsi, quod tamen postea dimiserunt, ne viderentur eo, vt caetori episcopi, ab imperatore inuestiti. Ait enim LUITPRANDVS: Benedictum abrogatum LEONI Pontifici pallium et ferulam misisse. Caeterum iam GREGORIUS NAZIANZENSIS *) eius mentionem facit, et CAROLI M. tempore talem baculum praesules gestasse, MONACHVS S. GALLI *de gestis Caroli Magni in libri primi capite decimo et nono* attestatur. Seculo VII. etiam abbates hoc ornamentum sibi arrogarunt, eo tamen discrimine, vt ab horum baculo sudarium pendeat.

Nunc ad se lectorem monumenta vocant, quae luce ita splendent sua, vt nullo commentario indigere videantur. Primum EBERMAYERI Sardinus est ex annulo veteri, delineando amplificatus, qui PARIDIS pastoris iudicium exhibet. Si
num-

*) Gregor. Nazianz. Orat. 42. p. 690.



nummum desideres, rogo, ut monumentum inferius numero XIX. notatum intuearis, in quo lis de pulchritudine, eodem pastore iudice, eleganter expressa. In monumento decimo et septimo M. LEPIDI statua equestris, velato capite cum lituo, quia pontificatum maximum gerebat. Nam, ut plerique existimant, etiam pontifices hoc signo dignoscuntur. Sequitur N V M A, cultus deorum praecipuus inter Romanos auctor, eodem lituo spectabilis.

ad pag. 56.

XVII.



XVIII.







MONUMENTVM XIX.

*Litigiatōres, sedente ju-
dice, stantes.*

*Lupus arguebat vulpem furti crimine,
Negabat illa se esse culpae proximam;
Tunc iudex inter illos sedit simius.*

Sedisse simium, pulchre PHAEDRVS. Nam et in PARIDIS iudicio, quod nummus exhibet, de forma concertantes VENEREM, IVNONEM atque MINERVAM, vtut deae sunt, stare videmus, sedente pastore, quem iudicem elegerant. Rogo tamen, ne hunc nummum potius, quam monumentum XVI. intuearis, in quo idem PARIDIS longe venustius, in gemma, arbitrium. Nolo, quae alii de hoc iudiciorum more vulgaria protulerunt, dicendo iterare, sed potius in rem satis cuique cognitam flores quosdam, non tam in sertum studiose colligere, quam libera manu et negligente, vt menti subueniunt, spargere. Primum na-



turaliter omnes homines subtiliori ingenio et acriori potestate iudicandi se valere, arbitrantur, quando sedent, quam cum erecti stant in pedibus. Nempe sapientia quietem amat. Vnde apud PLAUTVM *) cum herus Tranionem servulum, quem de re gravi consulturus est, forte sedentem surgere iuberet, hic ut ipsum sedere patiatur, rogat; firmiora fore consilia, si ea sedens pronuntiet:

Nimio, ait, plus sapio sedens.

et alio loco **)

— — — TH. *Nimis quam es orator catas.*

CA. *Sine me dum istuc iudicare: Surge! ego istuc assedero.*

Hoc fortasse (in capit. final. de sentent. in 6to) secum reputavit pontifex BONIFACIUS VIII. cum hoc mirabile statueret: *Sententia, quam a iudice stando, non sedendo, proferri contingit, nullius penitus est momenti.* Vix risum continui, cum huius capituli interpretes et Bononienses iuris pontificii glossatores anxie sollicitos

*) Plaut. *Mostellaria* A&. 5. Scen. 1.


**) Ibid. A&. 5. Scen. 2.

ad pag 58.



XIX.





ros inter se disceptare legerem: *An equitans sententiam recitare possit?* quo tempore in memoriam redibat illa iocularis, cuius GELLIVS **) meminit, philosophorum disceptatio: surgens utrum stare, an sedere videatur? Prisci, quos Romanis praefero, Germaniae populi, pariter, ut iudex federet, necessarium existimauere, quam in rem Susatentium legem, in declamatione nostra de legibus ridiculis nuper produximus, quae ita habet: *Iudex sedeat in tribunali ut torvus Leo, et ponat dextrum pedem supra sinistrum.* Cur vero Germanica verba non adducimus? *Der Richter sol sitzen auf dem Richterstuhl, als ein griesgrimmender Löwe, und sol den rechten Fuß schlagen über den linken.* Sed ut Quiritium ad mores reuertamur, eos satis luculenter PLINIVS **) significauit, haec de se proferens: *ipse, cum tribunus essem, abstinui caussis agendis, quod deforme arbitrabar, cui assurgere, cui loco cedere omnes oporteret, hunc, omnibus sedentibus, stare.* Neque vnus praetor
sed

*) Gell. Noct. Att. lib. 6. cap. 13.

**) Plin. lib. 1. epist. 23.



sed eius quoque, quemadmodum ex ipso nomine intelligitur, assessores sedebant, si sacri consistorii comites excipias, quos princeps, si ius diceret, consiliarios habebat. Hos, ob reuerentiam maiestati imperatoriae debitam, initio stetisse, ex verbo colligimus. Postea vero, cum principes Romani non amplius consistorio ipsi interessent, consistorianos quoque comites sedisse, certum est; unde non mirum, si, quae postremis temporibus scripta fuerunt, graeca glossaria Consistorium principis *confessum* dixerint.



MONVMENTVM XX.

Manumissio coram praetore per vindictam.

Manumissionis per vindictam is quondam ritus, *) vt dominus apud praetorem haec verba diceret: HVNC HOMINEM LIBERV M ESSE VOLO MEAQVE MITTO MANV, deinde eum, colapho impacto, in gyrum circumageret, tandem pronunciatis a praetore verbis quibusdam legitimis, lic̃tor virgam adderet, ut ex L. 8. ff. de manumissis vindict. cognoscimus, in qua VLP IANVS: *Ego cum in villa cum praetore fuissẽ, passus sum apud eum manumitti, etsi lic̃toris praesentia non esset.* Manumissionis huius solemnia in vetere quodam marmore, a MARCHVCCIO**) edito, IOHANNES

FRIDE-

*) Faber lib. 2. Semestr. cap. 20.

**) Antiquarum statuarum vrbis Romae icones, cura Iac. Marchuccii. Romae 1623. fol.




FRIDERICVS CHRISTIVS depicta credit, cuius ex Noctibus Hallensibus verba adscribamus: Duo videlicet apparent in hac imagine servuli, pileati, nudi caetera, nisi quod inguen linteo tecti: alter, puto, iam manumissus, manu autem mittendus alter. Is quidem ad pedes patroni provolutus, pro data libertate gratias agit. Sic enim servi confueant etiam deprecari. PETRONIVS in Satyrico pag. m. 48. Caeterum, inquit, ut nouimus dextros gressus, servus nobis dispoliatus procubuit ante pedes, et rogare coepit, ut se poenae eriperemus. Alterius vero serui currentis et scuticam lacua tenentis, qua uti solebant, opinor, ad submouendam in publico turbam obviam, sibiue festinantibus subinde molestam, herus dextram prebendit, quod manumissionis signum erat. Nil ergo restat in hoc lapide e manumittentis simulacro, praeter dextram eius seruo porrectam, caetera vetustate confracta sunt. Adstat praetor togatus, prolixo atque fluctuante, quod elegantiae fuerat, sinu: dextra gestans virgam seu bacillum, ex more nimirum magistratuum, ut G. POPILLIVS LAENAS virgam etiam gessit, qua circumscripsit ANTIOCHVM, teste LIVIO libro XLV. cap.

XX.

ad pag. 62.





cap. XII. Ne videlicet solos lictores virgā gestasse putes, quod egregie docuit I. LIPSIVS Electorum cap. XXIII. aut, qui in hoc lapide expressus est, lictorem esse. Quid nisi toga prolixa, aliis etiam argumentis refutatur. Lictores enim, etsi non semper, putem, sola tunica, ut caeteri tenuiores cinium, veses, togula tamen magis erant amicti, quam toga. Sed haec de virgis in manu magistratuum. Laeva vero praetor tractat vindictam, seu festucam: qua deinde lictori tradita, servus e manu domini missus circumagebatur. Vulgo quidem ista nota sunt: nihil addo, nisi vnum PLAVTI versum, e milite glorioso, vbi Pyrgopolinices Palaestrionem, mulierem sibi commendantem, rogat,

Quid ea ingenua, an festuca facta, serva an libera est?
et respondet servus:

Vah, egone ut ad te a libertina esse auderem inter-
nuncius,

Qui ingenuis satis respondere nequeas cupidis tui?

Quibus e verbis agnoscis libertinas dici festuca factas, quod illum morem graphice depingit.



MONVMENT. XXI. ET XXII.

Ministeria palatina ab officialibus in equo praestita.

Hereditarii regum archiofficiales plerumque vicarios alere solebant, qui principi suo dapes in mensam ferrent, vinum in cornua funderent, aut aliis modis operas domino singulis diebus praestarent, ipsi enim tantum in coronationis festo, aut aliis maxime sollemnibus diebus, ministrabant equo insidentes. Probat hoc in Glossario CANGIVS, sub titulo Seneschalcus, ex priuilegio ALPHONSI imperatoris, anno MCCLVIII. FRIDERICO duci Lotharingiae dato: *Et de infra scriptis dignitatibus et feudis primum vexillum damus tibi pro ducatu in feudum, in quo, et per quod, debes esse summus Seneschalcus in aula nostra citra Rhenum, et debes nobis servire in annalibus festis de primo ferculo eques,*
 deinde

ad pag. 64.

XXII.



XXI.





deinde ex veteri scriptore OCTAVIANO DE
 S. GELASIO, qui de expeditione Neapolita-
 na Caroli VIII. regis Franciae haec sua in
 lingua commemorat: *Et souppa en la grant sale*
dudit Chasteau, et fut servi par le grant Sene-
schal de Naples, tout à cheval. Haec inservire
 possunt ad illustrandam CAROLI IV. Auream
 Bullam, in qua capite vigesimo et septimo illa
 in vulgus nota obueniunt: *Deinde marchio Bran-*
denburgensis, Archicamerarius, accedat, super
equo habens argenteas pelves cum aqua in mani-
bus, ponderis duodecim marcarum argenti et pul-
chrum manutergium, et descendens ab equo, da-
bit aquam domino imperatori vel regi Romano-
rum manibus abluendis. Comes Palatinus intra-
 bit similiter super equo, habens in manu quatuor
 scutellas argenteas cibis impletas, quarum quae-
 libet tres marcas habeat in statera, et descen-
 dens ab equo, portabit et ponet ante imperato-
 rem vel regem in mensa. Post hos rex Bohe-
 miae, Archipincerna, veniat similiter super equo,
 portans in manibus cuppam seu scyphum argen-
 teum ponderis duodecim marcarum, coopertum,
 vino et aqua permixtum impletum, et descendens
 de equo, scyphum ipsum imperatori vel regi

E

Romano-



Romanorum porrigit ad bibendum. Quid mirum ergo si nobiles et hereditarii regum principumque officiales se depingendos curarent super equo ministrantes? Pincernam iam exhibemus equitem, deinde etiam SIGILLVM PILCRINÆ DE PVECHHAIM DAPIFERI AVSTRIAE. *) Pulchrum sanè spectaculum viri nobilis incitato equo pavinam afferentis. Vae sago! vae pulcherrimis caballi ephippiis, si longiora coqvus iuscula apparauerit!

MONV-

(*) Estor in libello de Hereditariis prouinciis Austriacarum Officialibus, sigilli vtriusque nobis copiam fecit,

MONVM. XXIII. ET XXIV.

*Lex Publica de lusu et
sponsionibus. Aliae le-
ges talariae.*

Antica nummi superioris pars siue Romae
siue Honoris caput exhibet, cum denarii
nota; supra malleus insigne familiae. Nam, vt
documento sunt litterae in postica appositae,
GAIVS MALLEOLVS signauit. Prope sta-
tua hastata pedem in thorace ponit ante tro-
phaeum. Sed turbant et oculos retinent curio-
siores duae quadraturae, quarum vni litterae
G. MAL. inscriptae. VAILLANTIVS, cui
hoc monumentum acceptum habeo, incudem
ex iis facit, forte vt, qui in altera parte praesto
est, malleus, si otiosus esse nolit, habeat, in
qua exerceri possit. Ego vero, aut duas le-
gum tabulas mihi videor, aut, quo magis in-
clino, tesseram videre. Fuit nempe GAIVS



MALLEOLVS ex Publicia familia. Sed Publiciam de lusu legem nouimus. Neque minuit probabilitatem, aut assensum impedit, hanc legem non familiari C. PVBLICII MALLEOLI, sed gentili eius nomine designari. Habet nimirum hoc cum caeteris legibus omnibus commune. Nam et Corneliae et Iuliae non familiari CAESARIS aut SVLLAE, sed gentis nomine insignitae. Legis autem Publiciae vnica est in L. 2. et 3. ff. de aleat. mentio, quas operae pretium est, vt ex Codice Tusco adscribamus: PAVLVS LIBRO NONO DECIMO AD EDICTVM: *Senatus consultum vetuit in pecuniam ludere: praeterquam si quis certet hasta, vel pilo iaciendo, vel currendo, saliendo, luctando, pugnando, quod virtutis causa fit. Martianus libro quinto regularum: In quibus rebus ex lege Titia et Publicia et Cornelia etiam sponsionem facere licet. Sed ex aliis, vbi pro virtute certamen non fit, non licet.* Quenam vero Publiciae et Corneliae leges? a quibusnam illae? centuriatisne, an tributis comitiis latae? quo tempore? quibus consulibus? Tacet de his omnibus diligentissimus in titulos Digestorum et Codicis de aleatoribus commentarius PETRI

ad pag. 68.





PANTOIAE DE AGALA, tacet ANDREAS SENTLEBIUS in docto de alea veterum opusculo, nec quicquam ANTONIUS AUGUSTINUS et HOTOMANNUS cum caeteris, qui leges Romanorum et plebiscita enumerant, definiunt, nisi quod Hotomannus eam non satis accurate SVLLAE tribuit. Sed et Senatusconsultum a PAVLO commemoratum quale fuerit? nullibi explicatum. Anne forte illud Macedonianum? Praeterea legis, nescio cuius, de alea CICERO *) mentionem facit, commemorans LICINIUM DENTICULAM, qui non dubitaret vel in foro alea ludere, *legis quae est de alea*, condemnatum, ab ANTONIO vero collusore restitutum fuisse. Noster vero nummi auctor, qui anno urbis conditae DCLXXIII. quaesturam iniit, hanc legem tulisse non videtur, sed potius, ut fieri assolet, suorum maiorum facta repraesentasse, cum PLAUTUS, **) qui anno urbis conditae DCXX. exspiravit, legis iam mentionem faciat talariae:

Atque

*) Cicero Philip. II. cap. 23.

**) Plautus in milite glorioso.

Atque adeo, *ut ne legi fraudem faciat talariae,*
Accuratote ut sine talis agitent convivium.

Comice et suo more, quo et Laetoriam legem
Quindecennariam dixit, non Titiam PLAV-
 TVS, non Corneliam, non Publiciam; sed,
 ab argumento, *Talariam* vocat.

Multo intricatior alterius nummi seu mo-
 numenti XXIV. sensus. Caput deae adest pul-
 cherrime cinctum, quam Sortis aut Fortunae
 imaginem puto. Litteris C. S. incuria eius,
 qui formam ferream cudit, pro SC. positas, non
 dubitaverim senatusconsultum indicari. In
 aversa tali conspiciuntur, quorum ex hoc nu-
 merum discere et cognoscere possis, quatuor*)
 fuisse. Sunt vero tali animalium bisulcorum
 ossicula in suffragine pedum posteriorum, quae
 a tesseriis eo differunt, quod haec sex latera pla-
 ne aequalia, seu cubi formam, habeant, tali vero
 quatuor tantum, cum ab utraque extremitate
 longitudinis in rotunditatem deflectant. Si in
 hac curva parte talus forte consisteret, rectum
 talum

*) Quatuor fuisse etiam colligitur ex Cicerone lib. 1. *de*
divina, cap. 13, et lib. 2. cap. 21.

talum vocabant, atque ille felicior casus, quia rarior. Sed quid verba sibi volunt: QVI LVDIT ARRAM DET QVOD SATIS SIT. Arrae quidem notio iuris studiosis non incognita, cum scilicet aeris aliquantulum datur in signum contractus consummati, ut, quod deest summae promissae, postea compleatur. Ita, si in pecunia consisteret. Sed annulis quoque aliisque pignoribus utebantur in sponcioni- bus, ut locus PLINII *) testatur: *At spon- siones etiamnum annulo exiliente eo tempore, quo nondum erat arra velocior*, et VLPIANVS in L. 17. §. fin. ff. de praescript. verb. docet, immo PLAVTI **) versus:

— — — Talos pascit sibi in manum,
Provocat me in aleam, ut ego ludam. Pono pal-
lium;
Ille suum annulum opposuit.

Haec omnia licet probe teneamus, tamen vix quicquam valeo ex verbis: QVI LVDIT, AR-

RAM

*) Plinius Hist. Nat. lib. 33. cap. 1.

**) Plaut. in Curcullione act. 2. Scen. 3. v. 75.]



RAM DET QVOD SATIS SIT, elicere. Primo velim scire: quis nummum cuderit? An rex forte in conuiuio creatus mense Decembri, quo Saturnalia agebantur? Porro, an *Ludere arram* sit, fidem habere de pecunia, et annulum siue aliud signum victori tradere, vt eo probare possit, se vicisse? aut denique *ludere arram* forte peculiare ludi genus fuerit, adeoque haec locutio eodem modo capienda videatur, quo par et impar ludere, vt lusum ludere dicimus? Perplexa sane haec omnia, cum et ludere arram significare possit, eam ludificare aut eludere. Quoniam igitur in re adeo obscura ad coniecturas deueniendum est, iudicent lectores, an probabiliora sint, quae mihi, an quae BAVDELOTIO in mentem venerunt? Existimo videlicet talorum posituras, quas nummus exhibet, certum talorum iactum referre. Nouimus enim varios euentus variis distinctos fuisse nominibus, cum interdum Vulturius Basilicusue caderet, interdum Canis, qui omnium pessimus, cum omnes quatuor tali in eam partem, qua facilius recubant, aequaliter prolabuntur. Contra vero iactus Veneris felicitate caeteros superabat, cum scilicet ex talis nullus pari positura

fitura cum caeteris staret, sed omnes essent diuersi. Vnde PROPERTIVS *)

*Me quoque per talos Venerem quaerente secundos,
Semper damnosi subsilire Canes.*

Existimo igitur, in nummo venereum iactum expressum, et has figuras quasi litteras legendas esse hoc modo: QVI LVDIT ARRAM, DET QVOD iactui venereo SATIS SIT, hoc est, tantum poenae persoluat, quantum in alea, quam lusit, iactus Veneris valuit. Hoc meum somnium. Venio ad BAUDELOTII **) argutias, qui C. S. COPAM SYRISCAM meretricem interpretatur, de qua VIRGILIUS hoc epigramma fecit:

*Copa Syrisca, caput Graja redimita mitella,
Crispum sub crotalo docta mouere latus.
Ebria, famosa, saltat lasciuia taberna,
Ad cubitum raucos excutiens calamos.
Pone merum et Talos, percat, qui crassina curat!
Mors autem vellens: vivite, ait, venio.*

Num-

*) Propert. lib. 4. eleg. 9.

**) Baudelot de l'Utilite de Voyages pag. 645, ex quo libro nummus rarissimus huc translatus est.



Nummum igitur, de quo agimus, quasi amoris et amicitiae tesseram datum fuisse opinatur a COPA SYRISCA iis, quibus noctem addixisset. *) Iam omnis de hoc nummo fabula acta est, vos lectores iudicate.

MONV-

*) Burmannus Antholog. T. 1. p. 702. Baudelotium irridet, et *copam Syriacam* non nomen foemineum, sed cauponam ex Syria vetulam interpretatur.



MONUMENTVM XXV.

*Duellum judiciale viri et
mulieris.*

Cum quibusdam in locis mihi res admodum vulgares, imperitorum causa, repetendae sint, nescio saepius, qualia his delinimenta quaeram, ne facilitate nimia commentarius in fastidium vertatur, aut oscitantia, quam singularibus quibusdam adpersis, quantum fieri potest, auertere studebo, obrepat iis, qui vulgo doctiores sunt. Vix vlla res iudicialibus per arma certaminibus, de quibus iam dicendum nobis est, alia vulgatior. Nempe, si in causa dubia, aut quod testes instrumentaque deficerent, aut res controuersa legibus nondum esset decisa, iudex sibi non liquere pronuntiasset, tam petitori quam reo, modo statu et dignitate pares essent *) petere licebat, ut ferro contenderetur.

*) II. F. 27. §. 3.



deretur. Hoc modo lites, quasi decernente deo, fortunae et armorum aleae committebantur. Priusquam tamen hoc iudex permetteret, prouocans sacramento confirmabat, tactis euangeliorum libris, se suam causam iustam putare *) idem et alter iurabat. Post haec, per sententiam interlocutoriam, iudex duellum imponebat. Licet vero in Italia hoc probationis genus sustulerit e foro COELESTINVS III. anno MCXCII. et GREGORIUS IX. in celeberrima bulla, imprimis ob eam causam fulmen in Speculum Saxonicum vibraret, atque duellandi rationem in eo damnaret, tamen in Germania adhuc anno MCCCCL. in Iudicio Rotvilensi per sententiam iudicis, decretam fuisse digladiandi necessitatem, GOLDASTVS refert. Die certaminis ambo, sedente iudice cum assessoribus, cancellos intrabant, quibus circus muniebatur, praecone edicante: ne quis voce, manu, nutu pugnantes turbare audeat. Sic inter tubarum vndique clangentium sonitus, se pugnae parabant, invocato diuini numinis auxilio. Solebant etiam

*) Auctor Flectae §. 28. 29.


Daß statt wie Man vnd Frowen mit ein ander kempffen
sollen. Vnd stend bie In dem Anfang



Daß statt die
Frowe Frynd
wil schloßen
vnd bat ain
stein In dem
schloß wagt
4 oder fünf
pfund.




So statler
In der Gru-
ben bis an
die Mit bin
vnd ist der
Kolb als
lang als Ir
der schloß
von der
Hand.



ad pag. 76.





etiam sacerdoti peccata confiteri, et absolutione impetrata, corpus Christi comedere, antequam in arenam descenderent. Stabat in medio vtriusque sarcophagus et feretrum, quo victus efferrī posset. *) Primarium quippe victoris officium, ut aduersarii funus splendide et, quantum posset, magnifice duceret. Locus huius rei classicus in Speculo Saxonico, **) ubi etiam de contumaciae accusatione, si prouocatus eremodiciū contraxisset: Verba latine a Polono versa ita habent: *Iudex cuique duos praeberet, qui videant, quod secundum consuetudinem praeparentur. Quantum voluerint de corio et linteo induant, dummodo frontes, id est capita atque pedes, permaneant enudati. In manibus non nisi simplices habeant chirothecas: nudum in manu habeat gladium et cum uno vel pluribus, secundum cuiusque arbitrium, praecingatur. Clypeum ligneum corio tectum et non nisi vimbonem ferreum in manu ferant, et unam tunicam induant, cuius manicae usque ad cubitum*
se

*) Mader de duello pag. 26. 27.

**) Ius Prov. Sax. Lib. 1, art. 63.



se extendant. Iudex circulo pacem, ne quis eos impediatur, debet sub poena capitis demandare. Cuiuslibet eorum iudex unum, qui arborem seu phalangam eius ferat, ordinabit, qui ferentes neminem eorum ullatenus impediunt. Sed si eorum quis ceciderit, vel vulneratus fuerit, vel arborem petierit, idque iudex concesserit, arborem interponat. - - - Splendor solis eis dividatur, quando procedunt. Si reus vincitur, condemnatur; si vero vicerit, donata sibi ab actore emenda et iudici multa, absolvetur. Actor in circulum prior veniat. Et, si reus venire protraxerit, iudex eum debet tribus vicibus per praeconem de domo, in qua praeparatur, adhibitis duobus Scabinis, evocare. Quod si in tertia vocatione non venerit, actor surgendo se debet duello praesentare, et verberando contra ventum, eum superabit in querela contra eum proposita: ac iudex eum, tanquam duello esset superatus, condemnabit. Neque solum hoc diuino iudicio de possessionibus solebant, de dotibus et haereditatibus discēptare, verum etiam ab obiectis criminibus solenniter se purgare. Nouimus etiam leges novas introductas et abrogata iura fuisse per hoc ordalium. Praeterquam enim

enim quod OTTO MAGNVS: an ius repraesentationis recipi possit? per gladiatores explorauit, *) hoc etiam, vt imperatori ius esset principes imperii ad se euocare, eodem plane modo inductum est. Cum enim FRIDERICVS PRIMVS HENRICO LEONI crime laesae maiestatis objiceret, *principesque et barones fautores ducis*, vt verbis Abbatis Urspergensis dicam, *contra imperatorem, hoc ius tenere vellent, quod imperator ducem condemnare non posset, vel terras abiudicare, nisi intra terras suas* (scilicet principis) *placitum constitueret, quidam nobilis exsurgens, in medium proposuit, quod lege duellionum hoc vellet obtinere, contra quemlibet secum pugnare volentem, quod imperator posset quemlibet principem vocare pro iustitia ad locum, quemcunque vellet, intra terminos imperii sui existentem. Cumque nullus ei se offerret ad pugnam, edicto imperatoris praesata sententia pro iure perpetuo obtinuit.* Quid autem, si viro cum muliere controuersia esset,

aut

*) Witechindi Corbeiensis Annal. lib. 2, p. 644. Sigeb. Gembl. ad ann. 942.

aut vxor cuiusdam a marito vel ab alio adulterii accusaretur? Tunc, si foeminae nollent in arenam descendere, per procuratorem se duello purgare solebant. Nam in legibus Longobardicis *) ita scriptum: *Si quis puellam aut mulierem liberam fornicariam aut strigam clamauerit - - - per Championem causa, id est per pugnam, ad Dei iudicium, decernatur.* Campiones autem, illi dicuntur, qui venalem animam trahunt, et sanguinem vendunt arenae. Interdum vero agnati proximi, aut etiam extranei ex fortibus et generosis militibus foeminarum defensionem vltro suscipiebant. In plerisque enim ordinum militarium regulis primaria fuit, viduas et pupillos defendere. Aurati quippe, vt dicebantur, equites in ipsis in augurationis solemnibus se tuituros esse causas miserabilium personarum, siue vt regula militaris ordinis differtis verbis habet: **) *Viduas, pupillos ac orphanos, in eorum necessitate protegere, et pro liberatione cuiusuis innocentis.* DVELLVM
inire.

*) Lex Rotharis 198. in Georgischi Corp. Iur. Germ. pag. 980.

**) Magn. Chronic. Belgic. apud Pistor. Scriptor. Ret. Germ. Tom. 3. 244.

inire. Estne quisquam, qui vel ex fabulosa historia ignoret, quam fortiter DOMINVS QVIXOTIVS haec omnia fecerit? Fortibus tamèn, quae fiduciam sui haberent, foeminis non denegabatur se ipsas defendendi licentia. Tunc vero ob sexus inaequalitatem, aut armorum disparilitate, aut sic, vt foemina libere, mas autem fovea circumseptus dimicaret, rem quodammodo ad aequum perducebant. Notus admodum ac iam saepius ab aliis laudatus STUMPFII locus, qui in Chronico Heluetico germanice scripto refert, anno MCCLXXXVIII. in vrbe Berna mulierem certamen singulare publice cum viro iniisse, eumque superasse.

Nunc ad monumentum deuenio, quod EPHRAIMVS GERHARDVS *) ex Codice manuscripto bibliothecae ducalis descripsit, cui nunc Gothae summa cum laude praeest, illustre ac praecipuum litterarum decus, IVLIVS CAROLVS SCHLAEGER, amicus, quo non alium habeo caric.ém. Patent per se in hoc monumento omnia, vt si paucula verba, quae apposita

*) Gerhadi Traß, jurid. de iudicio duellico.



apposita sunt, latine fecerim, non videam, quid praeterea adjiciendum sit. In superiore parte haec leguntur: *Hic positum est, quomodo mas et foemina secum dimicare debeant, et stant hic in initio.* Ad latus maris, qui ad umbilicum in fouea est, haec adscripta: *Ita stat ipse in fouea usque ad dimidium, et est clava tantae longitudinis, quantum funda procedit a manu foeminae.* Denique prope mulierem haec pictor verba collocavit: *Hic stat foemella libere, et percutere conatur, et habet lapidem in funda quatuor aut quinque pondo grauem.*

MONVMENTVM XXVI.

Fuga Hugonis Grotii.

Ex iureconsultis recentioribus, quosdam magni nominis in nummis obuenientes interdum proponemus, omnes enim dare et promiscuos, nullo modo placet. Ac quis hoc possit, cum vel primum volumen Musei Mazuchelliani ad octoginta iustitiae sacerdotes in nummis exhibeat? Qui praesens est, HUGONIS GROTII, non formosae quidem, sed fidae et callidae vxoris, nobile facinus refert, maritum in cista custodiae auferentis. Non inuicte hoc GROTII receptaculum, quod ipse cum viueret sancte et reuerenter, tanquam salutis suae instrumentum, seruasse et coluisse nouimus, utrinque radios projicit, ut significetur, quantum contineat fidus. E longinquo arcem posuere, quae captivum continebat, cum nomine: LOEVESTEIN, ab altera parte sol fere oriens diei horam monstrat, qua liberatus



est. Binae, quae impositae, coronae quid aliud, quaeso, quam regna Galliae et Sueciae indigitant, quorum in ministerio postea gloriose versatus est. Infra annus natalis cum emortuali, supra: MELIOR POST ASPERA FATA RESVRGO. Quo excellentior autem nummi auersa facies, eo turpior altera, quae caput exhibet furis cuiusdam aut Iudaei crediderim potius, quam GROTHII. Neque enim is ingenuus eius et liberalis vultus, quo in caeteris nummis tabulisque apparet. Caeterum de liberatione immortalis viri, quos BARLAEVS fecit, versus addimus:


*Haecenus inuisa detentus carceris umbra,
 Ereptum ulterius non tulit HVGO diem.
 Fata viam inuenient. Tabulis includitur arctis,
 Quemque capax mundus non capit, arca capit.
 Nauigat et liber, simul et captivus, et inter
 Spemque metumque suum laudat et odit opus.
 Aut solem mihi reddet, ait, fraus ista priorem,
 Aut iterum ingenio sum miser ipse meo.
 Quid fortuna stupes? toti mirabilis orbi,
 Non nisi vult miris liber abire modis.*

ad pag. 84.



XXVI.





MONVM. XXVII. XXVIII.
ET XXIX.

*Lex Iulia de maritandis
Ordinibus.*

Quem in bello triumphum, hunc in pace per-
latae leges honorem praestant, neque
alii reges posteritati mirabiles, nisi qui aut ar-
mis propagarunt imperium, aut iure exorna-
runt. Cum vero paucis contingat armorum
gloria, mirum sane, quare (quod magis in eo-
rum potestate est, quam illa fluctuans et incerta
praeliorum alea) quare, inquam, LYCVRGI,
SOLONES, AVGVSTI fieri non studeant, si
Alexandris esse non liceat. Quod autem dixi-
mus legibus aeternitatem et summam in pace
gloriam parari, nemo CICERONE *) melius:
*Equidem sic existimo, inquit, nihil tam esse in
actis*

*) Cicero Philipp. I. cap. 7.



*actis CAESARIS, quam leges CAESARIS. - - Ecquid est, quod tam proprie dici potest actum eius, qui togatus in republica versatus sit, quam lex? Quare acta GRACCHI, Leges Semproniae proferentur; quare SVLLAE, Corneliae. Quid, CNEII POMPEII tertius consulatus, in quibus actibus consistit? nempe in legibus. Senatusconsultum perfecisse, aut legem suasisse reipublicae salutare, honorem fuisse et decus summum, si alia documenta desint, vel ex eo colligas, quod alicuius memoriam damnaturi, huius etiam nomen legibus ab ipso perlatis *) detrahebant. Quid? praecipuam causam, quare imperatores, si prole destituerentur, vivi spirantesque successores sibi designauerint, TROZIVS in libro de memoria propagata hanc putat, ne leges eorum immutarentur. Hinc, in nummis, ut victorias ab hostibus reportatas, ita saepe leges etiam commemorari videmus, quemadmodum in his, quos numero XXVII. et XXVIII. notauimus, OCCO, NONNIVS, TORRENTIVS, BURMANNVS alique docti homines Iuliam de maritandis ordinibus designari arbitrantur*

*) Dio Cassius lib. 38. p. 63.

ad pag. 86.

XXVII.




XXVIII.



XXIX.





trantur, anno urbis conditae DCCLVIII. ab OCTAVIO perlatam, quae multorum liberorum parentibus honores praefinivit, orbos contra coelibesque poenis coercuit. *) Laudatur ea lex ab HORATIO:

*Divo producas sobolem, Patrumque
Prosperes decreta super jugandis
Foeminis, prolisque noua feraci
Lege marita.*

Haec, eodem sub AVGVSTO, ampliata est per legem Papiam Poppaeam anno DCCLXII, latam, quae tres liberos Romae, quatuor in Italia et in prouinciis quinque habentibus, immunitatem **) tribuit, patres ut dotarent filias coegit, ***) neque coelibes orbosve quippiam ex testamento alterius capere passa est, ****) imo aliis praeterea, quos taceo, modis, ut patres liberos tollerent et imperium Romanum nouis

*) L. 1. C. de infirm. poen. coelib.

**) L. 147. ff. de verb. signif. L. 1. et 2. ff. de vacat. et excus. mun.

***) L. 19. ff. de ritu nupt.

****) Vlpian. Fragm. XVI. 1.



nouis ciuibus replerent, efficere studuit. Haec coniectura et nummi expositio licet veri magnam similitudinem habeat, nescio tamen, annon acutius viderit GOLZIVS, qui in eo Parthorum vel aliorum barbarorum legatos depictos credidit, regem infantem AVGVSTO offerentes. Vt GOLZIO subscribam, sequens nummus mouet, in quo duo homines, eodem plane habitu, eidem AVGVSTO ramos ollvae legati porrigunt. *) Braccati sunt, non togati, vt valde probabile videatur, non alios nisi Parthos esse, qui sui regis PHRAHATIS filium offerunt, de quo ita IUSTINVS **) Trogi epitomator: PHRAHATE pulso, regem Parthi TYRIDATEM quendam constituerant, qui ad Caesarem profugit, obsidem CAESARI (nempe AVGVSTO.) minimum filium PHRAHATIS ferens, quem negligentius custoditum rapuerat. Quo cognito PHRAHATES legatos statim ad Caesarem mittit, servum suum TYRIDATEM et filium remitti sibi postulat. - - - ne tamen per
omnia

*) Sueton. in Aug. cap. 21. Indos etiam ac Scythas pellenis ad amicitiam suam ultro per legatos petendam.

**) Iustinus lib. 42. cap. 5. Idem Dio Cassius lib. 51. refert:

*omnia nihil a CAESARE obtentum videretur,
PHRAHATI filium sine pretio remisit. - - -
Sed et filii nepotesque PHRAHATIS obsides
Augusto dati.* Ac quid multis opus est, cum
subscripta verba IMP. XIII. satis innuant, num-
mum anno urbis conditae DCCXLVI. cufum
fuisse, quo lex Iulia de maritandis ordinibus
nondum vlla erat.



MONVMENTVM XXX.

*Vlpiani adhuc superstes
imago.*

Patavini, ne solo LIVIO gloriari viderentur, etiam IULIO PAVLO iuris consulto ciuitatem dederunt. Vetus quippe pictura, *) siue vt CATELLIANVS COTTA scribit, **) statua eius imaginem publice exhibet in foribus Palatii Patauini, cui subscriptum est: PAVLVS PATAVINVS IVRISCONSULTOR. CLAR. HVIVS CIVITATIS DECVS AETERNVM ALEXANDRI MAMMAEAE TEMPORIBVS FLORVIT AD PRAETVRAM PRAEFECTVRAM CONSVLATVM


*) Eberlin. de origine Iur. pag. 508.

**) Cotta Recens. Interpret. adiecta Pancirolo de claris LL. interpret. edit. Hofman.



XXX.





LATVMQVE ERECTVS CVIVS SAPIENTIAM TANTI FECIT IVSTINIANVS IMPERATOR VT NVLLA IVRIS CIVILIS PARTICVLA HVIVS LEGIBVS NON DECORETVR QVI SPLENDORE FAMAE IMMORTALITATIS OCVLIS POSTERITATIS ADMIRAND. INSIG. IMAGINE HIC MERITO DECORATVR. Hoc elogium, licet recentiore stilum palam prodat, tamen PAVLVM Patauinum creditum fuisse, fatis abunde testatur atque FORSTERO, RIVALLIO, BERTACHINO, COTTAE, EBERLINO, HENELIO aliisque occasionem praebuit, vt compopularem LIVII facerent. Lubenter ego hanc, siue fictam siue veram, PAVLI statuam imaginemve Patauinam exhibiturus eram, si in TOMASINI, aliorumque scriptis, quae de hac vrbe mihi nota erant, ullibi inuenire potuissem, in quibus illam, sed frustra quaesivimus. PAVLVM itaque nondum vidi, sed in indaganda VLPIANI effigie fortuna faventior. Nam cum hanc quoque superstitem esse, saepius legissem, mira sane et incredibili laetitia affectus sum, cum forte in THEVETII Historia illustrium et eruditorum



rum hominum gallice scripta *) praefens monumentum reperirem. Vnde hos vultus habeat, non refert ille quidem, attamen generatim in Praefatione operis: se in itineribus suis, per Graeciam aliasque remotissimas regiones susceptis, multas imagines et statuas virorum illustrium delineasse, scribit. Suspecta vero reddere THEVETII tantum non omnia summo opere THYANVS conatur, qui paulo impetuosius ita de eo scribit: *Miseret me hodie multorum, qui cum in litteris non multum videant, agyrtae tamen illius, fucos non solum non peruideant, sed eius nomen cottidie in libris suis honorifice appellant; mirarique saepius subiit, qui fieri potuerit, ut homo cui tam facile imponeretur, tanti nominis viris tam turpiter imponat, quos ideo nunc monitos cupio, ut in posterum insciti et inepti nebulonis nomine ac testimonio, praeclara scripta sua contaminare desinant.* Alii contra insertas operi picturas ob exactitudinem
maximo-

*) Thevet Histoire de plus illustres et savants hommes des leur siecles, tant de l'Europe que de l'Asie, Afrique et Amerique, avec leur Portraits en Tailles-d'ouces, tirez sur les veritables originaux. Paris 1584, fol.

maximopere laudarunt et commendarunt. Vnde ego non statim summi caeteroquin viri deterreor THVANI auctoritate, sed hanc notabilem VLPIANI effigiem Numero XXX. signatam, qualiscunque demum illa videatur, notio-
*facio, motus in primis PLINII *) verbis: Etiam mentiri clarorum imagines, erat aliquis virtutum amor. Non est praetereundum nouitium inuentum: Si quidem non solum ex auro argentoue, aut certe ex aere, in bibliothecis dicantur illi, quorum immortales animae ibi loquuntur. Quin imo, etiam quae non sunt, finguntur; pariuntque desideria non traditi vultus.*



MONV-

*) Plinius Hist. Nat. lib. 35. capi 2.



MONVMENTVM XXXI.

De Abigeis.

ABIGEI habentur, qui, ut titulus de iis in Digestis docet, pecora e pascuis armentisve subtrahentes, hoc furti genus quasi artem exercent. Celeberrimus omnium, quos fabulae historiaeque produnt, CACVS, cuius vaserrimum abigeatum gemma vetus notat, versibus autem exprimit hîsce VIRGILIUS: *)

*ALCIDES aderat, taurosque hac victor agebat
Ingentes: vallemque boues annemque tenebant.
At furiis CACI mens effera, ne quid inausum
Aut intentatum scelerisue doliue fuisset,
Quattuor e stabulis praestanti corpore tauros
Avertit, totidem forma superante iuvenas.
Atque has, ne qua forent pedibus vestigia rectis,
Cauda in speluncam tractos, versisque viarum*

Indiciis


*) Virgil. Aeneid. lib. 8. v. 203.

ad pag. 94.



XXXI.





Indiciis raptos, saxo occultabat opaco.

Quaerentem nulla ad speluncam signa serabant;

Interea, cum iam stabulis saturata moueret

AMPHITRYONIADES armenta, abitumque
pararet,

Discessu mugire boues, atque omne querelis

Impleri nemus et colles clamore relinqui.

Reddidit vna boum vocem; vasloque sub antro

Mugit, et CACI spes custodita fefellit.



MON. XXXII. XXXIII. XXXIV.
XXXV. ET XXXVI.

*Iterum de Archiepiscopali
Pallio.*

Adeo incerta sunt omnia, quae de pallii, quo se praefules christiani exornant, origine circumferuntur, ut interdum, quae ex variis doctorum hominum sententiis praeferenda sit, haecamus. Licet enim supra *) me contra eos, qui regium illud imperatoriumve ornamentum fuisse perhibent, disputasse probe meminerim, atque verosimile videatur, pallium nunquam integram et veram vestem, sed semper fimbriam fuisse laneam seu ornatum ex loris, tamen posteaquam ex vetustis monumentis de-

monstra-

*) Monument. 3.

ad pag. 96.



XXXIII.



XXXIV.




XXXV.



XXXVI.





monstrauimus, virgam illam incuruam, quā episcopi superbiunt, non lituum auguralem, sed baculum referre pastorem ad comprehendendas oves seu capreas utilem; coepi subodorari, etiam pallium archiepiscopi pastoritium esse, cum hoc quoque insigne, pariter ut illud pedum, ab oratione Christi *) qui Petro dixit: *Pasce oves meas*, facile duci ac deriuari potuerit. Venerunt autem haec in mentem mihi, gemmas ex vetustate superstites diligentius contemplanti, in quibus pastores plerumque cilicio induri seu pallio. Tres in prima gemma apparent, eclogam VIRGILII, nescio quam, aut THEOCRITI quoddam Idyllium, referente. Memorabilior, quae sequitur gemma, in qua hoc pallium lorica tum apparet, ac, fere ecclesiasticum in morem, super humeris dependet. Tertia gemma, quam ex GORLAEO depromsimus, pastorem caprimulgum sistit palliatum. Anne forte tu aliquam, licet leuem, inter pastoralia haec cilicia et praesulum ornamenta humeralia similitudinem animaduertis? Si negas, rogo monu-

*) Evangel. Iohannis c. 21. v. 15. 16. 17.



monumentum XXXV. vt contempleris attentius,
ex eadem GORLAEI Dactyliotheca depromptum,
in quo variis ex loris confutum capri custodis
pallium non multum ab archiepiscopali diver-
sum. Post gemmas nummum Megaraeensem
ex GOLZIO sub numero XXXVI. posuimus,
in quo pastor ouem mulget palliatus.



MONUMENTVM XXXVII.

*Graduum computatio
Germanica.*

Hominum cognationes, quae in familiam et gentem diffluunt, earumque schemata cum Romani sub graduum et scalarum forma depingere consueuerint, Bononiensis doctor IOHANNES ANDREAE, primus fere, quasi arborem videtur adumbrasse. Rotae figuram exhibet ISIDORVS. Diuersa ab his Germanorum consuetudo, qui in humano corpore demonstrarunt, quo gradu vna familiae persona alteri consanguinitate sit coniuncta. Sedes huius rei in libro primo eiusque articulo tertio Speculi Saxonici, quem locum paraphraetice sic in latinam linguam transferre liceat: *Iam illud etiam obseruabimus, ubi cognatio inchoet, et ubi finiatur? In capite est viro et uxori designata sedes, qui matrimonio, eoque aequali, sociati sunt. In colli geniculo liberi, qui ex eodem, tam*

G 2


patre



patre quam matre, nati sunt. (Aſt fratres unilaterales vno in geniculo conſiſtere nequeunt, ſed ad aliud progrediuntur geniculum) - - - Germanorum fratrum ſororumque liberi illo in geniculo collocantur, quod brachium iungit humero. Hi, quamquam ſecundum geniculum occupant, tamen PRIMVM ORDINEM cognatorum conſtituunt, quos Magen appellamus; fratrum nempe ſororumque liberi.


In cubito ſtat ordo SECUNDVS; in articulo, qui iungit manum et brachium, TERTIVS. In primo geniculo digiti medii, ubi de manu exeritur QVARTVS; in ſecundo articulo QVINTVS, in tertio SEXTVS. In ſeptimo vides unguem et nullum geniculum, hinc illic finitur cognatio, dicunturque illum attingentes Nagel-Magen. Qui intra unguem et caput h.e. intra octavum gradum, ſe aequaliter ad ſtipitem referre poſſunt, capiunt hereditatem aequaliter; qui autem propius ſe ad ſtipitem conferre poteſt, in hereditate capienda potiùs eſt.

Cognatio finitur in ſeptimo, ſi de hereditate capienda agitur, etiamſi Pontifex cognitionem arctioribus limitibus incluſerit, et in quinto gradu matrimonium peruiſerit; quandoquidem Pontifex nullum



XXXVII.





nullum ius statuere potest, quo ius prouinciale nostrum aut feodale diminuat.

Haec omnia pressius atque subtilius exposita in nostris *Obletamenti. iuris Feodalis*, eo quidem Iaco, quo Canonicam graduum computationem non inuenisse Romanos pontifices, sed Gothos et Longobardos, ut alias leges et consuetudines patrias, secum in Italiam tulisse, a quibus demum pontifices eam didicerint, ostendimus, quo lectorem huius rei cupidum ablegamus. In praesenti enim tantum depingere placet, quae in Speculo Saxonico descripta sunt. Hanc nempe speciem probe teneas nos nequaquam in vetusto marmore aut membrana inuenisse expressam, sed ad doctrinam superius laudatam ipsos adumbrasse. Homo noster lanceam et fufum tenet, ad significandum, in dextro latere agnatos, ad laeuam cognatos ponere consueuisse veteres. Nempe ad legem quandam Angliorum *) allusimus, in qua scriptum est: si nullus superfit in familia masculus, tunc demum hereditatem *a lancea ad fufum*.

*) LL. Anglior. et Werinor. tit. 6. §. 8.



fusum transire. Si quis tamen, quia ad dextram collocati nostra in lingua *Schwert-Magen*, in altera vero *Spindel-Magen* appellantur, sublata lancea, gladium substituere velit, non repugnaverim. Ecce autem quam facilis sit Germanorum simplicitas, quamque ingenio Romanos hac parte superent, cum maximam sane commoditatem habeat, corpore et brachiis pro tabula uti, in qua, siue domi quis fuerit, siue foris, cognationes amplissimas suo animo informare possit, neque tamen cera, charta, tabula, aut etiam creta opus habeat ulla.

MON. XXXVIII. ET XXXIX.

*Leges Tabellariae Licinia
et Cassia, atque obiter
quaedam de Lege Lici-
nia Sumtuaria.*

Vix puto in re tam vulgari, quae in monu-
mentis picta propositis est, quemquam
a me expectaturum esse, ut, quemadmodum Ro-
mani ciues in comitiis suffragia laturos viritim
super ponticulis ouile angustius, quo tribunal
magistratus eius, qui comitiis praeerat, inclu-
debatur, *) ouile, inquam, a caeteris septis
sive ouilibus, quae singulas populi centurias
continebant, diuersum ingressi sint? latius
exponam, nec enim pueris scribo, aut deside-
raturum, ut ex PITISCI, HEINECCII alio-
rumque

*) Gruchius de Comitibus Rom. lib. I, cap. 4.




rumque elementariis libellis, quomodo in urnam pilo siue columellae impositam tabellas a diribitoribus acceptas coniecerint, repetam; tabellas inquam, quibus si publica iudicia haberentur, *A.* hoc est: *absoluo*, aut *L. libero*; alteri vero tristiori tabulae *C. condemno* aut *D. damno*, inscribatur. Vbi autem magistratum creandorum causa comitia haberentur nomina candidatorum: si vero lex ferenda esset, per siglas *Antiqua Probo* et *Vti Rogas* tabella loquebatur. His peractis, notissimum est, diremptionem secutam, cum nempe tabellae ex cista ducerentur et suffragia punctis notata connumerarentur. Tabellam autem in iudiciis publicis primum Lex Cassia populo dedit, anno urbis conditae DCXVI. siue ut PATINVS vult anno DCLIII. unde mirum non est, si L. CASSIVS LONGINVS hanc vindicem tacitae libertatis in nummo expresserit atque tabellae, aurae popularis captandae gratia, litteram laetiores *A* potius, quam alteram abominabilem *C* inscripserit. Aversa VESTAM, cuius pollutum templum a CASSIO, nescio quo, quondam purgatum est, *) exhibet,

*) Asconius in Miloniana.

ad pag 104.







exhibet, cum ignis perpetui lampade; quam mitto et ad alterum gentis Liciniae denarium, in quo potissimum cancellorum septa curiosos antiquitatum oculos alliciunt, animum conuerto. Plures eiusdem argumenti, et licet formae paulisper diuersae, similes tamen huic, (qui CHRISTII quondam suppellex et a IOHANNES LVDOVICO CONRADI publicatus est) saepius occurrunt. Melior etiam et elegantior ille apud VAILLANTEM, *) quem, cum ex negligentia sculptor hisce iungere omiserit, inferius afferam. Cur autem P. LICINIUS NERVA legum ferendarum aut habendorum iudiciorum ritum expresserit, docti homines se profitentur ignorare, cum praeter Gabiniam, Cassiam, Papiriam, Coeliam et Mariam tabellarias leges ullas fuisse, negent. Etiam si vero non ad Liciniam gentem, sed ad Siliam nummum referamus, ut VRSINVS et ille, quem dixi, VAILLANTIUS fecere; neque tamen Lex Silia de suffragiis cuiquam cognita, quam denarius repraesentare possit. Itaque aliam
viam

*) Vaillant. Numi Famil. Tom. 2. tab. 131.

viam ingressus FRANCISCVS CAROLVS CONRADI, *) generatim legem aliquam ab huius NERVAE maioribus perlatam, non sigillatim et praecise tabellariam, sed sumtuariam potius, quae inter omnes celeberrima sit, P. LICINII CRASSI significari arbitratur. Credulum autem lectorem esse oporteat, qui sibi haec imponi patiatur. Anne Licinia haec sumtuaria lex tam grata plebi et accepta fuit, ut ea NERVA gloriari possit? Quid? ne diuturna illa quidem, sed non multo post abolita. Deinde, quid quaeso comitiorum apparatus? quid tabellae? urna? diribitor? quid septa denique ad sumtum coercendum faciunt? Rectius ergo nos de Lege Licinia Iunia, quae de *legibus promulgandis* **) Anno urbis conditae DCXCI. perlata est, aut de alia quadam lege Licinia, quae plebiscitum fuit ***) et *de legum latoribus*

*) Conradi Parerga lib. 3. p. 310.

**) Cicero Phil. V. 3. Vatin. c. 14. ad Attic. IV. 16. pro Sextio 64.

***) Cicero pro domo cap. 20. Orat. secunda Agrar. contra Rullum c. 8.



latoribus obsoleta quaedam Legis Aebutiae capita reuocauit, interpretabimur, ita tamen, vt nunc quidem eo brevioribus esse liceat, quo aptior erit de comitiis et publicis iudiciis differendi oportunitas alio loco, quo monumenta huius rei plura in medium proferemus.



MONVM. XL. XLI. XLII.

*Ad Capit. undecimum X.
de rescript.*

LVCIVS tertius Pontifex Maximus, in laudato Decretalium capitulo, ita cuidam rescripsit: *Ad audientiam nostram, te significante, peruenit, quod H. de sancto Stephano super absolutione sua litteras tibi, ut prima facie videbatur, Apostolicas praesentavit, quibus, quoniam manifestum continent in constructione peccatum, fidem te nolumus adhibere.* Huic decretali epistolae in plerisque editionibus illud IOHANNIS ANDREAE, aut, qui fere iisdem verbis usus est, Abbatis Panormitani NICOLAI TVDISCI praescriptum est: *Falsa latinitas vitiat rescriptum Papae.* Itane vero, diue LVCII! hoc rescripto tuo omne ius pontificium abrogasti? Nam quid quaeso valiturum sit, cum in hoc vniuerso corpore, ut SCIPIO GENTILIS ait, soloecismis omnia scateant? Salua
tamen

XL.




XLI.

ad pag. 108.



XLII.





tamen res est. Si enim LVC I vetas, fidem adhiberi pontificum rescriptis parum latinis, de tuo potius capitulo, quam de iure canonico, actum est. Ais nempe: *Ad audientiam nostram peruenit, quod H. litteras praesentauit.* O quantum in hisce, ut ipsius capituli verbis utar, constructionis peccatum, cum scribi debuisset: ad nostram audientiam peruenit, H. litteras praesentasse. Deinde hoc: *quod litteras, ut prima facie videbatur, Apostolicas praesentauit*, aequè vitiosum, cum non videbatur, sed videbantur grammatices regulae exigant. Nescio vero, quo nomine hoc inexplicabile designare debeamus, si lex, quae constitutionibus et legibus, in quibus falsa atque suspecta latinitas, morergeri vetat, ipsa vitiose et contra PRISCIANI regulas scripta sit? Ex perplexis haec quaestio et exemplum eiusmodi, quo FREHERI *Decisionum Arcopagiticarum Sylva* mirifice exornari possit, cum, quicquid constituerimus verum esse, falsum reperiatur, quae AFRICANI in causa simili verba sunt. L. 88. ff. ad. L. Falcid. Ni fallor Antistrophusam rhetores appellant, cum quis ad defensionem non suis, sed aduersarii, argumentis et verbis utitur.

Itaque




Itaque non ausim ob grammaticale peccatum legem aut rescriptum improbare, ne totum ius pontificium subuertatur, neque omnino Panormitano Abbati subscribere, qui, ut rationem propositi capituli afferat, negat fieri posse, ut pontificis rescriptum minus latinum sit, his quidem verbis: *quia per multas transit manus et cum magna maturitate decoquitur.* Vtut vero magnum sit in legibus nouis atque rescriptis studium, multo tamen attentior esse solet in publico numismate prouidentia et magis circumspecta cautio, ubi omnia timide multorum oculis et manibus prius explorantur, quam in publicum prodeant. Nihilo minus tamen accuratissimae diligentiae subterfugiunt interdum et elabuntur turpia quaedam, quae deinde animaduersa et artificii et ipsi principi ruborem excutiunt. Tametsi vero grammaticalia peccata, plumbeas falsariorum monetas in primis suspectas reddant; tamen negari non potest, etiam probos nummos obuenire nefandis erroribus insignes. Sic in primo eorum, quos apposuimus, IOHANNES FRIDERICVS Archiepiscopus Bremensis, et Episcopus Lubecensis, ex Ducibus Holsatiae, in aversa HERRES
pro



pro *beres* posuit; in altero SIGISMVNDI BATHORI principis Transilvaniae; PRINCHRS positum, pro *Princeps*; in tertio denique GEORGII GVILELMI Electoris Brandenburgici nummo, verbum Dux, ridicule QVTX, quis non stupeat? Poteramus plura huius rei exempla ex IOH. CHRISTIANI KVNDMANNI Nummis Singularibus adducere, qui etiam FRIDERICI Daniae regis argenteum profert, cum inscriptione MONETA AVREA: et e contrario aureos solidos, quibus inscriptum est: MONETA ARGENTEA. Sunt etiam nummi post principum quorundam, quasi adhuc viuerent, mortem cusi. *) Vbi ergo HARDVINE tua fides! qui, subuersa omnium librorum auctoritate et infirmatis historiae monumentis, solos nummos vera docere, stolide magis quam ingeniose persuasurus, aurem, ne vnam quidem, inuenisti satis credulam, nec vlllo tempore inuenies.

MONV.

*) Sammlung rarer und merkwürdiger Gold und Silber-Münzen; Lipsiae 1755. 4. erste Fortsetzung pag. 77. Kundmann Sonderbare Thaler p. 17.



MONUMENTVM XLIII.

*Picturae ignominiosae,
quae imperium Germani-
cum Pontificis beneficium
esse, mentiebantur.*

Non solum dici et scribi solent iniuriae, ve-
rum etiam pingi. Imo sculptarum a sta-
tuariis iniuriarum leges *) mentionem faciunt.
Vtrum autem quae pinguntur, realibus annu-
merandae sint iniuriis, an verbalibus? subtilius
iam non disputo, cum, quamcunque elegeris,
illa defendi possit, sententia. Etenim, ut
AUCTOR AD HERENNIVM, libro quarto
ait, imagines non minus, quam litterae loquun-
tur, et pictura quasi tacitum poema est. In
epistola


*) Lex Imperii seu Ordinatio Politiae anno 1577. per-
lata §. 3.

Tyfulus de cōtōz discordantium
corda ac primum de Jure constitutionis z naturæ



Duob; regitur naturali uidelicet Jure z moribus





epistola episcoporum Germaniae ad HADRIANVM IV. Pontificem Maximum **) episcopi Germaniae grauitur conqueruntur, quod is in scriptis iactauerit, se FRIDERICO I. imperium Germanicum, quasi beneficium, clientelari iure contulisse, ibique diserte ignominiosam picturam memorant, quae in detrimentum libertatis Germanicae verti possit, ita vero in illa epistola episcopi: *A pictura coepit, ad scripturam pictura processit. Scriptura in auctoritatem prodire conatur. Non patiemur; non sustinebimus! Coronam anteponemus, quum imperii coronam vna nobiscum sic deponi consentiamus. Picturae deleantur, scripturae retractentur, ut inter Regnum et sacerdotium aeterna inimicitiarum monumenta non remaneant.* His cognitis, coepi ego circumspicere, anne forsitan illa pictura, quam aboleri rogant Germaniae episcopi, adhuc perennaret? Ac primo illa, quae Venetiis conspicitur, in mentem veniebat tabula, in qua ALEXANDER III. pontifex pedibus FRIDERICVM conculcat. At
vero

*) Senkenberg Corp. Iur. Feod. p. 528.



vero eam centum et pluribus annis postea demum factam esse, ipse fatetur BARONIVS; deinde etiam HADRIANVS, ad quem Germaniae episcopi epistolam scripserunt, prius sedit quam ALEXANDER, qui Caesarem calcasse dicitur. Cum igitur de hac pictura Germanorum epistolam accipiendam non esse facile intelligerem, aliamque quaererem, praesens monumentum in manus venit, quod in fronte *Decretorum* GRATIANI manuscriptorum, in vetusto Bibliothecae regiae Berolinensis Codice membranaceo, conspicitur, ubi superius pontifex inferius imperator, quem ille sic alloquitur:

Rex ego sum regum, lex est mea maxima legum.

Te facio regem, tu rectam dilige legem.

Littera autem H. initialis est primi *Decretorum* canonis, qui litteris ad latus positis, ita incipit; *Humanum genus duobus regitur, naturali videlicet iure et moribus.* Verum cum hic codex demum seculo XIII. scriptus videatur, neque hanc picturam praesentire potuerunt Germani sub FRIDERICO I. conquerentes. Tandem cum RADEVIGVM consulerem ex huius capite

pite decimo libri primi de Gestis Friderici, qualis pictura illa fuerit, certior factus sum. Ita nempe RADEVIGVS: Talibus litteris (pontificis) lectis, et per Reinaldum cancellarium fida satis interpretatione diligenter expositis, magna principes, qui aderant, indignatione commoti sunt, quia tota litterarum continentia non parum acredinis habere, et occasionem futuri maliamiam fronte sua proferre videbatur. Praecipue tamen vniuersos accenderat, quod in praemissis litteris inter caetera dictum fuisse acceperant: dignitatis et honoris plenitudinem sibi a Romano pontifice collatam, et insigne imperialis coronae de manu eius imperatorem suscepisse. Nec ipsum poenitere, si maiora beneficia de manu eius suscepisset, habita consideratione, quanta ecclesiae Romanae per ipsum possent incrementa et comoda peruenire. Atque ad horum verborum strictam expositionem ac praefatae interpretationis fidem auditores induxerat, quod a non nullis Romanorum temere affirmari nouerant, imperium urbis et regnum Italicum donatione pontificum reges nostros hactenus possedisse, idque non solum dictis, sed et scriptis atque PICTVRIS repraesentare et ad posterum transmittere. Vnde



de imperatore LOTHARIO in palatio Lateranensi super huiusmodi pictura scriptum est:

Rex venit ante fores, jurans prius vrbis honores,
Post homo fit Papae, sumit quo dante coronam.

*Talis pictura talisque subscriptio principi, quando alio anno circa urbem fuerat, per fideles imperii delata cum vehementer displicuisset, amica prius invectione procedente, laudamentum a Papa ADRIANO accepisse memoratur, ut et scriptura, pariter atque pictura talis, de medio tolleretur; ne tam vana res summis orbe viris litigandi et discordandi praebere posset materiam. Haec RADEVICVS. Sed, et GÜNTHERVM LIGVRINVM *) de re eadem audire placet:*

*Reddita magnifico super hac re pagina regi,
Plurima vana quidem, sed et hoc monuisse putatur.
Ut memor impensi tanti sibi Caesar honoris
Esset, et acceptae, Papa donante, coronae:
Nunquam Pontificem collati muneris alto
Poepituisse viro, nec si maiora dedisset
Praemia, tristitiae posthac onerive futurum.
Haec ideo princeps non contemnenda, nec absque
Pondere*

*) Günther Ligurin. lib. 6. v. 271.

*Pondere, suspectis credebat tradita chartis,
Quod prius Ausoniis dum versaretur in oris,
Audierat Latiae diffusum plebis in ora,
Et vulgo dici solitum; contingere nulli
Regna Latina viro, nisi cui Romanus amica
Traderet illa manu, Petri sub nomine, praeful.
Hoc quoque Romanae praestans in sedibus aulae
Vana loquebatur, qua voce licebat IMAGO.
Hic a Romano mendax antistite pictor
Fecerat imperii sumentem iura LUTHERVM,
Stare genu flexo, nec non epigrammata vanus
Desuper addiderat, simulatis consona rebus.
Hanc ADRIANVS ei, ne verae semina eladis
Res simulata daret, penitus delere figuram
Pactus erat: sed adhuc minimi promissa laboris
Dislulerat, fomesque mali vivebat IMAGO.
Ergo ubi magnificis accessit epistola verbis,
Admonuitque virum: satis indignatus ab illo
Imperium princeps se suscepisse negavit.
Cumque refragari legati, et dicere contra
Tentarent, et falsa sua pro parte mouerent,
Infremuere Duces.*




MONUMENTVM XLIV.

Ad L. 1. §. 10 ff. de inspiciendo ventre et custodiendo partu.

Ait praetor: Mulier ante dies triginta, quam parituram se putet, denuntiet iis, ad quos ea res pertinet, procuratoribusve eorum, ut mittant, si velint, qui ventrem custodiant. In quo conclavi mulier paritura erit, ibi ne plures aditus sint, quam unus; si erunt, ex utraque parte tabulis praefigantur. Ante ostium eius conclavis liberi tres et tres liberae, cum binis comitibus custodiant. Quotiescunque ea mulier in id conclave aliudve quod, siue in balneum ibit, custodes, si volent, id ante perspiciant et eos, qui introierint, excutiant. Mulier, cum parturire incipit, iis, ad quos ea res pertinet, procuratoribusve eorum denunciet, ut mittant, quibus praesentibus pariat. Mittantur mulieres liberae
duntaxat







duntaxat quinque : ita, ut praeter obsoletrices duas, in eo conclavi ne plures mulieres liberae sint, quam decem; ancillae, quam sex; caecae, quae intus futurae erunt, excutiantur omnes in eo conclavi, ne qua praegnavit sit. Tria lumina nec minus ibi sint, scilicet quia tenebrae ad subiciendum aptiores sunt. Quod natum erit, iis, ad quos ea res pertinet, procuratoribusque eorum, si inspicere volent, ostendatur. Haec solennia, cum reginae parturiunt, adhuc hodie in Gallia, Anglia, aliisque quibusdam hereditariis regnis observari, notum est, atque etiam medio aeo obtinuisse, natiuitas FRIDERICI imperatoris, qui huius nominis secundus fuit, documento est. Nempe HENRICVS VI. anno MCLXXXVI. regis Siciliae filiam atque Neapolitani regni, Apuliae, Calabriae et Siciliae heredem, CONSTANTIAM, vxorem duxerat, quae quinquaginta annorum vetula, praeter omnem spem atque opinionem hominum, grauida esse coepit. Siculi existimantes illa iamdudum secula praeteriisse, in quibus SARAE pariant, hoc miraculo obstupescere et fraudes vereri. Itaque, ut suspicionem a se removeret atque sinisteras cogitationes dilueret, in quodam Anco-



nitanae prouinciae oppido imperatoris vxor mirabili apparatu, exstructo scilicet in foro atque sub dio, vt ab omni populo spectaretur, tabernaculo, intra matronarum principum coronam, VII. Calend. Ianuarii Anno MCXCIII. hunc FRIDERICVM peperit. In huius rei memoriam numisma, quod nuperrime in agro Norimbergensi, inter caetera, repertum est, ab imperatore marito cufum esse, parochi eruditi WURFELII *) leuis quidem, sed, quousque nemo meliora doceat, non penitus negligenda coniectura est, qui in antica parte HENRICI VI. vultum, in auersa autem matrem CONSTANTIAM et enixum puerulum, cui imperator cum sceptro adsideat, sibi animadvertisse visus est. Miror christiano sacerdote, matrem dei pueri non venisse in mentem citius, quam vetulam HENRICI vxorem.

MONV-

*) Beschreibung derer Brautstaten und Dik-Pfennige, welche in Offenhausen ausgegraben worden, von Andreas Würfel, Pfarrer in Offenhausen, Altorf, 1761.



MONVMENTVM XLV.

*Regnum Italiae sub Ottone
Magno junctum Imperio
Germanico.*

Non numisma damus, sed bullam plumbeam,
OTTONIS I. Imperatoris, quae ex
membrana donationis pendet, anno millesimo
factae. Hanc IOHANNES GEORGIUS AB
ECKHART *) accuratissime ex archetypo de-
lineavit, quam ob causam hunc maluimus quam
MABILLONIVM sequi, qui eandem quidem,
neque tamen tanta sollicitudine, bullam exhi-
buit. **) OTTO imperator HENRICI fi-
lius in vtraque pagina. Laurum gerit et super
eam

*) Eckhart Gründliche Nachricht von der alten Salz-Burg
Lips. 1751. 4.

**) Mabillon Rei Diplom. lib. 2. cap. 16. et in Supplemento
cap. 8. p. 48.




eam diadema, quatuor liliis ornatum, ut illa Romanus imperator, hoc rex Germaniae designetur. Aversa, ut ex vultus similitudine apparet, eundem habet Caesarem, thorace indutum. Hastam, in cuius flammula lilium, parmamque manu tenet. Inscriptio memorabilis: RENOVATIO IMPERII ROMANORVM, cum sacrosancta cruce. Estne vero quispiam, qui OTTONEM Imperatorem cum anno DCCCCLXVIII. ADELBERTVM, minoris filium BERENGARII, bello superasset, Italiam Germaniae regno sociasse, ignoret? Recte igitur STRUVIUS initia Iuris publici Romanorum Germanici non, ut alii, a CAROLO Magno aut Crasso; neque, ut HEINECCIUS, a LUDOVICO Germanico; neque, ut LVDEVIGIVS, a CONRADO Salico, sed ab hoc OTTONE repetenda existimavit. Renquati sub hoc Germanico rege Romanorum imperii etiam in iure pontificio GRATIANVS mentionem fecit: *can. 23. dist. 63.* Quis ergo, his clarissimis documentis perspectis, GOTLIEBII STURMII, quam in singulari disputatione Vitebergae habita propagare studuit; opinionem probet: non OTTONEM
Magnum,

ad pag 122.



XLV.





Magnum, sed huius nominis Tertium, aeterno foedere vtrumque imperium sociasse? Haec haeresis, etiamsi alia documenta deficiant, hac sola plumbea bulla statim refutatur. Cur autem lilia OTTO in diademate vexilloque gerit? Si me interroges, aut dicam CAROLVM Magnum imitari voluisse, aut (quoniam non satis expeditum est, hunc iis insignibus vsum fuisse) Francos, respondebo, etiam orientales in Germania pariter, vt illi in Galliis, lilia in armis habuisse. Forte iis temporibus non semper Germanicum dicebatur, sed titulo veteri Francicum imperium, cum et GOTFRIDVS VI. TERBIENSIS scribat: *Romanum imperium sub Ottone ad Francos orientales reuersum.* Caeterum haec bulla tam affabre facta, vt caetera huius aevi opera pulchritudine et elegantia facile superet. Graecum esse oportuit, non Francum neque Latinum, qui formam sculpsit, artificem.




MONUMENTVM XLVI.

Duellum judiciale bestiae et hominis.

Non mea, quae sequuntur, verba sunt, sed
D. DE COLYMBARIA, in *Theatro
honoris et strenuorum militum*, relata a MONTE-
FALCONIO, ex cuius Tomo Secundo Mo-
numentorum Monarchiae Gallicae picturam mu-
tuati sumus. „Iam supra, inquit, vidimus:
„quomodo, cum legitimae probationes defice-
„rent, Principes supremi, vel curiae senatus, sin-
„gularia certamina inter viros ineunda permitte-
„rent, cum de prauo facinore aliquo clam admissio
„ageretur; sed res admodum noua, imo stupenda,
„videtur, quod bruto animali contra virum congre-
„di permissum fuerit, et coactus vir fuerit, vt cum
„bruto animali pugnaret. Mira utique res est, quae
„hodie-







„hodieque depicta visitur in cortina vnus ex
„caminis, amplae illius aulae castelli Montis-
„Argisi. Rex enim Carolus curauit, vt ibi illa
„depingeretur, quasi exemplum mirabilium
„Dei iudiciorum.

„Vir quidam nobilis erat, quem dicunt qui-
„dam fuisse ex Sagitariis nobilibus, qui custodiae
„Regii corporis aduigilabant, sed putauerim
„fuisse virum nobilem regiae aulae, vel quia
„aulam regiam frequentaret: nam historia latine
„scripta, unde haec exsumsi, Aulicum illum
„vocat, qui a quibusdam historiae scriptoribus
„appellatur Eques Macarius. Hic cum videret
„ex sodalibus quempiam, cui nomen ALBERI-
„CVS DE MONTE DESIDERII, gratia
„multum apud Regem valere, inuidia motus,
„insidias ipsi apparavit, et occasionem captans,
„tandem illum in Silva Bondia reperit, canem
„solummodo suum secum habentem, quem ca-
„nem quidem historiae scriptores, et nominatim
„AVDIGVERIVS dicunt fuisse vertagum: ar-
„reptaque ille occasione, vt scelestae inuidiae
„suae faceret satis, ipsum interfecit, et in ipsa
„silva humauit, congestaque terra operuit. In-
„deque abcessit; ad aulam regiam reuersus est
„nullam



„nullam mali speciem prae se ferens. Canis
„vero supra fossiam humati domini sui mansit,
„donec famis rabie concitante, Lutetiam venire
„coactus est, ubi tunc Rex erat, ut panem expe-
„teret ab amicis domini sui defuncti, et statim
„reuerterebatur ad locum ubi homicida ille ipsum
„deposuerat. Cum autem in eodem officio
„pergeret, quidam ex illis, qui canem euntem
„et redeuntem obseruabant, ululantem et dolen-
„tem, clamoribusque assiduis de amisso domino
„suo cruciatum animi significantem, ipsum in
„silvam redeuntem insequuti sunt, illumque
„euntem obseruantes, viderunt eum in loco illo
„gradum sistere et manere, ubi terra haud ita
„pridem mota et effossa fuerat; egestaque hu-
„mo, in cadauer defuncti inciderunt, quem
„honorifica sepultura dignati sunt, neque tamen
„quis scelerati homicidii autor esset, vel con-
„iectura assequi potuerunt. Canis vero ille
„cuiuspiam ex cognatis defuncti domini sese de-
„didit, quem cum pro more suo sequeretur,
„forte accidit ut in homicidam incideret, quem,
„ut primum videt, in medio nobilium sagittario-
„rum, statim vehementer aggreditur, insilit in
„collum eius, nihilque non egit, ut in eum
„dentes

„dentes infingeret, ipsumque strangularet, si vale-
„ret. Verberatur ille, pellitur, sed redit sem-
„per, et quia ne accedat arcetur, oblatrat sem-
„per, et procul minas intentat, ad illum con-
„uersus locum, quo se receperat homicida.
„Cum autem canis id ipsum praestare pergeret,
„et quoties vir ille in conspectum veniebat, in
„ipsum insilire tentaret, in suspicionem admissi
„sceleris venit homicida; canis quippe domino
„magis fidus et addictus, quam quivis servus
„fuiſſet, solum domini interfectorem impetebat,
„et ut defunctum ulcisceretur, nihil non agebat.
„Id nunciatur Regi CAROLO; aulici quidam
„principi referunt canis istius pertinaciam, quem
„iam nouerant pertinuisse ad nobilem illum vi-
„rum, qui interfectus et humatus repertus fuerat.
„Voluitque Rex canis motus et impetus suis
„oculis conspicere. Iubet adduci canem, nobi-
„lemque illum, qui in suspicionem venerat, in
„medio eorum, qui magno numero aderant, se-
„se occultare. Tunc canis consueto more ho-
„micidam furens inter omnes alios aggressus est,
„et quasi Regis praesentia fultus, cum maiori
„violentia et rabie in illum insiliit et vlulatu
„maximo quasi vindictam expetere, et sapientis
„Regis



„Regis iustitiam implorare videbatur. Et certe
„impetravit optatum. Cum enim res mira, et
„stupenda CAROLO Regi videretur, et aliun-
„de quaedam indicia facti suppeterent, nobilem
„illum virum evocari iussit, diligenterque scisci-
„tatus ab illo est, ut rei veritatem edisceret, cuius
„argumenta erant, tum rumor ille publicus, tum
„canis illius impetus et ululatus, qui tot crimina-
„tiones esse videbantur. Verum pudor et ex-
„tremi supplicii metus, ita reum ad rem negan-
„dam pertinacem reddidit, ut Rex tandem iube-
„re coactus sit, canis eiulatum, et querelam no-
„bilisque illius viri in negando pertinaciam per
„singulare certamen dirimi oportere, cuius exitu
„Deus rei veritatem patefaceret. Ambo itaque
„postea in campum, velut duo pugnatore in-
„ducti sunt, praesente Rege et aulicis omnibus.
„Vir ille nobilis gravi baculo armatus prodiit;
„canis vero non alia, quam quae natura sibi sub-
„ministraverat, arma attulit; sed dolium vtrin-
„que pertusum in campo positum fuit, ut in
„ipsum canis receptum habere posset, si quando
„in certamine defatigatus, respirare vellet, et
„postea ad pugnam redire. Vbi primum canis
„in campo constitutus est, non expectavit se
„aggre-



„aggredientem; sed, ac si gnarus fuisset, sui officii
„esse, vtpote pugnam petentis, certamen inire,
„et hostem aggredi, prior irruit in illum; sed
„gravis ille baculus vel vno ictu poterat canem
„maclare, quapropter ille circum hostem currit,
„opportunum obseruans insiliendi momentum;
„occasionem tandem nactus, in guttur inimici
„sui sese iniecit, infixisque dentibus tam forti-
„ter apprehendit, vt in terram decuteret. Tunc
„ille regis misericordiam implorat, rogatque
„amoueri canem, se omnia declaraturum esse
„pollicens. Tum, qui ad hoc deputati erant,
„canem amouerunt. Iudices autem, iubente
„Rege. accedunt. Vir ille nobilis, praesentibus
„omnibus fatetur: se socium suum occidisse; id-
„que nemine praesente, sed astante solum cane,
„a quo se nunc victum fatebatur. In historia
„narratur illum dedisse poenas; sed non dicitur
„quo mortis genere plexus fuerit? Si canis ille
„tempore veterum Graecorum vixisset, Athenae
„cum florerent, publico deinde cibo pastus fuif-
„set, cadauerque ipsius potiori iure sepultum
„fuisset, quam corpus canis XANTIPPI.,



MONUMENTVM XLVII.
XLVIII. XLIX.

*Callida, sed malitiosa, pacti
interpretatio.*

Ait PAVLVS: *) *Contra legem facit, qui id facit quod lex prohibet: In fraudem vero, qui saluis verbis legis sententiam eius circumuenit. Eadem imperatorum THEODOSII ET VALENTINIANI sententia: **)* *Non dubium est, in legem committere eum, qui verba legis amplexus, contra legis nititur voluntatem. Hanc callidam, sed malitiosam, iuris pactorumve interpretationem vocat CICE-RO. Pactis quippe, atque foederibus etiam, talis verborum fraus interdum adhibita. Thra-ces quondam, cum triginta dierum pacti essent indu-*


*) L. 29. ff. de legibus.

**) L. 5. G. de legibus.



XLIX.







inducias, noctu populabantur Boeotiorum agros, quod dierum, non noctium, induciae essent promissae; et Q. FABIVS LABEO, cum regi ANTIOCHO, quem bello superaverat, dimidiam partem navium se redditurum esse promississet, omnes medias dissecuit, ut eum tota classe priuaret. Haec tribus nummis praefari placuit, in quibus TARPEIA virgo, Sabinorum calliditate circumuenta et scutis oppressa, suae perfidiae poenam luit. Nempe in illo ROMVLI cum Sabinis bello, arcis custodiam TARPEIVS habebat. Huius filia, se castellum prodituram hostibus promisit, si horum rex TATIVS in matrimonium duceret, milites vero, quod in laeva gererent, dare vellent. Aureas nempe argenteasque armillas intelligebat. Illi vero, facta proditione, ingeniose sed fraudulenter se promisso exsoluerunt, scuta, quae in sinistra gerebant, super illam iacentes, quibus oppressa misere periit.

At Tatius, (neque enim sceleri dedit hostis honorem)

Nube, ait, et regni scande cubile mei.

Dixit, et ingestis comitum super obruit armis,

*Haec virgo officiis dos erat apta tuis. *)*

Ille

*) Propertius lib. 4. eleg. 4.



Illa vero in nummis capita TITI TATII Sabinorum regis sunt. Adscriptae litterae A, PV. *Argento Publico* legendae. Nummos signavit L. TITVRIVS SABINVS. Non mirum ergo, virginis Tarpeiae imaginem in nummo expressam fuisse: *Titus*, inquit VALERIVS MAXIMVS, *) *e Sabino nomine TITVRIO fluxit.* Eandem ob rationem, in monumento septimo TVRPILLIANVS hoc signo vsus est, ad demonstrandam suam originem. Erat enim gens Petronia, ex qua TVRPILLIANVS, e Sabinis oriunda. Ipse autem, ut inscriptio docet, auro, argento, aere flando et feriundo triumvir fuit, sub imperio IVLII CAESARIS.

FINIS LIBRI I.

CAR O-

*) Valer. Max. in libro de nominum ratione.

CAROLI FERD. HOMMELII
IVRISPRVDENTIA
NVMISMATIBVS

ILLVSTRATA

NEC NON


SIGILLIS GEMMIS

ALIISQVE

PICTVRIS VETVSTIS

VARIE EXORNATA.

LIBER SECVNDVS.





MONUMENTVM L.

De Aquila Imperii bicipite.

THEODORI LASCARIS, qui cum Fran-
ci et Veneti, capta anno MCCIV. Con-
stantinopoli, ALEXIVM DVCAM Tyrannum
abegissent, Imperator Graeciae a clero Nicaeae
coronatus ac inter varia rerum discrimina, postea-
quam annos octodecim regnasset, anno MCCXXII.
mortuus est, numisma vides, ob aquilam bicipitem
in clypeis, super quibus stat, memorabile. Prima
area CHRISTVM laeva librum Evangeliorum
tenentem nimboque insignem exhibet, altera im-
peratorem, qui dextra crucem, sinistra libellos, aut
quod vero similius, mappam complicatam gerit,
ac simili nimbo se diuum vius fecit. Circum
verba scripta: ΘΕΟΔΩΡΟΣ ΒΑΣΗΛΕΥΣ
ΚΑΙ ΑΥΤΟΚΡΑΤΩΡ ΡΟΜΑΙΩΝ ΛΑΣΚΑΡΙΣ.
Clypeos, quibus insitit cum primo adspexissem,
iis putabam victoriâ designari de Latinis, cum



quibus variis proeliis conflixit, reportatam; animaduertens autem iis temporibus occidentales imperatores bicipite aquila nondum usos esse, hæc mihi nunc potius Graecorum et ipsius LASCARIS imperatoris insignia videntur.

Quando autem et quare imperatores Germanici aquilam bicipitem in numismata sua sigillaque receperint? non una est doctorum virorum sententia. IOH. PETRVS LVDEVIGIVS, qui ubique nihil, nisi Brandenburgica videt, coniecturas de his insignibus novas protulit, *) a TREVERO **) et SEELANDRO ***) satis refutatas. Existimat nempe CAROLVM IV. primum hoc insigni usum esse, posteaquam Marchiam Brandenburgicam emisset. Marchiones autem Brandenburgicos iam seculo XII. bicipitem aquilam in clypeis gessisse. Falsum autem, quod

*) de Ludewig observatio de Brandenburgica aquila bicipite, Imperialis auctore et origine, quae extat in Tom. 7. Reliqq. MSS. num. 6.


**) Treueri disp. de vera aquilae bicipitis imperii R. G. origine. Helmst. 1726.

***) Seelaender zehen Schriften von teutschen Münzen p. 26. epistola quinta quae inscribitur: Gedanken über alte Münzen mit dem zweykopfigen Adler und dessen Ursprung.



L.







quod de CAROLO IV. prodit. Nam vt de supposititiis et adulterinis priorum imperatorum nummis atque sigillis nihil dicamus, certum est et plane indubitatum, iam LVDOVICVM BAVARVM binis capitibus imperii aquilam ornaſſe. Mittamus ergo haec ſomnia, et potius, quid caeteri de eius origine ſenſerint, breuiter exponamus.

Plerique hoc inſigni diuiſum a CONSTANTINO MAGNO imperium denotari arbitrantur. *) Fuerunt deinde qui vnā aquilam regnum Germanicum, alteram imperium Romanum indicare, adeoque ab eo tempore, quo OTTO Magnus vtrumque regnum ſociauerit et priſtinam maiestatem renouauerit, vnā aquila Germanos non contentos fuiſſe crederent. **) Magnum huic opinioni acceſſurum pondus erat, ſi vera eſſent, quae WECKIUS in Chronico Dresdenſi ***) ex ſigillis ſibi animaduertere viſus eſt, nempe reges Germanicos ante expeditionem Romanam ſimplici, ſi vero Romae a pontifice
dia.

*) Spener oper. Herald. Part. 2. lib. 1. §. 8.

**) Struuius Syntagm. Iur. Publ. cap. 8. §. 40.

***) Weck, Dresden. Chronik. p. 23.



diadema acceperant, tunc demum duplici aquila usos esse, quod nescio tamen, an satis probauerit?

Nostram denique si sententiam requiras, ut multis aliis in rebus, sic etiam hac in re Latinos imperatores imitatos fuisse Graecos, existimaue-
rim, cum praesens nummus, quem CANGIO debemus, genuinus et probus, luculenter probet, primum ab imperatoribus Graecis aquilae, veteri Romanorum signo, caput fissum, adeoque orientalis prius, quam occidentalis, imperii hoc signum fuisse, quod pluribus monumentis CANGIVS, in disputatione de Inferioris aevi numismatibus, extra dubitationis aleam posuit.



MONV-

*) Du Fresne infer, aevi numismat. num. XI. pag. 8.



MONVMENTVM LI.

*De Reliquis abolitis; item
de Nouis Tabulis.*

QUAM, VT DIO CASSIVS scribit, primus
HADRIANVS liberalitatem exhibuit,
vt *Reliqua* debitoribus fisci remitteret, eam
HONORIVS quoque imitatus, cuius in codice
Theodosiano haec superest constitutio: *) *Omni-
um titulorum - - - reliqua concedimus. Atque vt
ipsa memoria Reliquorum interdicat, chartas
omnes - - - quibus debitorum nomina et debita
continentur, undique in medium congregatas palam
flammis iubemus aboleri.* Praeter hanc, etiam
aliae VALENTINIANI TERTII, MAR-
CIANI et MAIORANI in ultimo Codicis
Theodosiani volumine extant Nouellae *de Indul-
gentiis Reliquorum.* Sunt autem Reliqua tributa,
quorum

*) L. 3. C. Theod. de indulgentiis debitorum.




quorum iam dies venit, aerario siue fisco nondum soluta, quae et residua dixeris. *L. 32. L. 81. ff. de condit. et demonstrat. L. 3. C. de susceptor.* Hoc vel ex titulo Codicis Iustiniani intelligitur, qui ita habet: *Sine censu vel Reliquis fundum comparari non posse.* Reliquari autem vel reliqua trahere dicuntur, qui ex reliquis fisco obnoxii sunt. *L. 24. ff. ad municipal. L. 46. pr. ff. de administrat. et peric. tutor. L. 44. §. 1. ff. eod.*

His expositis ad pulcherrimum HADRIANUM nummum oculos conuertamus, in quo licitor laeua fasces, dextra facem tenens in solo flammam excitat, cui HADRIANVS librum censualem, quem in manu habet, immissurus est. Verba superius scripta ita legenda: RELIQUA VETERA SESTERTIVM NOVIES MILLIES ABOLITA. Ut autem laudabilis est et gloriosa reliquorum abolitio, ita, quae turbulentis reipublicae temporibus a seditiosis tribunis propositae fuerunt, leges de novis tabulis improbae et infames. Nam sua quidem remittere unicuique licet; sed de aliorum bonis aliquid dopare iniustum. Sunt novae scilicet tabulae, cum nexis siue obaeratis debita per legem remittuntur, eamque ob causam mensariis rationum tabulae

LI.

ad pag. 140.








bulae extorquentur, quarum vna pagina accepta, altera expensa continebat. Nonne autem vides has de nouis tabulis leges labefactare reipublicae fundamenta, cum pecunias creditas in summa necessitate et imminente secessionis periculo condonant, et fidem publicam tollunt? Alia ergo reliquorum condonatio, alia lex de nouis tabulis, qua publice eripitur ciuibus, quod ipsis priuatim debetur.




MONUMENTVM LII.

Lex Didia de poenis militum.

De milite irreuerente MACER iure consultus in L. 13. §. 4. ff. de re milit. ita ait: *Eum, qui centurioni castigari se volenti restiterit, veteres notauerunt: si vitem tenuit, militiam mutat: si ex industria fregit vel manum centurioni intulit, capite punitur.* Militiam mutare est gradu pelli, vt: cum equites in pedites, hi autem in funditorum auxilia transcribuntur. Quam pulchre haec, ad primam speciem, nummo expressa! Sane BEGER, PATINVS et VAILLANTIVS, quibus eum debeo, sibi centurionem animaduertere visi sunt, qui vite in militem animaduertat, imo quidam hoc argumento vtuntur, ad comminiscendam Legem Didiam, nescio quam, de disciplina castrorum aut poenis militum. At iocularis profecto disciplina, militem quasi reperiessurum etiam clypeo se





se armare et hoc ipso tempore, quo plagas subire debet, fulsem aut ensem contra centurionem tollere. Equidem ex PLINIO *) bene memini, centurionis in manu vitem fuisse, noui etiam hoc IUVENALIS:

*Nodosam postharc frangebat vertice vitem,
Si lentus pigra muniret castra dolabra, **)*

et pro centurionatu vitem poni, apud IUVENALEM: *Vitem posce libello, ***)* hoc est: pete, ut centurio fias, imo apud OVIDIUM:****)

Dux bonus huic centum commisit vite regendos.

Neque tamen haec omnia me mouent, ut de re militari legem in hoc monumento agnoscam. Quis enim, in nudos vite animaduersum fuisse, sibi persuadeat, aut oculis adeo captus sit, ut vitem credat, quae horribile potius flagellum est. Video pugnantis, non vero plagas accipientis, statum. Quae cum ita se habeant, in-

vitus

*) Plin. Hist. Nat. lib. XIV. c. 1.

**) Iuven. Sat. 8. v. 247.

***) Iuven. Sat. 14. v. 193.

****) Ovid. de arte am. lib. 3. v. 527.



vitus licet ego hoc monumentum dimittam et
 nobis euinci aegre patiar, tamen, quoniam vera
 gratis antepone debemus, alia ratione inter-
 pretari audeo. Nempe, qui sine veste pugnat,
 servus est; hos enim plerumque nudos pingere
 solebant veteres. Quoniam vero **DEIDIORVM**
 aetas in servilis belli tempora fere incidit, qui-
 bus in Sicilia, ergastulis effractis, mancipia ca-
 tenas excutiebant, probabilius hunc nummum
 ad servile bellum referas. Siue enim **TITVM**
DEIDIVM Sexti filium, siue **TITVM DEI-**
DIVM prioris **TITI** filium putes, illum,
 temporibus quo **PERPENNA**, hunc autem,
 quo **MAN. AQUILIVS** servos in Sicilia per-
 domuit, vixisse novimus. **) In huius rei
 memoriam a **DEIDIO**, ut ego malim, patre,
 qui cum tribunus plebis esset, illam celeberrimam
 de luxu coercendo Sumtuariam legem per-
 tulit, quam a filio cufum numisma, atque hoc
 historiam non quidem Romanam, attamen ce-
 lebratissimam apud veteres denotare, existima-
 verim, eam scilicet quam Epitomator **TROGI**
 memo-

*) Annacus Florus lib. 3. c. 19.

memoriae consecrauit: **) *Scythae tertia expeditione Afiana, cum annis octo a coniugibus et liberis abfuissent, servili bello domi excipiuntur. Quippe coniuges eorum longa expectatione viro- rum fessae, nec iam teneri bello, sed deletos ratae, servis ad custodiam pecorum relictis nubunt: qui reuersos cum victoria dominos, velut aduenas armati finibus prohibent. Quibus cum varia victoria fuisset, admonentur Scythae, mutare genus pugnae, memores non cum hostibus, sed cum ser- vis, praeliandum, nec armorum, sed domino- rum jure vincendos: verbera in aciem, non arma adferenda: omissoque ferro virgas ac FLAGEL- LA caeteraque servilis metus paranda instru- menta. Probato omnes consilio, instructi, sicut praeceptum erat, postquam ad hostem accessere, inopinantibus verbera tentant, adeoque illos per- culerunt, ut, quos ferro non poterant, metu verberum vincerent, fugamque, non ut hostes victi, sed ut fugitivi serui, capefferent. Qui- cunque capi potuerunt, supplicia crucibus luerunt. Ad hanc in primis historiam DIDIVM allu- dere,*

*) Iustinus lib. 2. cap. 5.



dere, non dubitauerim. Altera nummi parte
caput deae Romae exhibetur, vt adscriptum
monogramma docet. Infra denarii nota.
Haec cum scripsissem et forte cum amico anti-
quitatum consultissimo de ea re differuissem, ille:
se iam apud P I G H I V M appropinquantem meae
interpretationi sententiam sibi videri legisse.
Mihi vero vrgentibus operis et prelo currente
opportunitas deerat, librum evoluere et, vtrum
amicus vera dixerit? inquirere.

MONUMENTVM LIII.

Consacramentalium iurandi ritus.

Quaerenti mihi, multumque et diu cogitanti, quid esset, cur iusiurandum maiores nostri praeter necessitatem multiplicare consueverint, fere in mentem veniebat suspicio, diffidendum esse fabulis vetustis per manus posteritati traditis: Septentrionis gentes fraudis atque fallaciarum ignaras, nec ullos mortalium fide ante Germanos esse; parumque aberat, quin crederem vera dixisse SALVIANVM: *) *Num quid accusabilis Francorum perfidia? Si peteret Francus, quid novi faciet, qui periurium ipsum sermonis genus putat esse, non criminis, et alio loco: **)* Gothorum gens perfida, sed pudica

*) Salvian, de Gubernat. dei. lib. 4.


**) Salvian. ibid. lib. 7.


prudica est; Franci mendaces, Iam ante hunc
 VELLEIVS PATERCVLVVS Germanos in
 summa feritate versutissimos et natum menda-
 cio genus dixit, imo in ipsis capitularibus *)
 regum Francorum legimus, esse inter eos, *qui*
periurare pro nibilo ducant, in tantum, ut pro
vnus diei satietate, aut pro quolibet paruo pretio
ad iuramentum conduci possint. Quid mirum
 igitur, si iudex non quoslibet testes, sed lo-
 cupletes tantum, qui essent reo statu et digni-
 tate pares, admisit, deinde petitori reoue-
 ius suum iureiurando, aut suppletorio aut pur-
 gatorio, asserenti non crediderit soli, sed ut
mettertium, interdum vero septima, duode-
 cima, trigesima sexta, imo centesima manu ju-
 raret, ab eo exegerit. IVTHAM, vxorem
 imperatoris Arnulphi, adulterii accusatam, tra-
 ditum est, se ab hoc crimine per sacramentum
 purgasse, LXXII. nobilibus cum ipsa simul iu-
 rantibus. *) Hic mos Germanorum in Italiam

et

*) Capitul. Addit. 3. cap. 88. in Georgisch Corp. Iur. Germ.
 p. 1782.

**) Annal. Fuld. ad an. 898. apud Freher, T. I. p. 68.





et ipsum jus pontificium *) migravit. *Can. 17. caus. 2. qu. 5. Can. 2. caus. 33. qu. 1. Can. 28. caus. 27. qu. 2. Cap. 5. et 7. X. de frigid. et malef. Cap. 5. 8. et 9. X. de purgat. can. Cap. 13. X. de Simon. Cap. 10. X. de accus.* Neque tamen iuratores illi aut sacramentales, uti appellabantur, vera esse, sed tantum: se vera credere iurabant ea, quae principalis dixisset. Frequens horum in iure Longobardorum clientelari **) mentio, et in legibus Alemannorum, quae quidem accuratissime his verbis rem exponunt: ***) *Ista Sacramenta debent esse iurata, ut illi iuratores manus suas super capsam ponant et ille solus, cui causa requiritur, verba tantum dicat, et super omnium manus manum suam ponat, ut sic illi Deus adiuvet vel illae reliquiae.* Mos apud Saxones, quem praefens monumentum monstrat ab illo Alemannorum paulo diuersus. Debemus illud GRYPENIO, cuius

*) Programina nostrum anno 1755. scriptum: *de iure canonico ex legibus Germanicis explicando,*

**) I. Feud. 4. §. 2. I. F. 10. I. F. 26. §. 1. I. F. 28. II. F. 33. II. F. 41.

**) LL. Aleman. tit. 6, §. 7.



cuius Codex Picturatus *) hanc tabulam afferuat. Nempe, ut nobis videtur, (paulo enim aliter ipse GRYPENIUS explicat) hic tertium, hoc est tertia manu, iuratur. Qui capfam tenet, in qua diuorum reliquiae, ipse principalis est, duo reliqui Consacramentales. Ita enim appellabantur amici iurantis, ab ipso in sacramento societatem adducti. Miror illum duos, hos vnum tantummodo digitum attollere. Furca stramen continens fundum, de quo iuratur, seu rem aliam in iudicium deductam videtur denotare. Iudex corona cinctus, qualem comites gestare solebant, nempe lamina rotunda, supra quam tres cuspides excurrunt.**) Quid autem illa tergo enascens et porrecta sine corpore manus? Ni fallor, hoc signo ipsum iudicium siue *Mallus* indicatur, germanice *Handgemat*, cuius signi WICHILDVM Magdeburgense, articulo trigesimo tertio, mentionem facit, quo loco Glossator addit: *Vnd heist darum*

*) Gruppen Teutsche Alterthümer p. 60.

**) Spener Opus Herald. Part. Gener. cap. 6. p. 323. Trieri Wappen - Kunst, cap. 12. p. 195.



darum sein HANDMAL, das er oder seine Eltern mit der HAND da auf den heiligen geschworen haben, und das er noch sein HANDZEICHEN hab an dem Schöppensuel; vnde HALTAUSIVS in Glossario ita definit: *Hadgemal in jure vetere Saxonico dicitur forum cuiusque competens.*



MONUMENTVM LIV.

*Numa Pompilius populo
Romano leges pro-
ponit.*


Tam scite et affabre facta DASSIERO-
RVM, quos nostra aetas elegantissimos
admiratur nummorum fabros, opera, vt non du-
bitem vnum illorum nummum vetustis admiscere.
NUMAM POMPILIVM prima habet, auersa
autem gallicam subscriptionem huius sententiae:
NUMA DAT LEGES ROMANIS ANNO
ROMAE XXXIX. Supra eam, res ipsa for-
mata tanto studio, vt etiam Graecorum curam
et diligentiam vincere videatur. Inest tamen
vitium familiare sculptoribus fere omnibus, meo
tamen iudicio facile condonandum, vt quem-
admodum et poetae solent, meliorem rerum
faciem atque potissimum eam proponant, qua
vulgo notiores sunt. Quis e longinquo
emi-

ad pag 152.



LIV.





eminens capitolium in hoc regis Pompilii nummo ferat, cum TARQVINIVM SVPERBVM illud demum in monte Tarpejo perfecisse, notum sit. Tanta aedium et columnarum maiestas, si velis subtilius dijudicare, primis reipublicae exordiis parum convenit, quibus moenia saltu superabantur et pro domibus tuguria erant.

*Tunc populus pauper, tunc nova Roma fuit.
Tunc casa Martigenam capiebat parva Quirinum.
Iupiter angusta vix totus stabat in aede;
Inque Iouis dextra scitile fulmen erat. *)*

MONV.

*) Ovid. Fast. lib. I. v. 198.



MONUMENTVM LV.
LVI. LVII.

Trium liberorum honor.

Quae lege Papia Poppaea trium liberorum parentibus data fuerunt, praemia nos dubitare non sinunt, summam Romae fuisse liberorum raritatem, cuius mihi causas inuestiganti, non vnae sed plures apparuerunt, iunctae efficientes, quod singulae non valuissent. Terrēbat potissimum viros, et auocabat a connubio mulierum luxus, quae collum auro, margaritis crines onerabant, et tota patrimonia appendebant auribus, vt mirum non sit, coelibatum ciues legitimo matrimonio praetulisse, in primis cum concubinas alere et naturales educare liberos, infamiam non haberet. Qui vero matrimonium iniissent, ne sic quidem liberos tollere, sed exponere eos sanguinolentos, immo lenonibus vendere solebant. Praeterea Romanae mulieres non admodum foecundae, si quidem iam alii obser-



LV.




IVI.



LVI.







obseruârunt, gelidas sub septentrionibus regiones
calidis fertiliores esse in hominibus procreandis.
An nescis Germaniam vaginam gentium dictam,
Hispaniam vero atque Italiam hominum prouentu
steriliorem visam? Quid? nuptae etiam, quibus
parere licuisset, puellae, ne forma quid detri-
menti caperet gracilis, aut protuberans venter
decus minueret, abortum procurabant, quod
crimen leuiter coercitum. *L. 4. ff. de extraord-
crimin. L. 8. ff. ad L. Cornel. de sicar. et venef.*
Credo eas, Stoicorum placita amplexas, foetum
in vtero non animal, sed cum PLVTARCHO *)
plantam, *L. 9. ff. ad L. Falcid. spem animalis*
L. 2. ff. de mort. infer. et mulieris portionem
vel viscerum, L. 1. §. 1. ff. de ventre inspic.
neque ergo nefas putasse, herbis atque venenis
abigere, plangente OVIDIO: **)

*Nunc uterum vitiat, quae vult formosa videri,
Raraque in hoc aeuo est, quae velit esse parens.*

Hinc tanta liberorum apud Romanos penuria,
vt tres liberi multitudo viderentur praemiis ideo
hono-

*) Plutarchus lib. 5. de placitis philos. c. 15.

**) Ovid, in Elegia quae Nux inscribitur vers. 23.



honoranda, quia sobolem procreari et repleri civitatem liberis publice interest. *L. 1. ff. solut. matrim.* Inter varios trium liberorum honores etiam ille, ut a tutela caeterisque muneribus parentes excusarentur, *L. 2. §. 1. et 2. L. ult. ff. de vacat. et excus. mun.* modo liberi superstites essent. Atamen in bello amissi proderant, quoniam, ut Imperator IUSTINIANVS *) ait, *qui pro republica ceciderunt, in perpetuum, per gloriam, vivere intelliguntur.* Verus hoc dictatum neque a Iustiniano excogitatum esse, versus PLAUTI **) indicio sunt:

TY. *Qui per virtutem peritat, non interit.*

HE. *Vel te interisse, vel perisse praedicent,
Dum pereas, nihil interduo, dicant vivere.*

Vt autem trium liberorum parentes honoravit, sic inter caeteras orbitatis et caelibatus poenas lex Papia Poppaea etiam hoc, ne quid ex testamento caperet, qui uxorem non duxisset, aut orbus esset, statuit. Quam ob causam Diis etiam

*) Princ. Inst. de excusat.

**) Plaut. Captiv. act. 3. scen. 5. v. 32.



etiam ius trium liberorum, ut templis eorum legari et numina heredes scribi possent, immo; quod fere ridiculum, ius trium liberorum virginibus etiam dederunt Vestalibus. Sed et vendere solebant imperatores hoc priuilegium et, quibus bene velient, donare. Sic MARTIALIS *) a DOMITIANO sibi ius trium liberorum expetit pro munere:

Quod natura vetat fieri, permitte videri,

Natorum genitor ut dicar esse trium.

Haec, si displicui, fuerint solatia nobis;

Haec fuerint nobis praemia, si placui.

Et PAVLVS libro quarto sententiarum titulo nono ait: *Ius liberorum mater habet, quae tres filios aut habet, aut habuit, aut neque habet neque habuit. Habet cui supersunt. Habuit, quae amisit. Neque habet neque habuit, quae BENEFICIO PRINCIPIS ius liberorum consecuta est.* Loquitur PAVLVS de SCto Tertulliano. Hoc non requirebat ut liberi superstites essent, sed hoc tantum, ut mater ter quaterue

*) Martialis lib. 2. epigr. 94.



ne peperisset. Fallor, aut haec ipsa, quam demonstrauimus, liberorum raritas frequentium apud Romanos adoptionum causa. Apud nostros illae parum vsitatae. Quibus enim natura liberos dedit, illis arte non opus est et fictionibus. Nec alia ratio, quare tanta apud Romanos testamentorum, quae nostri maiores ignorabant, copia esset. Raro enim, qui suos heredes habent, testari solent, cum hoc orbis potius solatium videatur. Hinc in Germania *heredes successores sui cuique liberi*, vt TACITVS *) ait, *et nullum testamentum*. Cum autem M. PAPIVS et Q. POPPAEVS, qui legem tulerunt, consules, ipsi, vt DIO CASSIVS **) refert, caelibes essent vterque et orbi, facile colligitur, trium liberorum praemia et caelibatus poenas hos non sua voluntate irrogasse, sed OCTAVI AVGVSTI CAESARIS iussu atque instinctu.

Videmur autem nobis de liberorum apud Romanos penuria et mulierum sterilitate satis abunde

*) Tacitus de morib. Germ. cap. 20.

**) Dio Cassius lib. 56.



abunde dixisse, quae tanta quidem fuit, ut gemini nati fere prodigio essent. Sane TIBERIVS imperator, cum GERMANICI soror, DRUSO nupta, duos virilis sexus pueros simul enixa esset, publice in oratione ad senatum habita et paulo insolentius iactavit: *Nulli antea Romanorum, eiusdem fastigii viro, geminam stirpem editam*, ut TACITVS *) refert, qui huiusmodi foecunditatem *raram lactamque, etiam modicis penatibus* appellat. Quid mirum ergo si in monumento LV. in FAVSTINAE Iunioris, (quae PII ANTONINI filia MARCI ANTONINI vxor) honorem cuso, haec rara SAECVLI FELICITAS appareat, qua MARCO marito gemellos peperit, auctore LAMPRIDIO, qui *Commodum ait natum cum fratre Antonino gemino*. Fuit autem haec foecundissima inter Augustas Italiae, utpote non trium sed septem liberorum mater.

LVGIL-

*) Tacit. lib. 2. Annal. cap. 84.



LVCILLAM, vxorem L. VERI imperato-
ris, licet tantum filius eius et filia a scripto-
ribus commemoretur, tamen tres habuisse li-
beros hoc numisma docet, cui inscriptum:
FECVNDITAS. Senatus consulto hunc num-
mi honorem LVCILLAE decretum esse,
litterae S. C. vel me tacente, loquuntur.




MONVMENTVM LVIII.
LIX. LX.


*Summum Pontificis judi-
cium cur Rota di-
catur?*

Sciscitanti mihi ex CANGIO, cur summum,
in quo a duodecim Auditoribus, ita scilicet
assessores vocari solent, lites maximi momenti
dirimuntur, Romae constitutum iudicium *Rota*
dicatur? responsum fero: „Nomen accepisse
„ex camerae pavimento, ex marmore Porphy-
„retico rotae figuram efformante, atque GOL-
„DASTVM libro secundo Rerum Alemannicarum
„pag. quinta scribere: *Rath* Germanis cameram
„significare, hincque *Rotvilam* oppidum Helue-
„tiorum appellatum, quod in eo esset camera
„iudiciorum imperialium, quae postea Spiram
„translata est., Fateor, aliquid GOLDASTVM
L ex



ex vero vidisse, neque tamen ille ad primam
 verbi originem et potestatem penetrauit, quam
 deinde exposituri sumus, si prius VESTRII
 Romani iurisperiti, qui Seculo XVI. vixit
 verba attulerimus. *Rotae auditores*, inquit,
vulgo appellantur propterea, quod, vt auguror, in or-
bem sedentes controuersias rotant atque examinant.
 Nihil autem verius esse puto, quam Germanos
 veteres de re quadam consultaturos, more etiam
 Iudaeis in Synedrio vsitato et fere naturali, in
 circulum confedissee, qui nostra in lingua *Rad* di-
 citur. Miror id WÄCHTERVM ET HALTAV-
 SIVM latuisse, qui in suis Glossariis alios verbi
Rathen fontes quaerunt. Sed res plane mani-
 festa est. Nempe cum circulum et orbem quem-
 libet maiores nostri, vt diximus, rotam appella-
 uerint, facile intelligitur, cur *Rad* confessum in
 concilijs denotet; quod verbum, mutata deinde
 orthographia, nunc *Rath* et *Rathen* ex ignorantia
 scribimus. Adhuc hodie vulgari sermone dicere
 solemus: *Zu Rade geben*, quae locutio proprie
 significat: in rotam et ad circulum ire, metony-
 mice autem *consulere*. Vt vero primam Gothi,
 postea Longobardi suam linguam, suas consuetu-
 dines et iura apportarunt in Italiam, imo vestium
 formas







formas novas Romanis dederunt, nam ex Roma togata fecerunt braccatam: ita plane mihi persuadeo, hoc Italogum verbum Rota non quidem Teutonicum esse, cum littera *o* in verbo *Rad* non obveniat, sed littera *a* radicalis et plane necessaria sit (siquidem *Rot*, *Rotten*, *Roth*, res alias significat, adeoque *Rad* in Rota, vt GOLDASTVS vult, commutari non potuit) attamen per soloecismum factum esse, vt, ad similitudinem nostrae linguae, Itali iudicum coronam Rotam dicerent. Nec puto cuiquam haec incredibilia aut ambigua fore, qui Prolusionem nostram *) *De iure canonico ex legibus Germanicis explicando* perlecturus sit.

Sed cum oculi plus, quam aures, creduli sint, adspiciamus primo pavimentum illud Porphyreticum, quod supra CANGIVS nominabat, Delineauimus hoc ex DOMINICI BERNINI *Tribunali Rotae Romanae*, libro Italice scripto, qui in vetusta tabellarii Rotalis membrana ita depictum invenit. Deinde etiam figilla

*) Programma Lipsiae anno 1755. editum.



figilla iudicum huius tribunalis coronam hominum exhibent. Vetustiori inscriptum: APOSTOLICI COLLEGII AUDITORVM SACRI PALACII. Recentius autem atque minus haec verba monstrat: COLLEGII AUDITOR. SACRI PAL. APOSTOLIC.


LIX.

ad pag. 164.



LX.





MGNVMENTVM LXI.

De titulo Imperatoris: semper Augustus.

In glorioso IUSTINIANI titulo: *Pius, Felix, Inclytus, Victor ac Triumphator, semper Augustus*, quaecunque demum verbo originem ac potestatem tribuas, tamen, quid SEMPER AVGVSTVS significet? credo obscurum fore. Mihi autem adhuc adolescenti haec adeo inepta videbantur, ut non solum maiorum nostrorum inscitiam riderem, qui in lingua Germanica *Mehrer des Reichs*, hoc est *Ampliatores* eos quoque imperatores appellarunt, qui imperii bona diminuisent, verum etiam viderer mihi vetustiorum hominum turpem errorem animadvertisse, utpote qui vitiosa distinctione legerint: *Victor ac triumphator, semper augustus*, cum potius, quae tunc mea coniectura erat, hoc modo vocabula distinguere debuissent: *Victor ac triumphator semper, Augustus*. Neque me vetustae apud



GRVTERVM lapidum inscriptiones, in quarum una Valentinianus: PERPETVVS AC FELIX SEMPER AVGVSTVS, in altera Valentinianus, Valens et Gratianus PERPETVI PII FELICES SEMPER AVGVSTI dicuntur, ab hac concepta opinione dñnouebant, siquidem etiam in his comma post verbum *semper* constitui possit, contra vero auimum hæc cogitantem maximopere præfens numisma confirmabat, in quo non solum AVRELIVS PROBVS VICTORIOSVS SEMPER dicitur, verum etiam particula *semper*, præmitti consueta nomini postponitur. Præterea laeta nūhi et fautrix fortuna apud BANDVRIVM *) offerebat alium nummum VALERII CONSTANTII cum epigraphæ: *Vndique Victores* et LICINI, quendam admodum fauorabilem, utpote inscriptum: *Vbique Victores*. **) Utinam vero magis diuturna fuisset speciosæ, ut videbatur, inventionis lætitia! sed ohe primum Graeci eam turbabant, qui IVSTINIANVM *ἀντιστῆσαν* dixere, ***) deinde etiam inde speratam gloriam nummi

*) Bandurii Numismata Imp. T. II, pag. 90. et 215.

**) Bandur. ibid. p. 180. et 182.


***) Nouell. 17.

ad p. 166.



LXI.







nunimi potissimum eripiebant, in quibus frequens *Perpetui Augusti* elogium, *) vt iam, turbae me immiscens vulgari, nihil plane in recepta lectione innouandum existimem, eos tamen nihilo minus ineptos iudicem, qui ab augendo hoc nomen repetunt, cum potius diuina et sancta Romani *Augusta* dixerint. Testis huius rei FLORVS, qui ita commentatur: **) *Tractatum etiam in senatu, an, quia Octavius condidisset imperium, Romulus vocaretur? sed sanctius et reuerentius visum est nomen AVGVSTI, vt scilicet iam tum, dum colit terras, ipso nomine et titulo consecraretur.* Rectius ergo Graeci adorandos, quam Germani amplificatores, Augustos dixere.

MONV-

*) Bandur. T. II. p. 369. 370. 372.

**) Florus lib. 4. c. 12.



MONVM. LXII. LXIII. LXIV.
LXV. LXVI. LXVII.

Insignia Romanorum lo- quentia.

Si picta familiarum insignia nomini alludant, ea Heraldici, siue insignium interpretes, *arma loquentia* dixere. Huius generis hodie fere innumera, sed in vetustis etiam Romanorum familiis illa obseruasse, iucundum.

Cum HERODOTVS tradat, Cares primos coepisse signa clypeis galeisque adiungere, iam olim insignia familiarum, eodem modo quo in nostra lingua *) fieri solet, *Arma* a VIRGILIO dicta fuerunt: **)

. . . *celsis in puppibus arma Caici.*

Armis quippe inscripta insignia, quae mihi non temporariae videntur vnius hominis, sed heredita-

*) Wappen id est *Waffen*, seu arma.

**) Virgil. Aen. lib. I. v. 137.

LXII.



LXIII.



LXIV.



LXV.




LXVI.



LXVII.







ditariae atque perpetuae familiarum notae, ut ex
SVETONIO *) intelligimus, qui de Caligula:
*Vetera familiarum insignia nobilissimo cuique
ademit, TORQUATO torquem, CINCINNA-
TO crinem, et ex OVIDIO: **)*

*Cum pater in capulo gladii cognovit eburno
Signa sui generis,*

Sed ad arma reuertemur loquentia. Malleo-
lum, in C. MALLEOLI nummo, iam supra no-
bis monumentum XXIII. exhibuit. In monumento
QVINTVS VOCONIVS VITVLVS virulo;
in monumento LXII. PINARIVS SCARPVS,
qui Iulii Caesaris tempore Imperator copiis
praefuit, manus vola cum iunctura brachii,
nummum signavit, quia Graecis *καρπος* hic
manus articulus dicitur, ex quo verbo PINA-
RII SCARPI familiare nomen, praemisso filo,
ut multis vocabulis, etiam germanicae linguae
euenisse nouimus. Nam *Sizen* ab *ἰζειν*, *Schleim*
a *λυμα*, *Schnur* a *nurus*; apud Romanos vero:
scriba

*) Sueton. in Caligula cap. 35.

**) Ouid. Metam. lib. 7.



scribo a γραφω, Sal ab αλς, Serpo ab ερπω
descendit, ut alia taceamus.

LVCII LVCRETII TRIONIS nummus,
qui sequitur, septem steliis insignis, quae plebi
plaustrum, Romanis septentriones, sed et *Triones*,
non, ut quidam opinantur, propterea dictae sunt,
quod ob verbi longitudinem rustici, abiectis
prioribus syllabis, ultimas retinuisse visi sunt,
sed quod VARRO *) docuit: *Triones* veteribus
dictos fuisse bigas bouum plaustra vehentium, ut
apud NAEVIVM: *Trionum hic moderator ru-*
slicus.

Ab ascia Asciculus factus, fabrile instrumen-
tum, quo in primis saxa caeduntur, quod appo-
suit binis nummis LVCIVS VALERIVS ASCI-
CVLVVS, cum capite quodam cincto, de quo
dubitamus, an, propter stellam appositam, CA-
STORIS videri possit, cum semper is cum fra-
tre pileatus appareat.

Tandem sistimus QVINTI POMPONII
MVSÆE insignia, in cuius nummis semper una
ex

*) Gellius Noct. Att. lib. 2, c. 24.



ex nouem fororibus expressa, vt in nostro EV-
TERPE, tragoediae tutela, vnde persona in
manibus.

L. AQUILIUS FLORUS flore vtitur in
nummo, quem alio tempore proponemus. Nunc
haec sufficiant. Neque enim praelibare placet,
quae infra de PAPIAE gentis signo cacabo,
quo pappa infantibus coquitur, HARDVNI
more, id est audaciter, coniicimus.




MONVMENTVM LXVIII.

*Hominium regi Galliae
praestitum, Seculo
XIV.*

Insignia vestibus intexta ne singulare decus
putes parium curiae et ad investiturae ritum
pertinentia. Illa enim, quemadmodum ex aliis
eiusdem, cui hanc debemus, MONTEFAL-
CONII picturis intelligitur, vulgaris Secu-
lo XIV. vestium ornatus, meo iudicio pulcher-
rimus. Nam et illustres nobilesque foeminae
familiaria insignia iis temporibus stolis acu splen-
dide appicta gerebant, ut hoc spectaculo se a
caeteris distinguerent. Haec obiter, nunc ta-
bulam explicabimus ipsis MONTEFALCONII
verbis: „Eodem circiter tempore, inquit, et
„paulo ante decessum Constabularii GUESCLI-
„NII et Regis CAROLI V. Dux Borbonius
„hominium ipsi praestitit, pro comitatu Claro-
„montano

LXVIII.





„montano, in Bellouacensi agro. Quae res
 „depicta habetur in Codice manuscripto homi-
 „norum eiusdem Comitatus, ad cuius fidem
 „D. GAGNERIVS tabellam depictam suam
 „delinearî curavit - - - Rex in folio suo
 „sedet, pallio regio amictus liliis consperso,
 „assutis murium Ponticorum pellibus, coronam
 „capite gestans. *LVDOVICVS II. Dux Bor-*
 „*bonius* ambas manus iunctas, intra Regis ma-
 „nus inserit, genu flectens, quoddam ceu ser-
 „tum capite gestans, insignibus suis vestitur,
 „pugionemque habet ab zôia pendentem.
 „A Regis latere, et a tergo pene, vilitur *DEL-*
 „*PHINVS*, insignia Franciae, insignibus
 „iuncta Delphinatus gestans, et prope illum
 „frater eius, insignibus Franciae cum limbo
 „Aurelianensium Ducum indutus. Pone illos
 „sunt tres Regis *CAROLI* fratres; *Andega-*
 „*vensis Dux* cum ora rubra denticulata; *Dux*
 „*Burgundiae*, cum insignibus Franciae et *Bur-*
 „*gundiae* simul iunctis. Qui folio Regio ma-
 „num imponit, est *IOANNES ARTESIVS*,
 „*Comes Augensis*, ad cuius latus, et pone so-
 „lium regium est *Franciae Cancellarius*, quod-
 „dam quasi sertum capite gestans, et virgam
 „manu



„manu tenens. Infimo loco in eodem latere
 „quinque procures sunt, eadem linea et ordi-
 „ne positi. Primus est *Constabularius* BER-
 „TRANDVS GVESGLINVS, cuius insignia
 „haec sunt: in argenteo campo aquila nigra
 „duobus expansa capitibus, cum fasciola rubra
 „omnia supergrediente. Post illum sequuntur
 „*Marescalli* Sancerranus et Blanuilaeus, HUGO
 „Lellionneus, Domini-Petri Toparcha, Si-
 „gillorum Magister, et IOANNES DE
 „VIENNA, navium Praefectus, qui omnes
 „in signibus suis ornantur. Ii, qui Borbonium
 „Ducem comitantur, sunt *Belliciosi Dominus*,
 „cuius vestis haec insignia habet: in campo
 „aureo leo niger, cum limbo rubro; NEDON-
 „CHELLENSIS, Cambellanus Borboniae Du-
 „cis. Is oblongum baculum erectum tenet,
 „in cuius summitate multae claves sunt, claves
 „nampe, ut videtur, castelli Claromontani
 „Bellouacensis. Pone illum est REGINAL-
 „DVS DE TRIA, cuius insignia sunt campus
 „aureus cum diagonali fascia rubra, cui insidet
 „alia fascia ex argento et caeruleo colore com-
 „posita, cum merula nigra. Sub illo est IO-
 „ANNES *Nothus Borbonius*, ac pone illum

„PETRVS



„PETRVS DE AVXIO DE MONGELLIS,
„cuius vestis tessellata est auro et rubro colore;
„eratque ille Ducis Borbonii Cambellanus.
„Ex duobus qui in hac linea et ordine postremi
„sunt, is qui rubro colore vestitur, cum qua-
„tuor fasciis argenteis, est Clarimontanae fa-
„miliae; Alter vero notus non est.”

MONUMENT. LXIX. LXX.
LXXI. ET LXXII.


*Seruius Sulpicius, Alphe-
nus Varus et Semprom-
nius Sophus.*

Cum genuinas iuris peritorum effigies aliquoties spectandas proposuerim, nunc etiam dubiae fidei, aut (cur enim verum non eloquar?) falsas dabo. De duobus primoribus **VAILLANTIVS** in Familia Sulpicia, plane ut **VRSIIVS** praecantauerat, ita ait: *Capita L. Seruii Iurisconsulti, ex auersa Castor et Pollux.* Utinam vera diceret! Sed, cum alio loco *) probatum a nobis et satis notum sit, barbatos vixisse Romanos usque ad annum urbis conditae CCCCLIV, quo ex Sicilia graeci tonsores ad-
venerant,

*) Vide supra Monument. 12. 13. et 14.

ad pag. 176.





venerant, postea vero imberbes apparere
 vsque ad H A D R I A N I Imperatoris tem-
 pora, qui nescio quas, genarum deformita-
 tes aut vulneca vt tegetet, barbam enutriuit,
 S E R V I V S V E R O C I C E R O N I S tempore vixe-
 rit, qui funus curauit eidemque statuum de-
 creuit, barba apparens in nummo manifesta
 V R S I N I atque V A I L L A N T I S mendacia
 prodit. Deinde praeter dictatores, praeter rei-
 publicae constituendae triumviros atque impe-
 ratores, nemo ausus sua nummos imagine signa-
 re, sed maiorum tantummodo, qui magistratus
 curules gesserant, repetere imagines et memo-
 riam in aere recolere licebat. Cuiusnam igitur
 illud in nummis caput est, si non est S E R V I I
 iurisconsulti? Cuiusnam? nisi aut Sulpiciae
 gentis, aut quod malim, familiae in hac gen-
 te Rufinae primi conditoris? Id capiti propius
 adscriptum verbum R V F V S quodammodo vi-
 detur indicare. Plenum iurisconsulti nomen
 fuit S E R V I V S S V L P I C I V S Q V I N T I F I -
 L I V S L E M O N I A R V F V S. *) Caue igitur,
 ne

*) Cicero Philipp. IX. cap. 7.



ne obuenientem in nummo utroque cum caeteris interpretibus, litteram L. praenomen LVCII significare putes. Nam in loco CICERONIS, quo plenum eius nomen pronuntiatur, Lucius abest; praeterea mirum foret et maxime insolitum, duobus quemquam praenominibus uti. SERVIVS quippe praenomen est. Puto itaque Lemoniam tribum significari, quia SERVIVS SVLPICIUS LEMONIA RVFVS a CICERONE appellatur, atque inscriptionem nummi hac ratione lego: SERVIVS RVFVS LEMONIA.

ALFENI VARI, seu Alfiniae potius, non vultum quidem, attamen nomen sequens denarius servat. Nam caput in eo aut HERCVLIS cum clava, aut Neptuni cum tridente est. ALFINAS inscriptum, quod verum nomen gentis est, ut ex GELLII Noctibus Atticis, nempe libri sexti capite quinto, discimus, ubi antiqui codices habent ALFINIVS, quod interpretes recentiores inepte ex Pandectis in ALFENVVS depravarunt, quasi negligentioris TRIBONIANI maior sit, quam accuratissimi GELLII fides. Qui plura de hoc nummo aut ipso ALFINIA scire cupit, EVERHARDI

OTTONIS praefationem consulat, quam
Thesauri Iuris quinto volumini praemisit.

Nos iam PUBLIVM SEMPRONIUM
P. Filium SOPHVM salutamus, aut potius
IOVEM Capitolinum cum barba. Neque
enim iure consulti, sed numinis icon. Licet
vero invida aetas sapientissimi viri effigiem
nobis subduxerit, tamen vel eius nomine, per-
spicuis litteris expresse, valde delectamur. De
Sophi cognomine POMPONIVS in L. 2.
§. 37. ff. de origine iuris illud notissimum scri-
bit: *Fuit post eos maximae scientiae SEMPRO-
NIVS, quem populus Romanus SOPHVM ap-
pellavit, nec quisquam ante hunc, aut post hunc,
hoc nomine cognominatus est.* Nempe Graecia
septem habet sapientes, Roma vnum SEMPRO-
NIVM. Neque sibi aduersari ipse videtur
POMPONIVS, cum in §. 38. dicit: PVB-
BLIVM ATILIVM a populo *Sapientem*
dictum esse. Diuersa enim haec, Sapiens
quippe ATILIVS, quia catus erat et prudens;
Sophus SEMPRONIVS, quia doctus.



MONUMENTVM LXXIII.

Singularium certaminum furor lege coër- citus.

Non hic de duello iudiciali agitur, lege, apud veteres Germanos, moribusque probato, sed de singularium certaminum priuata vltione, cum

Non ex jure manu confertum, sed mage ferro

iracundiores quidam illatas sibi iniurias nefarie vindicant. Hanc ecclesiasticis censuris primo concilii Tridentini Sessio XXV. cap. XIX. coërcuit, postea in Galliis **LVDOVICVS** Magnus,*) deinde, postquam de ea re in comitiis Ratisbonensibus


*) Medajlles de Louis XIV.

ad pag. 180.



LXXIII.





bonensibus anno MDCLXVIII. actum esset, inter Germaniae proceres primum elector Brandenburgicus FRIDERICVS ille, qui rex. deinde euasit, anno MDCLXXXVIII, tandem etiam huius ad exemplum, in Saxonia FRIDERICVS AVGVSTVS rex Poloniae anno MDCCVI, plenius vero atque seuerius MDCCXII. proscripserunt, infami atque turpissima laquei poena in iracundiam tam peruersam animaduertentes.

Iam exempla priuatorum certaminum ex Graecorum atque Romanorum historia vetustiori, quae in iure belli et pacis collegit GROTIUS, repetere nolumus, sed hoc solum notare, eam rem, vltimas fuisse in Gallia et Germania pristini, vt vocare solebant, manuarii iuris reliquias. Cum enim primis temporibus, vt erat immoderata Germanorum libertas, nobilibus liceret inimicitias denuntiare et bellum indicere quibuscunque vellent, neque huic inueterato malo vna lege mederi possent imperatores, sensim ac pedetentim progressi, initio quidem FRIDERICVS I. *) *vt, quicumque alteri damnum facere*

*) V. Feud. lib. 10.

*facere aut laedere ipsum intendat, tribus ad minimum diebus per certum nuncium diffiduci et eum, fanciuit, deinde CAROLVS Quartus in Aurea Bulla cap. XVII. quasi leges quasdam priuatorum feciales composuit, his quidem verbis: Sancimus: non licere praetextu diffidationis cuiuslibet quempiam inuadi, per incendia, spolia, et rapiuas, nisi diffidatio per tres dies naturales ipsi diffidando personaliter, vel in loco, quo habitare consuevit, publice fuerit intimata, possitque intimatione huiusmodi per testes idoneos fieri plena fides. Quisquis secus quempiam diffidare et inuadere modo praemisso praesumpserit, infamiam eo ipso incurrat, ac si nulla diffidatio facta esset, quem etiam, tanquam proditorem, per quoscunque iudices poenis legalibus statuimus castigari. Hoc in statu illa belli priuati licentia permansit, vsque dum MAXIMILIANVS Primus lege de pace publica perlata, et constituto Camerali iudicio, ius omne manuarium tolleret, caeteri vero principes in suis prouinciis ad exemplum Cameralis iudicii, curias seu *Hofgerichte* fundarent, *)*
in

*) Hugo de statu region, German. c. 4. §. 31. seq.

in quibus hodie de nobilium controuerſiis iudex legitimo modo decernit. Facile ſe quidem hiſce iudicibus milites et principes in litibus pecuniariis ſubmiſerunt, ſed, ſi forte fama cuiusquam laeſa videretur, iis, vt antea, certamina placuerunt, quia exiſtimabant, ſi quod ablatum eſt, iudex reſtituere non poſſit, nec iudicio opus eſſe, ſed licere laeſo ſe ipſum vindicare. Non videbatur autem a iudice honorem reſtitui poſſe propterea, quod vulgi opinione, cui colaphus impactus eſſet, cenſebatur eo vſque infamis, donec armis iniuriam propulſaſſet. In ſola ergo famae, exiſtimationis et honoris cauſa nobilibus conſuebant quodammodo leges ad LVDOVICI vſque tempora, qui ob res praeclare geſtas Magni cognomen reportauit. Neque tamen leges iſ omnium primus in hunc furorem exarmauit, ſed iam ante eum HENRICVS Quartus anno MDCIX. deinde LVDOVICVS XIII. anno MDCXI. et poſtea MDCXVII. nequis alterum ad certamen prouocaret, ſub eadem laquei et infamiae poena, interdixerant. Haec autem, vt THYANNVS et GRAMONDVS ſcribunt, omnia incuſſum. Non diutius ergo ſuam vinci maiesta-

tem a praua et fanguinolenta gladiatorum per-
vicacia rex ille magnus passus est, sed maiorum
fuorum institutis, graui atque acerbissimo faci-
norosis edicto, quod in nummo memoratur, ab
Academia excogitato, quasi colophonem addi-
dit. Nonne legem humano generi tam salu-
tarem centum victoriis praestare dicamus?



MONUMENTVM LXXIV.

*Vindicatio equi, secundum
veteres Germaniae
mores.*

Satis ridicularis apud Romanos vindicationum ritus, cum vetustis moribus, petitor manum seruo, quem vindicare volebat, iniiceret his verbis; AIO HVNC HOMINEM MEVM ESSE EX IVRE QVIRITIVM, alter vero, qui contra vindicabat, eundem iniecta manu ad se raperet atque IMO MEVS EST, vociferaret. Hoc erat ex iure mani confertum rem repetere, vt ENNIVS ait. Hoc dicere solebant: vim fieri moribus, teste GELLIO, qui eam ciuilem vim et festucariam appellauit, quemadmodum etiam in libris amorum OVIDIVS manus iniicere pro vindicare posuit:

Iniiciam dominas in mea iura manus.

et alio loco :

Et dicam mea sunt, iniiciamque manus.

M 5

Addo



Addo tertium eiusdem poetae versum, quo dominae Mortis in mortales imperium his verbis describit:

Omnibus obscuras iniicit illa manus.

Haec manus iniectio Germanis ANEFANG. *) Eqvum potissimum lepida festiuitate vindicare solebant, vt ex iure Magdeburgensium Municipali **) intelligimus: *Ist es aber ein Pferd, das man anspricht, da sol er sich zu ziehen, als recht ist. Er sol mit seinen rechten Fuß dem Pferd fornen auf seinen linken Fuß treten, und sol mit der linken Hand greifen dem Pferd an sein recht Obr, und sol begehren der Heilichen, und sol schweren dem Pferd über dem Haupt, daß das Pferd sein geweest und noch sein sey, do es ihm gestolen oder geraubet ward. HOC EST:*
 „Sin vero sit eqvus, quem vindicare velit, id
 „rite suscipiat, quemadmodum ius est. Dextro
 „suo pede sinistram equi vngulam supercalcato,
 „manu vero sinistra dextram equi aurem arri-
 „pito,


*) Gruppen Teutsche Alterthümer p. 162. et 195. in fin.

**) Weichbild. art. 133.



LXXIV.







„pito, deinde petat sanctorum reliquias, et iuret
„equi super capite, suum fuisse equum et esse
„adhuc, si ipsi fuerit furto aut rapina ablatus.„
Hoc exacte praesens pictura docet. Tenet ha-
benam possessor animalis, a quo id petitur. Vin-
dicaturus autem dextra⁴ sua manu aurem quadru-
pedis sinistram arripit. Is, qui in scamno sedet,
tecto mitella capite, taeniolis duabus distincta,
iudex est. Neque tamen, quis dixerit, dextro
suo pede sinistram ungulam supercalcari video.
Nempe seculo XIV. quo isthaec picta sunt, manu
solum, non pedibus, vindicare solebant, cum ille,
quem pedibus olim peragebant, ritus iis tempo-
ribus iam in desuetudinem abiisset, quemadmo-
dum vetus glossa *) innuit: *Nu seggen etlicke
dulle Lüde, wenn sick eyner wes unterwindet, so
schole he ene treden uppe den rechtern Vor, und
nemen id by deme rechtern Oren, est id eyn Veb sy.
Dar en kere dy nicht an, sunder he gripe id, wor
be id grypen kan, id is allicke vele; wente disse
vare sind alle afgelegt.*

MONV-

*) Glossa ad lib. 2. Spec. Sax. Artic. 34.



MONUMENTVM LXXV.
LXXVI. LXXVII.


*Sextus Aelius, Quintus
Tubero et Attejus
Capito.*

Egregie cordati hominis **SEXTI AELII**
PAETI CATI nomen numisma primum
habet. Non alius is, quam ille notissimus Iuris
Aeliani conditor. Aedilem Curulem fuisse, nisi
iam ex **LIVIO** *) constaret, versa nummi pars
docere poterat. Neque tamen ipsius est, qui in
ea apparet, **AELII** vultus, sed alicuius ex ma-
ioribus eius, aut potius, ut plerique ex opposita
in tergo aquila colligunt, **IOVIS ANXVRIS**,
id est, Imberbis. Neque te perturbet, quod
ALLIVS scriptum est. Quemadmodum enim
hodie

*) Livius lib. 31. cap. 50.

ad pag. 188.







hodie in multis nominibus fieri solet, ut alio modo scribi, alio pronuntiari soleant, ita apud Romanos qui deinde AELII fuerunt, antiquis in monumentis et Capitolinis fastis ALLII. Eodem modo, qui postea ALFENI, illi antea ALFINIAE.

Sequitur Q. TVBERO, de quo in L. 2. §. 40. ff. de orig. iur. haec Pomponius litteris mandavit: *Paulus Verginius et Q. Tuber, ille Stoicus Pansae auditor, qui et ipse consul.* Iam dudum alii extra omnem dubitationis aleam posuerunt, TVBERONEM consulem nunquam fuisse, atque ob id POMPONIVM flagellis criticis mirum in modum castigant. Quid autem? Anne his verbis bonus POMPONIVS hoc unquam dixit? Furias agere existimauerim, qui contra omnes grammaticas regulas hoc in eo loco sibi animadvertere visi sunt. Quis enim attentior haec verba considerans, non videat, relatiuum *ille* non ad TVBERONEM sed ad VERGINIVM esse referendum? Verba sane, in quibus consul et PANAETII auditor alteruter eorum dicitur, si de TVBERONE valerent, non *ille*, sed *hic* scribendum fuisset.

Quare



Quare igitur, o temerarii! non vestram incuriam potius, quam POMPONII diligentiam accusatis? Scio tamen quid doctos homines, ut haec verba de TVBERONE acciperent, decepiſſe videatur. Nempe cum CICERO *) ſtoicae philoſophiae addiſſimum TVBERONEM fuiſſe referat, idcirco haec Pomponii verba de eo acceperunt. Fuit TVBERO ſtoicus, fateor; ſed fuit etiam P. VERGINIVS. Hunc perperam vulgata lectio Paulum Verginium vocat, cum Paulus praenomen non ſit, ſed cognomen, praefertim Aemiliorum. Vnde legere malim: P. AVLIUS VERGINIVS. Auliorum enim familia apud LIVIUM.**) Inter conſules autem in Cuſpiniani Faſtis P. VIRGINIVS obuenit. Potuit ille etiam ſuffectus eſſe. Noſter vero TVBERO neque PANSAE, ſive ut rectius ſcribitur, PANAETII auditor, neque conſul fuit.

Claudit tabulam C. ATTEIVS CAPITO,
liberalis ingenii iure conſultus ſed animi ſeruilis,
vtpote

*) Cicero in Bruto cap. 31.

**) Liuius lib. 27. c. 26, et 27. lib. 2. cap. 37. lib. 9. cap. 15. 16. et 22.



utpote OCTAVII et TIBERII turpiculus as-
sentator, qui suo obsequio meruit, ut LABEO-
NI ANTISTIO, a quo multis modis disside-
bat, in honore anteiret. Nam ad consulatum
CAPITO peruenit, in quo Senatus consultum
fecisse dicitur, ne liberta inuita patrono nubere
cogeretur. *L. 29. ff. de ritu nuptiar.* Caeterum
ex hoc nummo, si nihil aliud, hoc tamen disci-
mus, fuisse CAPITONEM, sub AVGVSTO
imperatore, auro argento aere flando atque fe-
riundo triumvirum.



MONUMENTVM LXXVIII.

Inuestitura primi Marchionis Brandenburgensis, Alberti.

Parua hic exordia damus regiae nunc et potentissimae domus. Nempe quotquot huius bracteae interpretes consului, vno ore omnes, eam ad ALBERTVM Filium Ottonis, Marchionem Brandenburgensem primum, referunt qui Vrsus cognominatus est, et priusquam ad hanc dignitatem eueheretur, comitatu Balenstedensi praefuit. Accepit is Marcas ab Imperatore tres: Brandenburgensem, Soltwedelinam, atque Lusatiam. *) Ad quam potissimum


*) Köhleri Münz Belustigung Parte 2. pag. 170.

ad pag-192.



LXXXVIII.







tissimum marchiam insignia clypeo inscripta pertineant, non satis expeditum. Neque enim Lufaticus taurus, neque Brandenburgensis aquila adest, neque etiam familiare signum Ballenstedensis comitatus, quod quinque nigras taenias in campo aureo habet. Nihil ergo superest, nisi ut Soltwedelina insignia ea putemus, aut, quia ab Historicis ALBERTVS noster plerumque *Nobilissimus Marchio de Saxonia* vocatur, hanc fasciam pro ruta Saxonia, quae iam tum in usu fuit, **) habeamus. Nempe, quae initio pura et simplex fascia fuit, in obliquum ducta, eam pictores deinde, ornatus causa, floribus seu foliis exornasse putantur. In his quidem omnibus licet nihil definire audeam, cum ne quidem mihi hoc satis certum videatur, an ALBERTI VRSI haec moneta sit, cum marchias praeter Brandenburgensem, atque etiam marchiones ALBERTOS praeter hunc plures habeamus; tamen, quicumque demum ille in nummo signatus ALBERTVS marchio fuerit, veram inuestiturae hanc formam esse, vexillum
por-

**) Struuii diff. de ruta Saxonica.



porrectum satis indigitat. Quid enim impedit, quo minus personam, quae ad dextram constituta est, **LOTHARIUM II.** Imperatorem, aut **CONRADUM III.** repraesentare, dicamus? Sane Attalica vestis pellibus Hermionum suffulta imperatoris chlamydi, quam episcopali similior. Neque, qua caput retum, mitra bicornis videtur, ut **KOEHLER** arbitratur, etiamsi e contrario fatendum sit, neque coronam eam esse. Ad galeae formam proxime, ni fallor, accedit. Caputium autem, quod collo circumfufum, episcopum aut abbatem non satis clare demonstrat, cum etiam a laicorum vestibus, illo tempore, hoc saepe retro dependeat. Fuerunt, qui foeminam, ipsamque **ALBERTI** vxorem eam crederent, quod minus probabile. Licet autem, ut, quod res est, ingenue fateamur, in hoc memorabili numero pleraque obscura et multis dubitationibus obnoxia sint, ne tamen omnia in medio relinquamus neque plane nihil definiamus, nos, usque dum nemo meliora probauerit, inaugurationis symbolum dicemus. At non stantes, (haec enim facile reponi posse praevideo) sed geniculati inuestiebantur principes. Vera

narras



narras, neque ego dubito, si imperator hunc nummum signasset, marchionem in genibus apparituum fuisse; sed cum ipse marchio cederet, facile est ad judicandum, hunc in honoratiori statu, quam genibus flexis, se pingi maluisse.




MONVMENTVM LXXIX.


Investitura primi Electoris Brandenburgensis, Fri- derici I.

Post inaugurationem primi Marchionis Brandenburgici ALBERTI, ex quo Regum Borussorum hodierna familia descendit, nunc etiam videamus, quo ritu FRIDERICVS dignitatem electoratus iure beneficii a SIGISMUNDO Imperatore anno MCCCCXVII. Constantiae, ubi tunc concilium habebatur, acceperit. Haec solennitas in veteri monumento Noribergae depicta, ob antiquitatis reuerentiam, satis digna est, quae a nobis repetatur. Videmus in ea FRIDERICVM iam senescentem in vnum genu prouolutum, atque manu vexillum Brandenburgensis Marcae tenentem. SIGISMUNDVS cum nudato gladio sedet. Sed cur meis haec verbis dico?

ad pag. 196

LXXX-





dico? cum in promptu habeam NAVCLERI, scriptoris fere coetanei, Chronicon, qui, quasi hanc picturam prae oculis habuisset, rem planissime et graphice describit: *Mane facto, quidam Comites Barones ac Nobiles, cateruatim equitabant per ciuitatem ter, ducentes duo vexilla, tubis laetitiae signa sonantibus.*

His quasi praeludiis habitis, conuenerunt omnes Principes, ad habitationem Burggrauii, deferentes minuta vexilla, armis futuri principis insignita, conduxeruntque FRIDERICVM Burggrauium ad forum usque. Erant in foro tabulata, in quae conscendit Caesar coronam in capite gestans. Ac ubi in throno confedisset, Electores imperii, qui aderant in suis habitibus, a dextris partim et a sinistris, in officio stabant.

Postea ascendit Burggrauius, ducens secum duos milites, vexilla Marchiae ac Burggrauatus tenentes in manibus. Prouolutus genibus Imperatoris Burggrauius, petebat se Marchionem creari, atque de Marchia inuestiri. Mox lectae sunt litterae, iuxta quarum tenorem deberet iurare. Praestito sic iuramento, creatus est FRI-



DERICVS in Marchionem Brandenburgensem, de Marchiaque, iuxta morem curiae, existit inuestitus. Dedit illi Rex primo vexillum Marchiae in manus, postea pomum et sceptrum, quae gestabat Comes Palatinus Rheni, accinxitque eum gladio, consuetis adhibitis solennitatibus: Et sic iste FRIDERICVS dignitatem Electoratus Imperii primus in familiam Burggrauiorum Norinbergensium adduxit. Haec omnia exacte cum pictura nostra conueniunt, nisi quod NAVCLERVS alterum vexillum Burggraviatus Norinbergensis signa habuisse refert. Haec autem leo niger in campo aureo, rubra corona cinctus. Absunt haec in monumento nostro. Vexillum potius quadripartitum nigris et argenteis areis distinctum nobilis quidam tenet. Qualia ergo haec insignia? Nempe comitatus Hohenzollerii, *) ex qua familia hic FRIDERICVS ortus erat. Quod ille a tergo imperatoris constitutus ambabus manibus tollit, vaginam puto imperialis gladii,

Ridicula

*) Trieri Wappen Kunst p. 487.



Ridicula vero, acutas in cuspides desinens
et plantae longitudinem longe multumque
superans, calceorum forma,

*Quae fugit in longum tractumque inclinat acu-
men,*

vt poeta istorum temporum IOHANNES
ARCHITRENIUS ait. Huiusmodi mirabilis
formae calceos etiam in graecis monumentis
me obseruasse memini, a quibus mos in Galliam
venit, ac eo usque viguit, donec CAROLVS
VI. stultitiae finem imponeret. Ita enim
CONTINVATOR NANGII ad annum
MCCCLXV. apud GANGVIVM: *Sotulares*
habebant, in quibus rostra longissima in parte
anteriori, ad modum vnius cornu in longum; alii
in obliquum, vt Crisones habent retro et natura-
liter pro vnguibus gerunt, ipsi communiter de-
portabant, quae quidem rostra Pouleneas gallice
nominabant. Et quia res erat valde turpis,
et quasi contra procreationem naturalium mem-
brorum circa pedes, quinimo abusus naturae vi-
debatur, ideo dominus rex CAROLVS fecit
per praecones Parisiis proclamare publice, ne ali-
quis, quicunque esset, qui auderet talia deportare:



*et etiam, quod neque artifices sub magna poena de caetero tales calceos, et sed neque ocreas sic punctatas facere praesumeret, nec venderet cui-
cunque, nam simili modo dominus Papa VR-
BANVS QVINTVS in Romana curia inhibue-
rat valde stricte. Foeminas quoque talibus
vfas esse in Germania ex RINGVALDO, *)
poeta Germanico seculi XVI. intelligimus, apud
quem virgo in inferno ita loquitur:*

*Vud wenn ich denn in meiner Schmink
Mit meiner Magd zur Kirche gieng,
Daselbst (wie man pflegt,) zu beten,
So het ich nicht ein Ey zertreten;
So gar vorzumpfen kund ich thun,
In meinen SCHMAL GESCHNÜRTEN SCHVN,
Die ich mir hat zu meiner Strassen,
Nach Art der Edlen machen lassen.*

Ne rideas quaesio. Nam et nostro tempore
in vestibus, in cinctis adolescentum puella-
rumque crinibus et mitellis mulierum, multa
contra naturam et ineptissima videas, quae licet
iam placeant, tamen ita posteritas traducet, ut
nos

*) Ringwald Beschreibung des Himmels und der Hölle.



nos maiorum rostratos illos longissimosque calceos ridemus. Multa scilicet prava atque inepta fieri videas moribus, quae si pauci facerent, vereamur imitari; quum vero plures instituerunt, (quasi honestius videatur, quod frequentius) sequimur, et pulchri apud nos locum tenet deformitas, ubi publica facta est.



MONUMENTVM
LXXX. LXXXI. LXXXII.
LXXXIII. LXXXIV.

*Feoda Comitum an vexil-
laria?*

Duces quondam in Germania, vexillo fuisse inauguratos, eam ob causam ducatus beneficia vexillaria dici consueuisse, Speculum Saxonicum in libri tertii articulo LXII. innuit, ubi ECCIVS: *Septem etiam feuda vexillorum in Saxonia sunt definita: Ducatus Saxoniae, Palentia, Marchia Brandenburgensis, Landgraviatus Thuringiae, Marchia Misnensis, Marchia Lusatiae et Comitatus Ascaniae.* Solus inter hos principes Ascaniae Comes vexillo interueniente, ex singulari forte priuilegio, investitus, quae exceptio regulam a maioribus traditam plane confirmat, comitatus gladio potius, quam vexillo concessos traditosque fuisse. Gladium nempe,

ad pag. 202.



LXXX.




LXXXI.



LXXXII.





nempe, non autem hastam cum volitante flammula, insigne comitis fuisse constat. *) Neque vana de solo nomine, sed maximi momenti haec quaestio. Cum enim, in Aureae Bullae capite quinto, vicariis imperii concessum sit, mortuo imperatore beneficia vacantia concedere, et iusiurandum fidelitatis ab imperii vassallis recipere, *feudis principum*, (vt verba habent) *duntaxat exceptis et illis, quae VAN LEHN vulgariter appellantur, quorum inuestituram et collationem soli imperatori vel regi Romanorum specialiter maneant reseruata*, dubium visum: an et comites a vicariis imperii inuestiri possint, aut debeant? GRIBNER **) fieri posse affirmat, quoniam beneficia, quibus comites fruuntur, non sint vexillaria. Huic, quidquid GUNDLINGIUS, FLEISCHER, KOPPIUS ***) alique contra disputent, subscribimus, exceptis tamen marchionatibus, Burgraviatibus, Landgraviatibus et Palatinis comitatibus

*) Vide infra monument. 97.

**) Gribner de feudis vexilli in Ienichenii Thesauro Iuris F. vol. 3. p. 214. seq.

***) Koppius de insigni different. Comit. p. 561.

bus, quae beneficia imperii vexillaria esse nemo dubitat. De his maioribus comitatibus capio locum Iuris Feodalis Sueuici *cap. 142. §. 2.* qui de Palatino imperii vicario loquitur: *Defuncto rege Romanorum - - - omnes, qui feuda vexillaria ab Imperio habent, quibus non est annexa dignitas principis, illi a Comite Palatino inuestiturae renouationem impetrare debent.* Concedo igitur lubens ac largior, feuda vexillaria esse, quae ducatus non sint; comitatus autem minores dato vexillo concessos esse, nego. Licet enim vnus alterue comes minor, interdum ex singulari priuilegio, vexillo inuestitus fuerit, quae exempla non ignoro, tamen ex eo, quod rarius contingit, regulam formare quis audeat? At, inquis, in signis tamen et nummis ipsi vexilla tenent. Ecce in nummo bracteato, quem adiecta tabula num. LXXX. exhibet, atque SCHLEGEL in libello singulari illustrauit, COMES HENRICVS DE BLANCENBERG vexillum gerit. Sequitur BORCHARDI Mansfeldensis Comitis capite nudato equitantis effigies, cum clypeo et vexillo. Cui iungas sigillum numero LXXXIII. notatum, in quo ADELBERTVS VII. Comes Ballenstedensis, qui


ad pag 209.

LXXXIII.



LXXXIV.





qui seculo XI. vixit, eodem signo illustris; et SIGILLVM GVILIELMI COMITIS FLANDRIAE, quod, vt sub numero LXXXIV. exhibemus, diplomati anno MCXXXVII. scripto appensum est. Neque tamen his monumentis moueor. Quid enim haec numismata sigillave cum inuestitura commune habent? Vana est atque inepta conclusio, si ex eo, quod in bracteatis nummis comites vexilla in manu tenent, arguere velis, eos vexillo fuisse investitos. Veriorem causam exponamus, quare se cum vexillis comites pingi curauerint. Scilicet ea in manibus tenent, non quia comites, sed quoniam domini liberi sunt. Neque enim quemquam Caesares comitem faciebant, nisi diuitem, qui amplas possideret, easque allodiales, ditiores, siue, vt vno verbo dicam, dominos liberos. His autem cum ius esset suos vassallos et reliquum subditorum exercitum in aciem ducendi sub vexillo, illi etiam iure meritoque hoc signo vti sunt. Erat enim vexillum libertatis, siue, si hodierna verba magis placeant, superioritatis territorialis nota, qua utebantur ii, qui suas terras a nemine beneficii loco accepissent. Omnes ergo comites simul liberi domi-



domini. *) Quae cum ita se habeant, facile affirmaverim, in monumento LXXXII. quod de charta anno Christi MCCXXXV. scripta pendet, GOTEFRIDVM vexillo exornatum, non quia erat comes Romaniolae, sed quoniam liber erat dominus et dynasta in Hohenlohe. Etiam si vero concedamus comites, qua comites fuerunt, vexillis usos esse, hoc tamen vel inde euenire potuit, quoniam in exercitu pedites ducebant. **) Sed quid opus est, me his intromittere, cum generaliter iam supra dictum sit, puerilem esse conclusionem et fatuam, si quis comitum feoda vexillaria esse, inde probare velit, quia cum vexillis pinguntur. Anne credis, eos in nummis atque sigillis investituram suam describere voluisse?

Finem dicendi facturus eram, nisi in Monumento LXXX. LXXXI. et LXXXIV. pedes comitum loris ab equo vtrinque pendentibus initi animaduerterem, quae *stapedes*, *bistaphiae*, *strepae*, *stapiae*, *astrabae*, et *stassae* dicebantur.

In

*) Kopp. de insigni diff. comit. p. 13. et 36,

**) Pistorli Controvers. inter Comites et Ordin. Equestr. quaeft. 5. p. 35. seq.

In vetustis Romanorum, Graecorumue monumentis illae non magis, quam ferreae equorum soleae, obueniunt; neque XENOPHON in libro de re equestri earum mentionem facit. Mauros et Arabes puto haec commoda Hispanis primum monstrasse, a quibus deinde ad reliquas Europae gentes dimanarunt. In epistola ALEXANDRI III. pontificis maximi, *) qui seculo XII. fedit, haec obueniunt: *Cum autem rex et archiepiscopus secessissent in partem, bisque descendissent, bis stapam rex tenuit archiepiscopo.* Marmor Romae visitur incertae aetatis, cui inscriptum est: AMOR FVIT EQVO DVM ASPECTVI FORMOSISS. DVMIONIAE PVELLAE VIRGVNCVLAE SVMMA POLVORIA PLACERE CVPEREM CASV DESILIENS PES HAESIT STAPIAE TRACTVS INTERII. Anne vero nescis FRIDERICVM primum pontifici maximo stapiam tenuisse? **) Haec igitur exempla satis atque abunde demonstrant, iis temporibus, hanc

*) Apud Rodolphum de Diceto ad annum 1170.

**) Baronius ad annum. 1155. §. 8.



hanc equestrem suppellectilem jam vbique vſitam fuiſſe. Grata vero in primis huius rei in legibus obueniens memoria. Nempe in Speculi Saxonici articulo primo haec leguntur: *Papae ſuper equum candidum equitare conſtitutum eſt; cui in aſcenſu equi ab imperatore ſella, ne decidat, tenebitur.* Hoc vaſallorum inprimis officium erat, quo reuerentiam ſuam domino teſtabantur, ſicuti ex capitulo ſexto iuris Feodalis Alemannici intelligimus, in quo ſcriptum: *Tenetur quoque vaſallus domino ſuo honorem re et verbis exhibere et ſeruitia praestare; itaque aſſurgere ipſi debet, ſive equitanti ſive eunti, praecedentiam quoque eidem debet; ſed et ſtreugam tenere domino debet equum aſcendenti; atque hoc ſemel in die fieri ſufficit.* Praeterea ille VETVS AVCTOR de beneficiis, qui circa annum MCXXXVIII. vixiſſe creditur capite ſecundo, verſu trigefimo et quarto, ſtapiam vocat *ſtrepem*. Vox et Gallis et Germanis vſitata, cum et CANGIVS chartam aſſerat ex tabulario Tholoſano, quae ita habet: *Et debet inde, tale ſeruitium: Videlicet: quod ſemel tenebit unicuique Abbati de Monte Albano aſcendenti equum,*
cum



cum ab eo fuerit requisitus, LE STREVB.
postquam igitur FRIDERICVS Imperator
semel talem cultum exhibuisset pontifici, hunc
inde occasionem arripuisse atque imperium
Romanum suum beneficium, imperatorem
vero clientem *) dicere sustinuisse, non adeo
mirandum.



MONV-

*) Vide supra Monument. 43.



MONUMENTVM LXXXV.
ET LXXXVI.


*Exagium Solidorum in
Novella Theodosii.*


Imperator THEODOSIVS ET VALENTI-
NIANVS in Novella, *) quae edictum ad
populum vrbis Romae inscribitur, ita sanciunt:
*Frequens ad nos, Quirites, temerarii ausus quere-
la peruenit, vt in parentum nostrorum contume-
liam, insigniti solidi eorum nominibus, ab omni
tempore recusentur, quod diu impunitum esse non
patimur. - - - Aequabilitas etiam pretii et
commodum venditoris et omnium rerum venalium
statuta custodiet. De ponderibus quoque, vt fraus
penitus amputetur, a nobis aguntur EXAGIA, quae
sub interminatione superius comprehensa sine frau-
de debeant custodiri. De ponderibus solidorum*
se

*) Novella Theodos. in Cod. Theodos. editio Gothofre-
diana Ritleri, Tom. 6. Parte 2. pag. 71.

ad pag. 210.

In Margine
• PROBATI • NUMISMATIS • EXEMPLVM •





se agere dicunt *exagium*. Hoc verbum, novimus, idem quod examen esse. Igitur *exagium* solidorum pondus videtur lege definitum, ad quod exigi debent solidi. Hac novella brevissimis exposita, iam ad monumentum LXXXVL devenimus, in cuius anteriori facie caput imperatoris fulget, inscriptis veris: DN. HONORIVS AVGVSTVS; altera Deam Monetam cum libra et amaltheo cornu exhibet. Facile autem patet ratio, quare una tantum Moneta hic appareat, cum in caeteris nummis tres *) pingantur. Nempe tantum de aurea moneta et solidorum *exagio* nummus loquitur, non de aereis nummis aut argenteis. Caeterum siue *SOLIDORUM* siue *SOLIDI* *exagium* legas, perinde est, licet posterius praestet, quoniam simillimus apud BANDVRIVM **) eiusdem HONORII nummus inscriptionem habet: EXAGIVM SOLIDI.

Magis intricata et difficilior quaestio: quare haec in primis verba nummo inscripta sint? Putabam

*) Vide Monument. 90.

**) Bandur. Numismat. Imperat. Rom. Tom. 2. pag. 539. numisma ibi vltimum.



tabam equidem HONORIVM aureos nummos
 flari iussisse, ad quos, tanquam ad regulam,
 pondus et interna qualitas reliquorum solidorum
 exigi debuerit. Canon igitur solidorum hic
 solidus mihi videbatur et legitimum solidorum
 pondus caeterorum. Iuvabant hanc coniectu-
 ram loca veterum auctorum,*) in quibus exa-
 gium pro ipso solido vsurpatum, et ex quibus
 plane manifestum est, solo nomine ab exagio
 differre solidum. Praeterea cum mihi in ma-
 nus veniret HENRICI II. Galliae regis argen-
 teus nummus, cuius externo margini inscriptum
 erat: PROBATI NUMISMATIS EX-
 EEMPLVM, memor ego, nihil hodie fieri,
 quod non sit factum prius, plane opinabar
 me coniecisse verissima. Sed scrupulum injicit
 idem, quem antea laudaui, BANDVRIVS,
 qui eum nummum, duobus in locis, aereum
 dicit, non aureum. Si vera narrat, illico in-
 fumum omnia, quae conceperam, abeunt, ne-
 que aliam viam superesse video, nisi ut ex nu-
 mero numismatum hoc monumentum eximamus
 et

*) Apud du Fresne de inferioris aevi Numismat. num. 77.

et pondus dicamus esse, non denarium; aut etiam, si numinus sit, perhibeamus in eo tantum legis de exagio solidorum a se perlatae memoriam conferuare HONORIVM voluisse. Videant, quibus hunc rarissimum nummum cernere continget, aereusne sit, ut vult BANDVRIVS? an vero, ut ego conjicio, aureus? Neque enim ego vidi.

Remoratur nos paucis adhuc illud HENRICI II. ut inscriptum est, probati numismatis exemplum, cuius in litteris aberratum esse, plane manifestum. Ecce enim: HENRICVS II. D. G. FRANC. ET NAVA. REX 1507. Hoc anno Henricus Secundus nondum natus, nec Navarra Franciae juncta erat. Horrendus sane gryphus atque portentum ingens! quis tantum aenigma solvet? *)

MONV-

*) Vide similia in Monument. 40. 41. et 42.




MONUMENTVM LXXXVII.

*Legitimatío per Pallium et
per Oblationem curiae coe-
lesti, siue monasterio,
factam.*

Altorfinus ille non levis existimationis pro-
fessor, CHRISTIANVS GOTTL.
SCHWARZIVS, in sua bibliotheca quondam
codicem Nouellarum manuscriptum asseruabat,
in quo ad nouellam LXXIV. vetus manus piñu-
ram praesentem adiecerat. Non ignorabat
SCHWARZIVS veterem ecclesiae ritum, quo
pallium seu cortina altaris super novos coniu-
ges, dum benedictionem sacerdos perageret, ex-
tendebatur, inprimis vero, si antea sibi natos
liberos naturales legitimare vellent, hi quoque
eodem altaris pallio vna cum parentibus coope-
riebantur, quod ipse ex CANGIO probat, qui
in glossario sub verbo *Pallae* testimonia auctorum

varia







varia protulit, quale est GVILELMI CALCV-
LI, Gemmetensis monachi, ita scribentis: *Haec
itaque de causa comes Richardus Gunnorem comi-
tissam more christiano sibi copulauit, filiique, qui
iam ex ea nati erant, interim dum sponsalia age-
rentur, cum patre et matre pallio cooperti sunt.*
Haec aliaque huius generis testimonia SCHWAR-
ZIVS *) de pallio altaris accipit, atque ob eam
causam liberos per secutum matrimonium legi-
timatos Germanis dici putat *Mantel Kinder*.
Etiam si enim iurisperiti existimauerint, propterea
ita dictos fuisse, quod inter sacra nuptiarum ap-
prehenderint patris pallium, aut etiam sub matris
veste latuerint, tamen prae fracte SCHWARZIVS
hanc consuetudinem negat atque doctores erro-
ris arguit, qui sibi fabulis facile imponi patian-
tur. Haec illos loqui, ait, sine fide et vllo claro
et indubitato testimonio. MONACHVM
ISENACENSEM, inter Scriptores Rerum Ger-
manicarum a Menkenio editum, fatetur quidem
hoc de APICIO narrare: *Als Landgrafe Al-
brecht*

*) Christiani GOML. Schwarzii disp. de antiquo ritu legiti-
mandi liberos illegitimos per pallium, Altorfi, 1747.



brecht sinen Son Opez, den ber van Cunnan von
 Isenberg yrkregin hatte und inte seyne eliche Wer-
 tinne, Frowen Margarete, czu Franckinford ge-
 storben waz, do liez ber eme dyselbin Cunnan
 czu Wartberg czu der ee gebin, unde dy HATTE
 DEN KEBIS SON DY WILE VNDIR ER-
 ME MANTEL, uff daz ber eynen elichen Na-
 men erkrigen möchte, haec, inquam, tametsi non
 neget, tamen monachum, qui ducentos et quin-
 quaginta post eam rem gestam scripserit, vix
 fidem mereri arbitratur. Quid autem? nonne
 hoc saltem locus laudatus probat, eo tem-
 pore, quo monachus haec scripsit, in usu fuisse,
 ut matres liberos suos antea genitos in sacris
 nuptiarum sub pallio tenuerint? Praeterea cum in
 curia clientelari, simul inuestiendi pallium pro-
 tovasalli arripuisse notum sit, ut participes fierent
 condomini, non adeo absonum, si eundem morem
 etiam in liberis legitimandis obtinuisse iuris periti
 existiment. In Ceremoniali CENCII CAME-
 RARII de inauguratione Caesaris haec legun-
 tur: *Tunc surgens dominus Papa ter quaerit ab*
eo (Caesare) si vult esse filius ecclesiae? quo ter
respondente: Volo, dominus Papa dicit: Et ego
te recipio et filium ecclesiae, et mittit eum sub



MANTO et ille osculatur pectus domini Papae, ex quo loco apparet, hunc quasi adoptionis ritum fuisse. Plura exempla adducit G A N G I V S in Glossario sub titulo Pallium atque inter illa G V I B E R T I locum, qui libro tertio de Gestis Dei, capite decimo et tertio ita scribit: *Adoptionis autem talis, pro gentis consuetudine, dicitur fuisse modus. Intra lineam interulam, quam nos vocamus camisiam, nudum intrare eum faciens, sibi adstrinxit: et haec omnia osculo libato firmavit. Idem et mulier postmodum fecit.* Ob haec exempla, etiamsi concedamus S C H W A R Z I O, legitimationem per pallium seu cortinam altaris frequentiore fuisse altera per pallium et vestem parentum, tamen meras fabulas iuris doctores tradidisse, non ausim affirmare.

Sed picturam accedamus, in qua pallium altaris expanditur super liberos naturales. Ante altare cortina denudatum sacerdos, laena missali amictus, sacra peragit. Duo clerici duobus infantibus velum altaris super caput extendunt, post hos sponsus, sine ferto tamen, et sponsa velato capite, ob omissum virginitatis honorem. Assidet comes cum gladio, siue alius iudex, ut etiam vim iuris civilem haec legitimatio consequatur.



Inferior picturae pars exhibet legitimatio-
nem per oblationem curiae coelesti factam.
Detonso iam puero cucullum induit sacerdos,
altero monacho vestes profanas, quas ille exuit,
foras deportante. Ante monasterii ianuam
duo monachi, ut dubium non sit, ingressum
filii cuiusdam naturalis in monasterium his
signis denotari. An haec legitimatio unquam
apud Germanos invaluerit, nescio. In Gallia at-
que Hispania illa visitatur, ut Codex ille Nouella-
rum mihi in alterutro regno scriptus esse videat-
ur. Ritum ipse SCHWARZIVS descripsit, addu-
ctis potissimum BARBOSA E et CHASSANAEI
auctoritatibus, quorum ille: *Sicut filius legitima-
tus per oblationem curiae: ita per ingressum mo-
nasterii, ubi quis offertur seruitio Christi, debet
etiam legitimari, ut possit habere bona patris.*
Hic vero in Consuetudinibus Burgundiae, ad
titulum *de successione Bastardorum*, haec commen-
tatur: *Sicut per oblationem curiae temporali: ita
etiam per oblationem curiae spiritali et eccle-
siasticae legitimatur bastardus, cum etiam spurius
per ingressum religionis efficiatur legitimus.*

ad pag. 219.



LXXXVIII.



LXXXIX.



XC.







MONVMENTVM LXXXVIII.
LXXXIX. ET XC.

*Aequitas a Iustitia di-
stincta.*

Non solum, quae mente concipitur, aequita-
tis informatio a notione iustitiae diuersa,
verum etiam Numen IUSTITIAE aliud,
quam AEQVITATIS. Nempe vtriusque
Deae diuersa simulacra. Sedit illa, haec stans
in nummis apparet. Rectam et stabilem
IUSTITIA regulam, *) AEQVITAS libram
mobilem tenet.

Vt autem haec coniunctissima atque similli-
ma numina diuerso habitu formantur; ita e
contrario, quod obseruatu dignum et memora-
bile visum, forma deae MONETAE et AEQVI-
TATIS simillima, quia in moneta summa debet
esse

*) vid. Monum. I.



esse aequitas. Hoc ex adiecta tabula cognoscetis, in qua monumentum LXXXVIII. et LXXXIX. AEQVITATIS, monumentum vero XC. MONETAE formas exhibet. Nempe ut Gratiae et Furiae, ita etiam MONETAE semper fere tres in nummis iunguntur. Quare? Non aliam ob rationem, ut ego quidem sentio, quam quia Romae tres fuerunt, nimirum aurei, argentei et aerei numismatis officinae. Hinc etiam tres magistratus monetae praefuerunt. Quis enim Triumviros auri, argenti, aeris, flandi ac feriundi ignorat? Plane eo modo, quo AEQVITAS cum libra et cornu copiae apparet, eodem MONETAE non solum libram tenent, verum etiam illud Amaltheae caprae diues et celeberrimum cornu, ut plane ignorem, qua nota unam ab altera discernere debeam, et nisi adscripta sint nomina, facile utrumque numen confundam. Huius deae credo mentionem fieri ab ARNOBIO *) et AVGVSTINO, **) qui eam deam PECVNIAM vocant. Neque tamen aedem et altaria habuisse,

*) Arnob. lib. 4. aduers. gentes.

**) Augustinus lib. 4. de ciuit. dei cap. 31. et 24.



habuisse, sed tantum in nummis videtur consecrata, cum IUVENALIS *) dicat:

- - - - - *fanesta Pecunia templo*
Nondum habitas, nullas nummorum creximus aras.

Quamquam enim IVNONIS MONETAE templum fuerit, nihil tamen hoc cognomen cum nummis commune habet, cum IVNO a monendo ita dicta fuerit. Quas in postremo monumento ad pedes dearum iacere vides, aeris, argenti et auri inconditas moleculas puto, ex quibus pecunia conflatur. Haec de forma dearum.

Si autem, haec aequitatis notio mente informata, quo modo a iustitia, siue illa constante et perpetua voluntate ius suum cuique tribuendi, discrepet? quaeras, vix habeo quod respondere debeam, adeo illa res intricata et perdifficilis. Diuersas esse, dubium nemini, cum et Glossa **) dicat: *Aliquando est ius, quod non est aequum, contra vero esse aliquod Aequum sed prohibitum iure*, QUINTILIANVS profiteatur. ***)

Licet

*) Iuuenalis Sat. I. v, 113.

**) Glossa ad can. I. dist. I.

***) Quintiliani Instit. lib. 3. cap. 6.



Licet ergo haec non eadem esse omnes consentiant; tamen apta definitione aequitatem circumscribere cupienti vix vlla res videbitur magis ardua et intricatior, cum illud aequum sensu potius, quam ratione cognoscatur. Dicam tamen, quo meliore modo possum, et quantum sese res tam perplexa describere patitur. Nempe cum leges, vt VLP IANVS loquitur, non in singulas causas, sed generaliter constituentur, fieri aliter non potest, quin, quod generatim iustum est, in quibusdam facti speciebus, ob varias temporis, personarum, locorumque diuersitates, iniquum videatur. Aequitas ergo circa singularia, ius circa vniuersalia vertari atque inde euenire, vt summum ius summa interdum videatur iniuria, CICERO aequitatem *laxamentum legis*, ARISTOTELES vero dicit: *ius legi non congruum*. Si ius ciuile nullum omnino foret, neque sane haberemus aliam aequitatis, aliam iustitiae informationem. Nempe iure naturali inter vtramque nulla differentia, cum aequitas non alia sit, nisi ipsa iuris naturalis sanctio. Solum ergo ius ciuile aequitatis notionem peperit. Nimirum, quoties ius scriptum a naturali discrepat, si, quod iure ciuili exigere possis, non



non exigas, aequus merito dicaris. Nemo enim ignorat, ius ciuile saepius cum naturali conſligere, neque illud huic in omnibus inferuire. *L. 6. ff. de iust. et iur.* In hac legum collifione qui regulas naturales potius ſequitur et ciuilibus praefert, ſiue, vt clarius dicam, qui, quod ius ſcriptum forte tribuerit, liberaliter remittit, hic demum vir bonus et aequus.



MONVMENTVM XCI. XCII.
XCIII. XCIV. XCV.
ET XCVI.

Roma reges pronuntiat.

Quam sibi, medio in aevo, Pontifices christiani arrogarunt potestatem, ex ducibus aliisque populorum rectoribus Reges creandi, illa in vetustis seculis Senatus atque Populi Romani fuit, qui, facto, de ea re senatus consulto, coronas bene meritis sociorum ducibus assignarunt. Postea imperatores, in quos lege regia populi majestas translata erat, eadem ausi. Quod autem summos christianorum pontifices attinet, ut regibus titulos dederunt, alios christianissimos, alios defensores fidei, alios catholicos salutantes, eodem modo illi, quis regum alterum praecedere debeat, constituerunt. Erat autem, ut PETRVS IOSEPHVS CANTEL *)

ex

*) Gantelius in Historia Metropolitanarum urbium P. 2, p. 134.

XCI.



ad pag 224.



XCII.

XCIIL.




XCV.

XCV.



XCVI.





ex Iulii II. epistola refert, sedendi in conciliis
 vniuersalibus hic ordo praescriptus: *Primus Im-*
perator, secundus Francorum rex, hos excipie-
bant reges Castellae, Arragoniae, Lusitaniae,
quibus parem sibi honorem tribuebat Angliae rex:
deinde Siciliae rex, qui Lusitano: Scotiae, qui
Hungaro superiorem se praedicabat. Denique
caeteri reges. Navarrae, Bohemiae, Poloniae,
Daniae regibus ut dignitate, ita loci honore
proximi erant Duces, e quibus agmen ducebat.
Dux Britanniae, tum Burgundiae, Bavariae
Comes Palatinus, Dux Saxoniae, Marchio Bran-
denburgensis, Duces Austriae, Sabaudiae, Me-
diolani, Venetiarum, Lotharingiae, Borbonius,
Aurelianensis, Genuensis et Ferrariensis. Solis
autem pontificibus ius esse reges nominandi,
palam professi, quemadmodum vel ex docu-
*mento superius adducto *) apparet, in quo Pon-*
tifex et Imperator depictus, adscriptis verbis:

Rex ego sum regum, lex est mea maxima legum;

Te facio regem, tu rectam dilige legem.

¹Nam

*) Monumentum 43.



Nam postquam semel se Phoebō pontifex, imperatorem vero lunae, *) quae non suis, sed commodatis a sole radiis corruscat, comparasset, ex eo iuris pontificii interpretes suo more facile deduxerunt, pontifici ius esse, quos vellet, reges appellandi, quemadmodum in constitutione Extravante *Vnam sanctam* **) BONIFACIUS OCTAVVS his verbis profitetur: *Spiritualis potestas terrenam potestatem instituere habet et iudicare, si bona non fuerit.* Itaque Roma semper coronarum dispensatrix. Nam, ut ad prisca tempora redeamus, reges populorum dubiae dignitatis, si a populo Romano reges essent appellati, iam ab omnibus agnoscebantur. ***) Sic ARIOVISTVS Germanorum, superiores Rheni partes inhabitantium, princeps a Romanis rex dictus est, ut DIO ****) his verbis refert:

*) Cap. 6. X. de major, et obed.

**) Extrav. Commun. lib. I. tit. 8. de major, et obed. *in fine.*

***) Polyb. Excerpt. Legat. num. XXII.

****) Dio Cassius XXXVIII. p. 81. plura vide in litteratissimo huius civitatis senatoris ac aedilis, quo inter coaetaneos non alium cariorum habeo, CHR. GVILKÜSTNERI disp. de iure appellandi reges apud Romanos.

refert: *Germanis illis ARIOVISTVS imperabat, cuius regnum Romani confirmarunt, ipsumque Caesar in consulatu suo inter amicos sociosque Romanorum adscripserat.* Quae res cum satis pervulgata sit ac nota omnibus, ei non diutius inhaerere, sed nummos in medio positos breviter illustrare placet. In Monumento XCI. Germanico Quadorum populò rex ab ANTONINO PIO confirmatur. Qui sequuntur tres nummi, TRAIANI sunt, ab EZECHIELE SPANHEMIO aliisque publicati. Sedet in sella curuli imperator suggestu elatiore facta, a tergo praefectus praetorio, quem gladius prodit, quo cinctus est. Nota est TRAIANI VOX gladium praefecto praetorio tradentis, ut contra se quoque ille, si male imperet, vteretur.*) In Monumento XCVI. barbarus supplex sibi regem exposcit. In Nonagesimo et secundo adfunt tres signiferi cum duobus togatis. Iam numisma vides imperatoris SEVERI inscriptum: TR. P. III. IMP. II. COS. II. in quo Armeniis regem

*) Plin. Panegy. cap. 67.



regem dat. Illustrant hoc monumentum CAPITOLINI verba: *Confecto sane bello regna regibus, prouincias vero comitibus suis regendas dedit.* Postremus iterum TRAIANI est, in quo stantem ante tribunal regem diademate insignem Parthus geniculatus accipit. Erat autem sociorum populi Romani deuictorumque populorum duplex conditio. Quidam nimirum semel tantum regem accipiebant, qui deinde regnum ad posteros transmitteret. Aliis vero novus quisque rex ab imperatoribus stabi- liendus erat. Sic ADHERBAL apud SALVSTIUM: *) *Micipsa pater meus moriens praecepit, ut regnum Numidiae tantummodo procuratione exsistimarem meum, caeterum ius et imperium penes vos esse.* Eadem in conditione Armenii, de quibus FLORVS: **) *Armenios, victo rege Tigrane, in hoc vnum seruitutis genus Pompeius adsueverat, ut rectores a nobis acciperent.* De Quadis, cum eorum conditionem primus, ex propositis, nummus exhibeat,

*) Salust. Jugurth. c. 14.

**) Florus lib. 4.



hibeat, IVLII CAPITOLINI *) verba
addimus: *Quadi autem amisso rege suo, non prius
confirmaturos eum, qui creatus erat, dicebant,
quam si nostris placuisset imperatoribus.*

MONV-

*) Capitolin. in M. Anton. Imp. cap. 14.



MONUMENTVM XCVII.

Colossi jurisdictionis in Germania indices. Gladius insigne comitum.

Gigantes, imo res quaslibet solito maiores, Germani veteres *Rolandos* dixere, ut veritas apud GOTFRIDVM VITERBIENSEM:

Mons ibi est magnus, qui dicitur esse Rolandus,


innuit. Mira igitur, ne inepta dicam, verbi notatio, qua GOLDASTVS ligneos hosce lapideosue colossos, iurisdictionis certissimos atque verissimos indices, quales adhuc hodie Quedlimburgi, Bremæ, Halæ, Magdeburgi, Brunsvigæ, Halberstadii, Northusii, Brandenburgi, Göttingæ, Neustadii ad Rhenum, Servestæ, Stadbergæ et Hallenslebae visuntur, a *rügen*, quod accusare denotat, quasi *Rugeland* dictos fuisse

ad pag. 230.



XCVII.







fuisse, arbitratur. Non alius enim *Rolandus*, nisi colossus est. Cum autem inter signum atque signatum quaedam, ut plurimum, similitudo intercedere soleat, si ex me quaeras, quam ob causam statua gladio et clypeo armata indicium banni regii siue iurisdictionis superioris habeatur? respondeo: non imperatoris, sed comitis, hanc formam videri, ut vel gladius significat constans ac perpetua comitis nota. Solus nempe quondam in Germania ius per comites aduocatosque suos dicebat imperator, *) quem glossa iuris municipalis Saxonici **) fontem et originem dicit omnis in Germania iurisdictionis: *Richter und Graven haben ihren Ursprung und Gewalt von dem König*. Haec si vera sunt, ut sunt notissima, nonne credibile est, hoc signum ciues, si vrbi imperator iura comitis siue iurisdictionem superiorem concessisset, in foro suo collocasse, quasi ligneam comitis imaginem, ut potestatis siue iurisdictionis adquisitae documentum esset. Nam cum lapidi incisae comitum
ima-

*) Ius Feod. Alem. cap. 42. edit. Schilter, Spec. Sax. lib. 3. art. 60. Weichbild. art. 8.

*) Glossa ad Weichbild, art. 59.



imagines, quales multae in templis atque sacellis obueniunt, semper gladium habeant, non dubitauerim, ut imperatoris sceptrum, ut ducis vexillum, ita gladium signum et notam comitis putare. *) Neque solum in sigillis **) atque in nummis comitum gladius obuenit, sed chartae etiam veteres eum loquuntur, quarum una ***) ab HENRICO V. Angliae rege scripta comitatum Longaevillae Guastoni tribuit his verbis: *Et eidem Guaston honorem comitis dedimus, ac ipsum in comitatum de Langeville praeficimus, nec non de iisdem nomine et honore per cincluram GLADII eundem Guaston inuestimus.* Praeterea in alterius cuiusdam comitis inauguratione fit mentio gladii apud SELDENVM: *Eundem etiam Dominum Aluarum - - - in comitem d' Avarans in ducatu nostro Normanniae creauimus ac praefecimus, ac de iisdem honore et titulo per cincluram gladii inuestientes, effectualiter insigniuimus.* Cur autem Anglorum exem-

*) Heineccius de sigillis P. 1. cap. 10. num. 20. pag. 124.

**) Glossæ Decas Sigillorum p. 74. Harenberg Histor. Oandersh. diplom. tab. 1. num. 2.

***) Seldenus tituli honorum P. 2. c. 3. §. 15. /



exemplis non utamur, ad demonstrandas Germaniae consuetudines, cum Saxones ipsi fuerint? *Die coronationis*, inquit HOVEDENVS, *Iohannes rex accinxit Wilbelmum mariscalcum gladio Comitatus de Striguil; et Galsfredum filium Petri gladio Comitatus de Essex; qui licet antea vocati essent comites et administrationem suorum comitatum habuissent, tamen non erant accincti GLADIO COMITATVS. Et ipsi illa die seruierunt ad mensam regis, accincti gladiis.* Ratio autem quam propter ense potissimum comites exornarentur, non abscondita, quia nempe ius gladii, seu mixtum imperium et bannum sanguinis habebant. *) *Weichb. art. 8. L. 3. ff. de iurisd.* Neque versus apud GOTTFRIDVM VITERBIENSEM praetereundus:

*Iudicii signum gladius monstrare videtur;
Quo malefactorum feritas cessare iubetur.*

Haec de comitibus, nunc ad Rolandos reuertor.
Celeberrimus inter omnes Bremensis, cuius in
hono-

*) Ockel de Palatio seu Scabinatu Halensi thes. 39. Gryphian-
der de Weichbildis Sax. cap. 75.



honorem praefens numisma cufum. Hac imagine ciues, ad libertatem suam demonstrandam, quondam vfi contra episcopum, quasi colossus eam esse imperii, non prouincialem, urbem ostenderet. Licet autem Bremenses clypeo Rolandi sui hos versus inscripserint:

*Frieheidt do ik Iuw openbahren
De Coning Carl und mannig Forst vorwahr
Dieser Stadt gegeben hat.
Dess dancket Gott ist mein Rbadt,*

aliaque in curia huius ciuitatis inscriptio hanc Rolandi significationem mentiatur:

*Wente der Stadt ist gegeben des Rolandes Bilde,
Tho einen Teken der Freyheit unte des Rikes
Schilde:*

tamen haec traditio, quasi libertatis Rolandus signum esset, iam dudum inter falsas relata et a multis, nuperrime a KÖHLERO, *) satis et ex professio refutata. Nam multae Germaniae vrbes tales statuas in foro positas habent, quae ducibus, episcopis, comitibusve subiectae sunt;

contra

*) Köhler Münz Belustig. Part. 10. pag. 145.



contra vero immediatae ciuitates plurimae eas non habent, vt manifestum sit, hoc argumento Bremam aliasque ciuitates, ad libertatem suam demonstrandam, perperam vsas esse. Mitto Bremensem colossus, vt de Göttingensi, qui non, vt caeteri sui similes, in foro et curia, sed in templo habitat, ex GRYPHIANDRI de Weichbildis libello, triste dicamne an ioculare? quo caput ei revulsum est fatum, referre liceat. Nempe eo tempore, quo Göttingenses, plebe tumultuante, diuorum imagines frangerent, habitaculum Rolandi templum, quod hominibus saepe refugium ac tutela, ei fere exitium fuit. Cum enim ex plebe quidam furibundus eam sancti herois imaginem putaret, illico in eam securi animaduertit, ligneumque caput saeuo ac terribili ictu deturbauit. Admonitus autem a veterano ciue, se priuilegiorum Göttingensium indici ac documento sceleratas manus intulisse, re comperta facile patiebatur, vt a caeteris, qui aderant sociis Rolandus, post tantam capitis deminutionem, restitueretur in integrum et, capite humeris reddito vulneribusque vtcunque religatis, in priorem statum et capsam reponeretur.



MONUMENTVM XCVIII.


Traditio fundi symbolica per surculum.

Ritus traditionis per ramum arboris in iure Germanico notior, quam ut eum copiosius describere opus sit, inprimis cum GERKEN-
S I V S *) de eo peculiarem dissertationem scripserit. In pictura, quam oculis subiicimus, fundus vendendus designatus est per graminula, quibus duo homines insistant, neque tamen mihi videtur satis expeditum, quis acquirens, quisve alienans sit? Venditor fundi ille forsitan, qui propius iudicem mitella designatum constitutus, emtor vero is videri possit, qui sua manu comprehendit alterius simul inuestiendi manum. Nam communis manus siue simultanea inuestitura quam clientelarem substitutionem dicere possis, vni possessione data, caeteros commanuarios in
spem

*) Gerken Fragmenta Marchica Pars I. p. 161.

xcvii.





spem successionis vocat atque in Saxonia admodum frequens est. GRYPENIVS e contrario eum, qui manum tenet, ab alienantem putat, alterum vero, cuius manus capta est, nec non post hunc collocatum venditoris heredes esse, propterea, quod bona immobilia, auita nempe, sine heredum consensu in alium transferre non licebat, ut ex Speculo Saxonico *) satis cuique cognitum. Hinc heredum venditoris in diplomatis frequens occurfus. Fidem imprimis conciliare studet suae opinioni ex veteri charta, in qua scriptum inuenit: *Quicquid proprietatis ad ipsum pertinere ad Erchanfritam viderentur, propriis manibus ipsa Erchanfrit et fratri (fratre) suo Pilgrimo MANVS SVAS INIACENTÈ - - - in manus venerabilis viri Hittonis Episcopi communiter tradiderunt.* Ramus autem pro fundo est, quae nec Romani symbola ignorarunt, si quidem apud hos possessio apprehendebatur et amissa recuperabatur furculo defraeto, neque tamen clam, sed, ut RAEVARDVS **) docet, hoc

*) Ius Prou. Sax. lib. I. art. 52.


**) Raevard. de Aust. Prud. cap. 9.



hoc modo : vt aduersario vsurpaturus certum constitueret diem, quo in rem praesentem veniretur, et tunc praesente aduersario, a comitantibus amicis ille moribus in fundum duceretur, indeque solemnibus verbis cedere aduersarium et vacuam relinquere possessionem iuberet furculumque defringeret, hoc facto autem de fundo rursus per amicos domum deduceretur. Defracti furculi mentionem in libro tertio de oratore vnicus CICERO facit: *Etiam hac instituendo diuisione vtuntur, sed ita: vt non iure aut iudicio aut denique recuperare amissam possessionem, sed vt ex iure ciuili SVRCVLO DEFRINGENDO vsurpare videantur.*

ad p. 238.







MONVMENTVM XCIX.

C. CI. ET CII.

De Officio Censorum.

SERVIVM TVLLIVM censum instituisse monumentum XCIX. indicat. Nam in antica eum diademate ornatum M. TVLLIVS MARCI FILIVS DECVLA signavit, quia Tullia gens ab hoc prisco rege ortum deducebat, si vera poeta *) canit:

*Tullius aeratas raptabat in agmine turmas,
Regia progenies et Tullo sanguis ab alto.*

Auerſa transuectionem equitum ſiſtit. Sed melius eam et luculentius nummus numero CII. notatus exhibet, qui quidem CLAVDII imperatoris eſt, vt altera eius arca teſtatur, breuitatis cauſa omiſſa, in qua verba: TI. CLAVDIVS CAESAR AVG. P. M. TR. P. IM. PP. Non poſſum autem hoc poſterius monumentum

*) Silius Ital. lib. 8.




mentum clarius interpretari, quam si locum PLVTARCHI *) adscribam: *Ad Censores,* inquit, CVRVLI *insidentes in FORO dignitate ornatuque insignes SINGVLI equites equum suum manu adducebunt.* Nempe si censorem appropinquassent, descendebant. Transvectionis huius etiam VLPIANVS in L. 2. ff. de *in ius voc.* his verbis memor: *In ius vocari non oportet eum, qui equo publico, in causa publica, transuehatur.* Hoc priuilegium haud dubie AVGVSTO debebant equites, siquidem de eo SVETONIVS: **) *Augustus equitum turmas frequenter recognouit, post longam intercapedinem reducto more transvectionis.* Sed neque detrabi quemquam in transuehendo ab accusatore passus est, quod fieri solebat. Transibant autem equites ab aede Honoris in Capitolium, vnde elegans RAEVARDI coniectura, qui negat sibi liquere, quid verba superius laudata *in causa publica* significent? Ait nempe VLPIANVS: *qui equo publico in Causa Publica transuehitur.*

Con-

*) Plutarch. in Pompejo.

**) Sueton. in Aug. cap. 38.


ad pag. 240.



C I.

C II.





Conjicit ille igitur, TRIBONIANVM figlas veteres confudisse, et cum inuenerit in Vlpiani libris: *Qui equo publico in CAP. transuehitur*, putasse scriptum fuisse in Causa Publica, cum tamen legendum sit: *in Capitolium*. Non necessaria quidem, sed docta haec RAEVARDI coniectura, quia ex VALERII PROBI aliorumque Notis intelligimu, litteras CAP. et Capitolium et Causam Publicam significare.

Sed mittamus equitum transuectionem et ad VITELLII nummum oculos animumque conuertamus. Sedet is in sella curuli, adfidente collega. Ciues tres patrimonium aetatem, et liberorum seruorumque numerum jurato *) profitentur. *L. 4. §. 5. ff. de censib.* Aetatem inquam, quod edere annos dicebant, vnde OVIDIUS **) puellas vt, dum florent, ament, ita adhortatur:

*Dum licet et veros etiam nunc editis annos,
Ludite, eunt anni more fluentis aquae.*

quem

*) Liuius lib. 43. cap. 14. Dionys. Halic. lib. 4. p. 221.

**) Ovid. de arte amandi lib. 3. v. 61.



quem locum HEINSIVS non intellexit. Idem
OVIDIVS alio loco, vetulam ne quis de aetate
interroget, his verbis vetat:

*Nec quotus annus eat, nec quo sit nata, require,
Consule? quae rigidus munera Censor habet.*

Haec adjicienda putavi, ut *Legem 3. ff. de censib.*
melius intelligamus, in qua scriptum est:
Aetatem in censendo significare necesse est.

Quaeso autem, ne in hoc nũmmo ipsum
imperatorem VITELLIVM censum agere et
lustrum condere, mireris. Nam ut omnia ma-
gistratuum munera CAESAR, IAVGVSTVS,
TIBERIVS, caeterique ad sese imperatores
traxerant, ita etiã morum praefecturam, ut,
quos vellent, in senatum legere, aut, si cui
minus fauerent, ei equum adimere possent.
De IVLIO CAESARE id palam pronuntiat
SVETONIVS:*) *Non enim honores modo ni-
mios recepit, ut continuum consulatum, prae-
fecturamque morum.* Imitati eum CLAVDIVS,
VESPASIANVS, DOMITIANVS et noster
etiam VITELLIVS, qui inter caeteros hono-
res

*) Sueton, Iul. Caes. cap. 76.

res Cenforis quoque munere functus est. In orbe huius centesimi Monumenti circumscripta verba: Vitellius Cenfor iterum, satis declarant, eum iam antea censuram egisse, nempe cum CLAVDIO Imperatore, anno urbis DCCC. cuius censurae memoriam ille superior nummus conservavit.

Quod sequitur monumentum Cl. togatos duos pro rostris sedentes cum exhibeat, in mentem mihi venit, annon censores illi videri possint? Bini nempe censores pariter, ut duo consules, fuerunt. *) Sedebant etiam censores in foro, **) in quo rostra fuerunt. Sed cum plerique doctorum hominum consules hisce togatis significari putent, nihil definio, atque tantummodo rostrorum, quorum in L. 2. §. 4. ff. de orig. jur. mentio fit, memorabilem formam spectatoribus de meliori commendo.

MONV-

*) Livius lib. 25. c. 13. Cicero de legib. lib. 3.

**) Dionys. Halic. lib. 4. p. 221.



MONVMENTVM CIII.
CIV. ET CV.

*Vestigalia remissa et de
Cursu Publico.*

Cum superius *) HADRIANI, in reliquis
abolendis, liberalitatem laudauerimus,
aequum videtur, vt caeterorum principum lar-
gitiones in nummis memoratas, eadem pietate
recolamus. Obuenit primo Iudaicus Fiscus.
Iudaei scilicet, post metropolin euersam, in Italia
caeterisque Romanorum prouinciis dispersi
quotannis tributum soluere cogebantur, insti-
tuto peculiari Fisco Iudaico, cuius aduocati
etiam Christianos aliosque, qui Iudaei non essent,
ei obnoxios faciebant. Ita enim SVETO-

NIVS

*) Monument. §1.

ad pag. 244.



CIII.




CIV.



CV.







NIVS: *) *Ad Iudaicum Fiscum deferebantur, qui vel improfessi Iudaicam intra urbem viuerent vitam, vel dissimulata origine, imposita genti tributa non pependissent.* Secundum ea non dubito, quin etiam Christiani, ante NERVAE Imperatoris tempora haec tributa soluere coacti fuerint, cum satis notum sit, initio Christianos a Iudaeis distinctos non fuisse. **) Hanc calumniam fisci aduocatorum Iudaeos asserentium, qui tales non essent, repressit NERVA in monumento CIII. palma, qua Iudaea notabatur, signato. Inscriptum est: FISCO IYDAICI CALVMNIA SVBLATA. Duriusculum verbum calumnia, sed in eadem causa obueniens in *L. 3 C. de aduoc. fisc.* vbi fisci patronis imperatur, vt sibi caueant, ne fiscalia commoda occultent, neue etiam, *nullo negotio existente, fisci nomine priuatis audeant CALVMNIAS commouere.*

Sequi-

*) Sueton. in Domit. c. 12.

**) Nostri Litteratura iuris pag. 91. Pith. lib. 2. Aduersar. cap. 2. Casp. Barth. ad Rutil. Numatian. Itinerarium lib. I. v. 159.



Sequitur GALBAE nummus cum inscriptione: QVADRAGENSVMAE REMISSAE. Apud Patinum in Caesaribus pag. 126. alius obuenit, cui additum: QVADRAGESIMAE REMISSAE. Nam et Quadragensumae dicebantur haec vectigalia, et Quadragesimae. Nempe vt Graeci atque Asiae populi decimas, sic Romani Vicesimas et Quadragesimas fisco pendebant. Erant autem aliae quadragesimae litium, aliae quadragesimae mercium, vt, post Spanhemium, BURMANNVS in libro de vectigalibus populi Romani docuit, ad quem lectores remitto, vt eo citius perueniamus ad notabiliorem nummum, cum epigraphae VEHICVLATIONE ITALIAE REMISSA, quem NERVA imperator percussit. Mulae insunt, quarum vna it, altera redit; aut, vt alii volunt, in pastu libere vagantur. Vna sarcinis onusta: hastis, vt opinor, et clypeis aut alio quodam bellico apparatu. Erat autem vehiculatio duplex, alia belli tempore, alia pacis. Illam neque voluisse, neque remittere potuisse NERVA videtur, quia plane necessaria. Nam bello grassante vehicularium munus etiam immunes praestare coguntur.

Tunc



Tunc sane, vt recentior poeta VANIERIVS
canit:

*Villicus arua colens, ab aratro auulsus, acerbis
Cogitur imperiis lassae comes ire cohorti,
Auxiliumque viae curru subiungere tauros.*

Itaque de altero vehiculationis genere nummus
explicandus. Nempe magistratibus in prouin-
cias ituris et legatis publice subministrabantur
iumenta ad commeatum transportandum. LI-
VIUS *) eius rei testis: *Posthumius iratus
Praenestinis, priusquam ab Roma profiscisceretur,
litteras Praeneste misit, vt sibi magistratus ob-
uiam exiret, locum publice pararet, vbi diuer-
teretur, iumentaue, quum exiret inde, praesto
essent. Ante hunc consulem, nemo vnquam sociis,
in vlla re, oneri aut sumtui fuit. Ideo magistra-
tus mulis tabernaculisque et omni alio instru-
mento militari ornabantur, ne quid tale impera-
rent sociis. Legati, qui repente aliquo mitte-
rentur, singula iumenta per oppida, iter qua-
facien-*

*) Livius lib. 42. cap. 2.



faciendum erat, imperabant; aliam impensam socii in magistratus Romanos non faciebant. Nostra, in lingua vehiculationes *Fuhren*, seu *Vorspannung* dicuntur, in legibus Codicis autem Angariae et Parangariae: *L. 2. C. de episc. et cleric. L. 13. C. de excus. L. muner. L. 2. et 21. C. de cursu publ. L. 2. C. de quib. mun. et praest. L. 2. C. de praepos. sacri cul. L. 10. §. 2. L. II. ff. de vacat. et excus. mun. ult. §. 12. de muner. et honor.* Differunt autem ab angariis parangariae hoc modo, ut illae praestari dicantur in via, ubi est cursus publicus; parangariae autem, si a via regia deflectatur, et iter per transversum aut obliquum fiat. Syllaba in hoc verbo penultima producenda est, ob diphthongum *ei*, quia Graecis *αγγαρία* coactio, et *angariare* cogere, quod verbum in *L. 4. ff. de veteran.* obuenit.

De parangariis plura dicere nihil attinet, quod autem angarias, siue cursum publicum spectat, is non semper prouincialium onus fuit, sed quibusdam temporibus simillimus hodierno Postarum, ut vocantur, instituto, nec fere discrimen aliud, nisi quod hoc proficuum fisco, illud vero onerosum et graue. Nos, quoniam *de cursu publico*



publico in Codice peculiarem titulum habemus, de eo locum classicum, qui omnem eius rationem exponit, ex PROCOPII *) Arcana Historia latine versum adscribamus: *Priores Romani principes, ut quam celerrime ex nunciis recognoscerent, quae qualibet in prouincia hostes molirentur, quae in singulis municipiis seu seditione, seu improuiso quocunque casu accidissent, quaeue praefecti ac reliqui praetores per Romanam ditionem agitent, utque annua vectigalia comportanda citra moram in tuto essent, publicum citumque cursum ita constituerunt: In via, quam diurno itinere expeditus viator conficit, octona ferme stabula, alicubi pauciora, infra quinque nusquam, posuere. In singulis stabulis equi dispositi ferme quadraginta, et ad equorum numerum stabularii. Ergo, quorum negotium hoc est, ii equis quam exercitatissimis, aliis aliunde succedentibus, feruntur, cursuque diurno decem non nunquam dierum viam emetiuntur.*

MONV-

*) Procop. Anecdota circa finem p. 131, editionis primae.



MONUMENTVM CVI.

Traditio symbolica per Chirothecam.

De codice Nouellarum Iustiniani picturato *) cum mentionem supra iniecerimus, non iniucundum speramus lectoribus fore, si notitiam membranarum Iuris Saxonici hauriant, quibus rudes et imperitae monachorum manus seculo decimo et quarto, admodum quidem deformes, sed ob antiquitatem venerabiles, rerum iudicialium formas appinxere. Superiunt nimirum Speculi Saxonici codices, ut vocantur, Picturati quatuor: Dresdenfis, Guelpherbytanus, Oldenburgensis et ille, quo bibliotheca GRV-PENII superbit. Licet vero harum specierum aliquas vir rerum germanicarum peritissimus publicas fecerit, **) nondum tamen voto omnes deli-

*) Monumentum §7.


**) Gruppen von Saechsischen Rechtsbüchern: Eiusdem Teutsche Alcerthümer.

ad pag. 250.



CVI.







delineandi atque aeri incidendi sese liberauit. Nos ex Guelpherbytano *) traditionem symbolicam per chirothecam, siue oblationem principi factam, oculis subiiciamus. Nempe traditiones, imo etiam promissiones, fiebant inter praesentes oblata manu digitoque erecto, quae *manuales* **) et *manufirmationes* ***) dicebantur. Absentes vero, cum dextram sibi porrigere non possent, symbolo utebantur atque chirothecas sibi mittebant, quod iracundiores, cum ad certamen singulare alterum prouocant, adhuc hodie, more antiquo, ****) obseruare solent.

Singulare est, quod glossator vetus ad librum tertium art. LXVI. Speculi Saxonici monet: *Auch mag man keinen Markt begen, ohn des richters urlaub. Ia, das solches des Reiches Wille sey, sol der Keyser sein RECHT HANDZEICHEN, dessen zu urkund, in die Stadt senden, als du hast in Weichbilden Rechte.* Hoc est „Non licet nundinas „insti-

*) Pertinet haec pictura ad I. P. S. lib. 2. art. 24. in fine.

**) cap. 51. X. de sentent. excom. et cap. 12. X. de majorit.

**) Capitulare Caroli Magni lib. 6. cap. 212.

****) Aeneas Siluius in Commentario de statu Europae sub Friderico tertio cap. 63. apud Freherum Tom. 2. Scriptor. Germ. p. 105.



„instituere, sine iudicis consensu, imo, ut appa-
 „reat hoc imperii ex voluntate fieri, oportet im-
 „peratorem suam dextram chirothecam in vr-
 „bem mittere, ut habes in iure municipali. „
 Illud autem, quod laudat, ius municipale ita
 habet: *) *Man benket auch da des Königes*
HENDSCHUCH daran, durch das man sebe; das
es des Königes Wille sey. Alius est, qui huius
 rei mentionem facit Speculi locus, **) a Polono
 sic latine factus: *Nemini licet forum erigere vel*
monetam de nouo instituere, sine consensu eius
loci ordinarii, seu iudicis. Etiam rex, in signum sui
consensus, suam ad hoc mittere debet chirothecam.

Traditiones autem per chirothecas factas
 esse, GRYPENIUS ex veteri charta docet, ubi:
super reliquias nostras cum chirotheca, sicut mos
est liberis Saxonibus, tradidit. Ut autem hodie
 scripturae traditionem confirmantes, ita olim chiro-
 thecae, si his interuenientibus res traditae fuissent,
 in tabulariis quae archiua vocant, asseruabantur,
 ut aliud diploma apud eundem docet: *Aduocatus*
eccle-

*) Weichbild art. 9.

**) Spec. Saxon. lib. 2. art. 25.



ecclesiae chirothecam traditionis, sacris reliquiis impositam, abstulit. Haec traditio per manticas seu chirothecas in latinitate barbara dicitur *traditio per Wantonem*, aut: *cum Guanto*. Neque obueniens in Capitularibus regum Francorum *) *manumissio per hantradam*, ut iam alii viderunt, alia est, quam quae per chirothecam fit, nempe per *Handgeraethe*. Scilicet verbum Rade ornamentum aut vtenfile significat.

MONV-

*) Capit. tertium anno 813. apud Gerogisch, p. 781.



MONUMENTVM CVII.

Feodum Ligium.

Non vere cufum, attamen a Societate Academica Inſcriptionum, *) quae Pariſiis floret, hac forma belle excogitatum atque inventum, LVDOVICI XIV. numiſma exhibemus, in quo rex iuvenis cooperto capite in folio ſedens CAROLI ducis Lotharingiae et Barrae manus implicatas tenet, vt in homagio ligio fieri conſuevit. Poſt ducem arma ducatus Barrenſis loquentia cernis, nempe duos barbones, qui piſces et muli dicuntur. Inſcripta verba: HOMAGIVM LIGIVM CAROLI LOTHARINGIAE DVCIS OB DVCATVM BARRENSEM, inferius annus MDCLXI. quo haec inauguratio contigit. Beneficium ligium autem,

vt


*) Medailles ſur les principaux evenemens du regne de Louis le Grand, par l'Academie des Medailles et des Inſcriptions.

ad p. 264.



CVII.





vt vulgo definiunt, illud est, quod a domino, nullum superiorem recognoscente, conceditur ea lege, vt vasallus opem ei praestet contra quoscunque, nemine excepto. *II. F. 28. §. contra omnes II. F. 99.* Nam, cum in caeteris beneficiis excipiat superior dominus. *II. F. 55.* quem oppugnare vasalli non coguntur, facile patet, quare feodum ligium, contra omnes demerendum, tantum a supremo domino concedatur.

Implicare autem suas manus, cum inuestitur homo ligius, in manus domini iubetur, quae consuetudo in hoc pariter atque superiori monumento, numero LXVIII. signato, luculenter expressa et in docta dissertatione de feodis ligiis ab Illustrissimo LUDOVICO SIGFRIDO, COMITE VICEDOMINO AB ECSTAEDT *) multis testimoniis demonstrata. Sic apud BRACTONEM: *Debet quidem tenens manus suas utrasque ponere inter manus utrasque domini.* Idem illustrissimus doctissimusque comes ex GALBERTO in vita B. Caroli haec exhibet:

Comes

*) In Ienichenij Thesauro iuris Feod. Tom. 2. pag. 972.



*Comes requisivit, si integre vellet homo suus fieri?
et ille respondit: volo, et iunctis manibus am-
plexatus a manibus Comitis.*

Fuisse autem ducatum Barrensem beneficium
ligium, cuius possellores seruitia praestare do-
mino aduersus quoscunque, nemine excepto,
iurato promiserint, non solum CHIFLETIVS *)
docet, verum ipsae etiam apud THEODORVM
GOTHOFREDVM in Ceremoniali Franciae
superstites formulae, **) quibus ANTONIVS
et CAROLVS duces Lotharingiae, alter a
FRANCISCO rege Galliae, alter a LVD-
VICO XIII. ducatu Barrensi cohonestati fuerunt,
clarissime loquuntur.

MONV.

*) Chiffet. in Commentario Lothariensi cap. 1.


**) Gothofred. Ceremonial de France Tom. 2. pag 664.
et 673.

MONUMENTVM CVIII.

Lex Papia incerti argumenti, aut potius Papiria de suffragiis.

Non de lege Papia, sed Papiria de suffragiis tabellaria, cum PAPI. vtrumque nomen indigitet, et Iuno Sospita vtrique genti, tam Papiriae quam Papiae, communis sit, *) nummum, quem exhibeo, interpretaturus eram, nisi SPANHEMIVM et VAILLANTEM consuluissem, qui tesseram illam capiti appositam legis Papiae tabulam arbitrantur. Qualis vero illa? Caeteris notior et a CAIO PAPIO anno urbis conditae DCLXXXVIII. cum tribunus plebis esset, perlata, ne quis peregrinus

*) Vaillant. Nummi Fam. in gente Papiria, nummus I.




regrinus in vrbe esset et Latini in suas ciuitates redigerentur, nescio an satis gratiosa et diuturna fuerit, vt numisma mereretur, cum CICERO *) scribat: *Male etiam peregrinos vrbe prohibent, eosque exterminant, vt Pennus apud patres nostros, Papius nuper.* Aliam ergo intelligere praestat, forte quam GELLIVS in libri primi capite duodecimo laudat, aut oblitteratam aliquam, cuius nulla restat memoria. Leges enim innumerabiles Romae fuerunt, quarum ne quidem nomina scimus, aut etiam si haec nota sunt, tamen capita et argumenta ighoramus. Nonne autem Papiam Poppaeam celeberrimam illam nuptialem et caducariam significari credamus, quae legem Iuliam de maritandis ordinibus in melius produxit et quibusdam capitibus auxit? Vellem equidem lubentissime de hac accipere, si temporis ratio admitteret. Nam cum Papia Poppaea anno vrbis DCCLXII. sub AVGVSTO lata sit, neque tamen, vt in L. 3. C. de vet. numism. pot. dicitur, aeternalis eius vultus in nummo praesente appareat, libera adhuc repu-

*) Cicero de offic. lib. 3.

ad p. 258.





republica cūsum esse, vero simillimum videtur. Nempe iam illo tempore obtinuisse, ut imago imperatoris, certe nomen eius, nummis imprimeretur, alia, quae supersunt, exempla satis et abunde declarant, qui deinde mos perpetuus fuit, vnde PRUDENTIVS: *)

En Caesar agnoscit suum

Nummisma nummis inditum.

Apud PAVLVM vero in Sententiis **) *vultu principum signata moneta* dicitur et apud CASSIODORVM libro septimo Variarum, in formula XXXII. scriptum est: *Monetae debet integritas quaeri, ubi vultus noster imprimitur. Quidnam erit rutum, si in nostra peccetur effigie?* Minutae huic tabellae appositum in nummo Iunonis Sospitae caput, de qua CICERO: ***) *Sospitam tu nunquam ne in somnis quidem vides, nisi cum pelle caprina.* Hanc Lanuvini inprimis coluerunt, ut ex eodem CICERONIS loco et verbis, quae deinde sequuntur, cognoscimus. Aut igitur, ad designandam originem Papiorum Lanuviam, haec dea

*) Prudent. Hymn. 3. Perist. v. 95.

**) Paul Sentent. lib. 5. tit. 25. §. 1.

***) Cicero de Nat. deor. lib. 1. c. 29.



dea nummo expressa, ad similitudinem exempli, quod supra in monumento XLVII. exhibuimus, aut quia Sospita gentis Papiae numen tutelare erat, aut quod huius templum quidam ex familia exstruxerat aut refecerat. Auerfa nummi pars gryphem habet, non quasi insignia Papiorum familiaria (nam in caeteris eiusdem gentis numismatibus aliae notae obueniunt) sed ut designaret L. PAPIVS provinciam, quam ipse praefes regebat. Nec dubita Actium esse. Nam apud GOLZIVM, in Graecia, alius nummus obuenit gryphe signatus, inscriptusque ΑΚΤΙΩΝ. Igitur regionis haec insignia. Si familiaria quaeras, ecce adest vasculum seu tripas cum operculo Caccabus is dicitur, quod verbum in L. 19. §. 12. ff. de aur. et arg. vas ad coquendum significat. VARRONI caccabus vasculum dicitur, in quo pulmentarium aut pappas parvulis apparatus. Locupletiores plerumque argenteos caccabos habuisse, superius adducta lex Pandectarum declarat. Lepide autem, ut iam supra vidimus, *) ad sua nomina veteres

*) Monument. 23. 62.



teres interdum alludebant. Nempe apud PLAV-
TVM et PERSIVM *pappare* est sumere pul-
mentarium, quod, vt locus eiusdem VARRO-
NIS apud NONIVM grammaticum probat,
Pappa dicebatur. Haec si nostra nimis te-
meraria tibi coniectura videatur, age, pactione
inita et quasi transigendo, rem ita componamus,
vt VAILLANTIS et SPANHEMII opinio-
ne penitus dimissa, mecum ad pristinas cogi-
tationes redeas, atque non de Papia lege, sed
illa tabellaria nummum accipias, quam C. PA-
PIRIVS CARBO anno DCXXI. pertulit, vt
populus non voce, sed tabella suffragia ferret,
in qua cum quasi arx libertatis Romanae posita
esset, ipsa digna visa, vt rei tam gratiosae me-
moriam nummis saepius repeteretur.



MONUMENTVM CIX. ET CX.

*De Ornamentis galearum
scutorumque fron-
dosis.*

Insignium doctrina, quae Heraldica dicitur et ipsa iuris quaedam accessoria pars est, de laciniis siue fasciis, quas Galli *Lambrequinas*, Germani *Helm-Deken*, alii galearum cappas siue clypeorum pallia appellare solent, varie tractat. Plerisque haec armorum, ut dicuntur, pallia videntur tegumenta fuisse, quibus aduersus solis, pluviae et aëris iniurias scutum milites galeamque inuoluerent. His nullo modo adfentior, sed potius ea pro meris ornamentis habeo, quae ex leui serico aut ex eo, quod nostri *Zindel* vocant, facta, e supremo galeae vertice libere desluebant, ut, cum venti illa varie ludificarent, pulchrum oculis spectaculum, equiti

ad pag. 262.




CIX.



CX.





equiti autem decus conciliarent. Hoc ex monumento CIX. clarius intelligitur, quod principem Galliae cum duce Burgundico in ludo equestri certantem sistit. *) Idem ex sigillis medii aevi, ex quibus monumentum CX. **) sistimus, facile probatur. Neque tamen primus usum huiusmodi laciniarum diuinando detexi, sed jam RINKIUS ***) eos refutauit, qui frondes atque flores, quibus nunc pictores arma nobilium picta circumdare solent, ex hisce quasi palliis, ensium et hastarum ictibus, ut sibi fingunt, laceris, deducere consueverunt. Tamen si enim non nego, ut in vexillis, ita in tegumentis armorum gloriosum fuisse, si pessime fuerint telis perforata, ut etiam haec sanctius quam noua asseruarint, tamen vix credo haec vulnera et hostilitatis argumenta pictorum quadam fingendi temeritate, in frondes fuisse et flores

con-

*) Desumptum hoc ex Vulsonii Thaeatro Honoris Tom. I. pag. 49.

**) Praefens ex Heineccio de Sigillis Tab. XI. num. I. delineauimus.

***) Rink disp. de eo quod iustum est circa galeam §. 10.



conuerſa. Fuerunt enim illae laciniae ſemper,
ut nunc ſe habent, opere Phrygio pictae. Initio
tamen non tantae amplitudinis, ſed leues
tantum et volitantes flammulas fuiſſe, facile
concedo. Scilicet pedetentim creuiſſe videntur,
quemadmodum et noſtris temporibus alia
veſtium ornamenta in maius expandi et dila-
tari ſolent.



MONVMENTVM CXI.

Suum cuique.

Cum in nulla re magis aequitas spectetur, quam in moneta, quemadmodum in superioribus monumentum LXXXIX. satis et abunde declarauit, laudanda sunt FRIDERICI Brandenburgensis, qui deinde primus rex Borussiae coronatus est, aurea verba nummo argenteo, quem Ioachimicum dicunt, inscripta: SVVM CVIQVE. Sane, si dignitas monetae diminuatur, omnia quoque pretia specierum crescere, neque suum cuique tribui, Imperatores VALENTINIANVS et VALENS recte monuerunt. *L. 2. C. de vet. numism. potestate.* Sed haec omittimus prae gaudio haud vulgari, nos primum iuris totius principium in nummo obseruasse. Et si enim VLPIANVS tria iuris praecepta commemorat: *Honeste viuere, alterum non laedere et suum cuique tribuere*, tamen horum vnumquodque ita in duobus reliquis continetur, vt qui suum cuique

R 5 tribuat,




tribuat, etiam honeste viuat, neque vlli noceat. Caeterum verba in orbe Ioachimici scripta ita legenda esse: *FRIDERICUS III. Dei Gratia Marchio Brandenburgensis, Sacri Romani Imperii Archi - Camerarius ET ELECTOR*, in aversa autem, eius insignia exhibente, quibus pileus electoralis impositus, litteras I. C. S. nomen fabri denotare, fere superuacaneum monuisse.

ad p. 266.



XXI.







MONVMENTVM CXII.

Ad titulum Codicis de precibus Imperatori offerendis.

In hoc Codicis titulo, inter alia HONORIVS ET THEODOSIVS Augusti omnibus supplicandi licentiam permittunt, sine discrimine, vtrum serui an liberi fuerint? nec requiri volunt, per quem preces oblatae sint. Hanc animi maximi generosam ac popularem celsitatem, cum regnum adolescens iniret, LVDOVICVM MAGNVM Franciae regem imitari studuisse, nummus docet ab Academia Inscriptionum excogitatus, in quo vidua cum pupillo et pauperculus senex supplicant, addito lemmate: FACILIS AD PRINCIPEM



PEM ADITVS. Fallor, aut huic epigram-
mati occasionem dederunt CALLISTRATI *)
verba: *Obseruandum est ius reddenti, vt in
adeundo quidem facilem se praebeat, sed con-
temni non patiatur.*

MONV-


*) L. 19. ff. de offic. praesid.

ad p. 268.



CXII.







MONUMENTVM CXIII.

Traditio aedium per ostium.


In codice Guelphebytano *) Speculi Saxonici picturis admodum rudibus et inuenustis, exornati dicamne an deformati? mittitur quis a iudice in possessionem aedium hoc modo, ut praesente scabino seu praecone apprehendat illarum ostium. Iudex autem, quem mitella designat, ideo appositus, quod bona immobilia non aliter, quam in iudicio, tradi poterant. Non hic Germanis proprius mos, sed communis olim omnium gentium, nam et Graecis eundem placuisse VERPORTENIVS in libro de Inuestitura Allodiorum §. XI. quibusdam auctoritatibus confirmat. Apud Romanos autem res mancipi, inter quas praedia Italica, tam rustica, qualis est fundus:


*) Gruppenii Teutsche Alterthümer pag 9.



fundus: quam vrbana, qualis domus, abalienari valide non alio potuisse modo, quam per mancipationis ritum, coram quinque testibus, populum (si fabula vera) referentibus, aut per cessionem in iure, nemo facile ignorat. Cessio autem quomodo facta sit, ex BOETHIO, ad Topicorum Ciceronis librum tertium, discce. Nempe is, cui res in iure cedebatur, glebam tenens ita vindicabat: Fundus, qui est in agro, qui Sabinus vocatur, eum ego ex iure Quiritium meum esse aio. Deinde postquam hic ita vindicasset, praetor interrogabat eum, qui cesserat, an contra vindicas? Quo negante aut tacente, praetor tunc ei, qui vindicaverat, rem addicebat, quae legis actio dicebatur: in iure cessio.

C. XIII.





MONUMENTVM CXIV.

*In orbe Romano qui sunt,
ex constitutione Imperato-
ris Antonini ciues Ro-
mani effecti sunt.*

Corona ciuica ex quercu plexa quibus data
fit, ex Ouidio *) notum:

*Causa superpositae scripto testata coronae
Seruatos ciues indicat huius ope.*

Singulare igitur civicam coronam Senatum Po-
pulumque Romanum decrevisse Antonio Pio
AMPLIATORI CIVIVM. Quae verba cum
adspexeris, nonne tibi *Lex 17. ff. de statu hom.*
in mentem veniat, in qua **VLPIANVS**: *In*
Orbe Romano qui sunt, ex constitutione impera-
toris

*) Ouid. lib. 3. Trist. eleg. I. v. 47.



*ratoris Antonini ciues Romani effecti sunt. Grata
lex omnibus, etiamsi iam vicesimae soluendae
essent, gentibus. Nempe per hanc*

*Distantes regione plagae diuisaque ponto
Litora conueniunt nunc per vadimonia ad unum
Et commune forum; nunc per commercia et artes
Ad coetum celebrem; nunc per genitalia fulcra
Externi ad ius connubii. *)*

Ipse quidem EZECHIEL SPANHEMIVS in-
specto nummo haesitabat, anne ex eo probari
possit, auctorem huius constitutionis ANTONI-
NVM PIVM fuisse, re tamen accuratius pensita-
ta, neque PIVM, neque MARCVM ANTONI-
NVM, sed ANTONINVM CARACALLAM
hanc legem iussisse pronunciabat, fultus potissi-
mum DIONIS in *Excerptis* auctoritate, cui
GERHARDVS NOODTIVS ad Pandectas et
PETRVS BURMANNVS in libro de Vestiga-
libus populi Romani, deinde plures subscripfere.
Contra vero Iustinianus in Nouella LXXVIII. capite
quinto eam legem P I O tribuit his verbis: *Facimus
autem novum nihil, sed egregios ante nos impera-
tores*


(*) Prudentius aduersus Symmachum II. v. 612.

ad pag. 272.



CXIV.







tores sequimur. Sicut enim ANTONIVS PIVS cognominatus (ex quo etiam ad nos haec appellatio peruenit) ius Romanae ciuitatis, prius ab unoquoque subiectorum petendum et ita ex iis qui vocantur Peregrini, ad Romanam ingenuitatem reducens, hoc ille omnibus in commune subiectis donauit. Haec IVSTINIANI verba DIONI hoc modo LVDEWIGVS *) conciliare studuit, ut inter ius ciuitatis indultum et imperatum distingueret. Donauit PIVS, ait, non obtrusit illud nolentibus decimationis causa, quod postea fecit CARACALLA. Vtunque ea res se habeat, tamen hoc saltem ex numismate clare et palam elucescit, ante ANTONIVM CARACALLAM iam ANTONIVM PIVM pluribus non ciuitatibus tantum, sed integris prouinciis ius ciuitatis dedisse. Neque fere imperator Romanorum ullus, qui non erga quasdam gentes, dato ciuitatis iure, se liberalem praeberit, ut vix CARACALLAE. opportuna vltioris beneficii facultas superesset. MAECENAS in oratione ad Augustum, quam libro septimo DIO CASSIVS commemorat, iam

suasor

*) Ludwig disp. de Albinagio cap. 9. §. 3.



suasor OCTAVIO, vt omnibus populis, iis etiam, qui extra Italiam essent, ciuitatem largiretur, Romamque faceret vnam omnibus patriam.

CLAVDII vero conatus ex SENECAE acerba, quam de morte Claudii Caesaris scripsit, satyra discimus, in qua CLOTHO: *Ego me hercule, inquit, pusillum temporis adiciere illi volebam, dum hos pauculos, qui supersunt, ciuitate donaret. Constituerat enim omnes Graecos, Gallos, Hispanos, Britannos togatos videre. Sed quoniam placet aliquos peregrinos in semen relinqui, et tu ita iubes fieri, fiat.*



MONUMENTVM CXV.
CXVI. ET CXVII.

*Leges Coelia et Cassia
tabellariae, Tribunal,
Libertas.*

Quem superius, *) cum de lege Cassia ageremus tabellaria, nummum praetermissimus, eum primo loco adducimus, cum Libertatis imagine iam ex alio nummo **) lectori cognita. Nempe suffragiis, ob circumstantem patronorum aliorumque potentium turbam, plebi non satis liberis, tacita tabella hoc incommodum sustulit, ut CICERO ***) non immerito Cassiam legem *vindicem tacitae libertatis* appel-

*) Monument. 38.

**) Monumentum. 6.

***) Cicero Agraria 2. cap. 4.



appellasse videatur. Sequitur alius nummus cum tribunali, *) in quo fella posita curulis. Ad sinistram A. C. hoc est *Absolue Condemno*, ad dextram, quemadmodum et in priori numismate, urna spectabilis. Nam aut in cistam aut urnam tabellae mittebantur. *Quaero ex te*, inquit CICERO, **) *num quis reus post urbem conditam in tribunal sui quaesitoris adscenderit, eumque deturbauerit, subsellia dissiparit, URNAS deleuerit?* Alludit ad morem Romae usitatum, nescio an satis bene, VIRGILIUS: ***)

Nec vero hae sine sorte datae sine iudice sedes.

Quaestor Minos URNAM mouet, ille Silentum Consiliumque vocat vitasque et crimina discit.

Tandem in monumento CVII, C. COELIVS CALDVS consul adest auctor legis Coeliae, appositis litteris L. D. hoc est: *Libero Damno*. Nam, cum lex Cassia tantum de magistratibus creandis et legibus ferendis, non autem de iudiciis publicis egisset, adeoque in perduell-

lionis

*) Vide supra Monument. 6, et 7.

**) Cicero in Vatin. cap. 34.

***) Virgil, Aeneid. lib. 6. v. 431.

ad p. 276.



1870



1870



lionis quaestione populo vocis suffragium reli-
 quisset, hic COELIVS, homo iracundus, ut
 C. POPILIVM, quem huius criminis propterea,
 quod is turpi foedere in Gallia cum hostibus con-
 uenisset, publice accusauerat, eo certius oppri-
 meret, huic iudicio et liberantem et damnantem
 calculum concessit. Neque enim semper A. C.
 sed etiam obuias in nostro denario litteras, tabellis
 inscriptas fuisse, vel ex IVLIO CAESARE*)
 colligi potest, ubi refert, censuisse quosdam
 tabellas duas ad iudicandum dandas esse:
nempe unam fore tabellam, qua LIBERANDOS
omni periculo censerent, alteram, qua capitis
 DAMNARENT. Legis Coeliae igitur, ut
 stilum contraham, argumentum hoc fere ar-
 bitror fuisse: IN PERDVELLIONIS PV-
 BLICB IVDICIO ITA VTI IN LEGI-
 BVS FERENDIS MANDANDISVE MAGI-
 STRATIBVS POPVLO TABELLAE SVF-
 FRAGIVM ESTO.

Totum vero illud tabellarium institutum in
 iudiciis publicis, si non ab Ostracismo Athenien-
 sium

*) Caes. de Bello civili lib. 3. c. 81,




sium ortum est, huic tamen admodum simile, videtur cuius nomen ab ostraco, calculum siue testam significante. Ostraca in comitiis viritim dabantur, in quibus vnusquisque potentis cuiusdam, quem vrbe cedere cuperet, nomen inscribebat. Praeerat his comitiis magistratus, qui vniuersos calculos recitabat.

Apud Romanos vero inter omnes tabellarias leges prima Cassia quo gravior plebi; eo magis inuidiosa patribus, qui inconsultam temeritatem multitudinis et suffragii licentiam taciti, in causis optimatum, pertimescebant.

ed p. 278.



CXVIII.



CXIX.



CXX.







MONUMENTVM CXVIII.
CXIX. ET CXX.

*Publius Mucius Scaevola,
Cocceius Nerva pater
et filius.*

P. MUCII SCAEVOLAE, cuius in *L. 2.*
§. 39. ff. de orig. iur. mentio, vitam, ho-
nores et iuris ciuilis prudentiam cum copiose
enarrauerit *VAILLANTIVS*,*) mortem autem
PLVTARCHVS, qui in *Sulla* scribit, tantum
virum morte pediculari obiisse, de eo plura
commemorare supersedeo, nec praeter dena-
rium quicquam addo, in cuius vtraque parte
HERCVLES, hic caput, illic luctans cum leone,
prope claua cum arcu et pharetra. Qui sequitur
nummus *M. COCCEIVM NERVAM* patrem,
juris-

*) *Vaillant. Famil. T. 2. p. 146.*



jurisconsultum TIBERIO imperatori carissimum, *L. 2. §. 47. ff. de orig. iur.* etiam monetae praefuisse, monstrat. Filium is habuit cognominem, qui septendecim annorum puer de iure responsitavit, *L. 1. §. 2. ff. de postul.* atque nominis gloriam, a patre hereditario iure acceptam, non solum doctrina et scriptis a sectatoribus saepe laudatis, verum etiam in numismate, quod ultimo loco delineari curavimus, maxime autem eo ampliauit, quod NERVAM imperatorem genuit.

FINIS
LIBRI SECVNDI.

REPER.



REPERTORIUM LEGVM
IN HIS DVOBVSVS LIBRIS
ILLVSTRATARVM.

EX INSTITVTIONIBVS

*P*rooemium

Pag. 165

princ. de excusat.

156

EX PANDECTIS.

<i>L. 1, §. 13. de abigeis</i>	94
<i>L. 44. §. 1. de administrat. et peric. tut.</i>	140
<i>L. 46. princ. eod.</i>	140
<i>L. 2, §. 3. de aleatorib.</i>	68
<i>L. 19, §. 12. de aur. et arg.</i>	260
<i>L. 3. de censib.</i>	242
<i>L. 4. §. 5. eod.</i>	241
<i>L. 32. de condit. et demonstrat.</i>	140
<i>L. 81. eod.</i>	140
<i>L. 4. de extraord. crim.</i>	155
<i>L. 1. §. 10. de inspic. ventr. et cust. part.</i>	118
<i>L. 33. de injur.</i>	18
<i>L. 2. de in jus voc.</i>	240



<i>L. 6. eodem</i>	Pag. 223
<i>L. 10. §. 1. eod.</i>	265
<i>L. 11. eod.</i>	18
<i>L. 8. ad L. Corn. de fcar.</i>	155
<i>L. 9. ad L. Falc.</i>	155
<i>L. 88. eod.</i>	109
<i>L. 29. de legib.</i>	130
<i>L. 19. ff. de offic. praef.</i>	268
<i>L. 8. de manumiss. vind.</i>	61
<i>L. 24. ad municip.</i>	140
<i>L. ult. §. 12. de mun. et bon.</i>	248
<i>L. 2. §. 4. de orig. jur.</i>	243
<i>L. 2. §. 37. eod.</i>	46. 179
<i>L. 2. §. 38. eod.</i>	47. 179
<i>L. 2. §. 39. eod.</i>	279
<i>L. 2. §. 40. eod.</i>	189
<i>L. 2. §. 47. eod.</i>	280
<i>L. 1. §. 2. de postul.</i>	280
<i>L. 1. §. 5. eod.</i>	18
<i>L. 17. §. fin. de praescr. verb.</i>	71
<i>L. 13. §. 4. de re milit.</i>	142
<i>L. 19. de ritu nupt.</i>	87
<i>L. 29. eod.</i>	191
<i>L. 1. §. 2. ad SCt. Turpill.</i>	37
<i>L. 1. soluto matr.</i>	156
<i>L. 17. de statu hom.</i>	271
<i>L. 13. de testib.</i>	37
<i>L. 1. et 2. de vacat et excus.</i>	87. 156
<i>L. 10. L. 11. eod.</i>	248
<i>L. ult. eod.</i>	156
<i>L. 1.</i>	L. 1.

L. 147. *de verb. sign.*

Pag. 87

L. 4. *de veteran.*

248

EX CODICE REPET. PRAEL.

L. 3. *de advocat. fisci*

245

tot. tit. de curs. public.

244

L. 2. L. 21. *eod.*

248

L. 2. *de episc. et cleric.*

248

L. 13. *de excus. mun.*

248

L. 9. *de legib.*

130

L. 2. *de praepos. sacri cub.*

248

tot. tit. de precib. imp. offer.

267

L. 2. *de quib. mun. et praestat.*

248

tot. tit. sine censu vel reliq.

140

L. 3. *de susceptor.*

140

L. 2. *de vet. numism. pot.*

265

L. 3. *eod.*

258

EX NOVELLIS.

Nov. 17.

166

Nov. 78. *cap. 5.*

272

EX COD. THEODOSIANO.

L. 3. *de indulg. cred.*

139

L. 1. *de infirm. poen. coelib.*

87

Novella Marciani

139

Novella Majorani

139

Novella Valentiniani III.

120



EX DECRETO GRATIANI.

<i>Can. 1. dist. 1.</i>	Pag. 114. 221
<i>Can. 23. dist. 63.</i>	122
<i>Can. 17. C. 2. qu. 5.</i>	149
<i>Can. 28. C. 27. qu. 2.</i>	149
<i>Can. 2. C. 33. qu. 1.</i>	149

EX DECRETALIBVS.

<i>Cap. 10. X. de accus.</i>	149
<i>Cap. 5. X. de frigid. et malef.</i>	149
<i>Cap. 7. eod.</i>	149
<i>Cap. 6. X. de maj. et obed.</i>	226
<i>Cap. 12. eod.</i>	251
<i>Cap. 5. X. de purgat. can.</i>	149
<i>Cap. 8. eod.</i>	149
<i>Cap. 9. eod.</i>	149
<i>Cap. ult. X. de rescript.</i>	108
<i>Cap. 51. X. de sent. excom.</i>	251
<i>Cap. 13. X. de Simon.</i>	149
<i>tot. tit. de usu et auct. pall.</i>	12. 96

EX SEXTO.

<i>Cap. fin. de sentent.</i>	58
------------------------------	----

EX EXTRAVAGANTIBVS.

<i>Extrav. Com. Vnam sanctam</i>	226
----------------------------------	-----

EX



EX IVRE FEODALI.

I. F. 4. §. 1.	Pag. 149
I. F. 10.	149
I. F. 26. §. 1.	149
I. F. 28.	149
I. F. 33. <i>princ.</i>	149
II. F. 27.	25. 75
II. F. 41.	149
II. F. 28	253
II. F. 55.	255
II. F. 99.	255
V. F. 10.	181

EX SPECVLO SAXONICO.

Lib. 1. art. 1.	208
Lib. 1. art. 3.	99
Lib. 1. art. 13.	49. 51
Lib. 1. art. 52.	237
Lib. 1. art. 63	77. 124
Lib. 2. art. 14.	252
Lib. 2. art. 16.	251
Lib. 2. art. 34.	187
Lib. 3. art. 46.	49
Lib. 3. art. 60.	231
Lib. 3. art. 62.	202
Lib. 3. art. 66.	251

SPECVLVM SVEVICVM.



WICHILDVM.

<i>Art. 8.</i>	Pag. 231. 233
<i>Art. 9.</i>	252
<i>Art. 43.</i>	150
<i>Art. 59.</i>	231
<i>Art. 133.</i>	186

LEGES ALEMANNORVM.

<i>J.L. Alem. tit. 6. §. 7.</i>	149
---------------------------------	-----

LEGES LONGOBARDICAE.

<i>tit. 17. §. 1.</i>	52
<i>Lex Rotharis</i>	80

AVREA BVLLA.

<i>Cap. 5.</i>	203
<i>Cap. 17.</i>	182
<i>Cap. 27.</i>	65

EXPLICIT.





An den Buchbinder.

Die halben Bogen Kupferstiche müssen in vier Octav-Blätter zerschnitten, und der Länge nach, wie die bengestochene Pagina (ad pag.) anzuweisen, noch ehe das Buch geheftet wird, eingehängt werden. Solche Kupferstiche etwa alle zusammen hinten anzuhängen, gehet gar nicht an, weil sonst dem Besitzer das ganze Buch verderbet würde. Diejenigen Blätter, so ein wenig breit gerathen, werden ganz hintergerückt, damit bey dem Beschneiden kein Schade geschiehet. Die größern einzuschlagen oder zu brechen würde ein Fehler seyn, sondern auch diejenigen, so breiter als die übrigen ausgefallen, müssen so weit hintergerückt werden, daß es keines Einschlagens oder Brechens bedürffe.

(Nota. Dieses Blat wird abgeschnitten.)

VH1
1541480